

12
AMOENITATES
LITERARIÆ,

Quibus
VARIÆ
OBSERVATIONES,
Scripta item quædam anec-
dota & rariora Opuscula
exhibentur.

Tomus Secundus,
Editio altera correctior



FRANCOFURTI & LIPSIAE,
Apud DANIEL. BARTHOLOMÆI
& FILIUM.
M DCC XXX.





I.

DISSERTATIO

DE

LIBRIS RARIORIBUS , ET VARIIS RARITATIS EORUM CAUSIS.



Antis animus eorum, qui Musarum in castris strenue militant, in cognoscendis, volutandis perlustrandisque, addo & possidendis libris, vividis illis præstantium ingeniorum monumentis, perfunditur deliciis, quantæ solent esse, cum sunt maximæ. Mellita dulcedine, quæ largiter inde fluit, semel vel primoribus labris degustata, crescit sapidissimi illius cibi cupiditas: & optatæ hæ dapes suaviaque bel-laria ipso usu suo magis accendunt desiderium:

X. 2

rium: nec unquam facile conquista isthæc
 fercula nauscam excitant. Vix fame lau-
 tis hisce epulis sedata jucundus ille sapor
 mentem inescans novum ciet edendi ardo-
 rem, sitimque nectareis his fontibus pau-
 lulum placatam major excipit generosi il-
 lius laticis appetitio. Audiamus hac de re
 Franciscum Petrarcham, reflorescentis olim
 apud Italos eloquentiæ, Erasmi judicio, prin-
 cipem (a): *Una inexplebilis cupiditas me
 tenet, quam frenare hætenus nec potui, certe
 nec volui. Mibi enim interblandior, bone-
 starum rerum non inonestam esse cupidinem.
 Expectas audire morbi genus: libris satiari
 nequeo, & habeo plures forte, quam oportet.
 Sed sicut in cæteris rebus, sic in libris
 accidit: querendi successus avaritiæ calcar est,
 quin imo singulare quiddam in libris est.
 Aurum, argentum, gemma, purpurea vestis,
 marmorea domus, cultus ager, picta tabula,
 pbaleratus sonipes, cæteraque id genus, mu-
 tam habent & superficiariam voluptatem: li-
 bri medullitus delectant, colloquuntur, consu-
 lunt, & vivâ quadam nobis atque arguta fa-
 miliaritate junguntur. Neque solum sese le-
 ctoribus quisque suis insinuat, sed & aliorum
 nomen*

(a) Epistol. de rebus Familiar. Lib. III. Epist.
 XVIII. p. 107. edit. Lugdun. 1601. in 4.

nomen ingerit, & alter alterius desiderium facit. — Nemo mirabitur, vehementer his animos inflammari atque configi, quorum singuli suas scintillas suosque aculeos palam habent, aliosque clanculum in sinu gestant, quos sibi invicem subministrant. In immensa vero ista librorum, quibus literatus orbis nunc abundat, copia nec omnes appetere consultum foret, nec Midæ etiam opibus Arabumque gazis in unum illi locum colligi possent. Eorum plures nosse saltim expedit; quanquam neque plurimorum, ne dicam omnium, consummatam notitiam imbecillitas nostra capiat. Facilius forsân mare exhaustires, quam vastum hoc pelagus, vel arenam metireris prius, quam inexputabilem librorum numerum inires. Selectorum quorundam notitia contentos nos esse decet. In hac ergo suppeditanda & quantum fieri potuit, augenda exercuerunt se hætenus eruditorum ingenia. Semper autem post largam etiam aliorum messem spicilegio locus erit. Rariorum præsertim librorum cognitio non tam multum voluptatis secum fert, quam amplissimum utilitatis fructum præbet: quod cum sole meridiano clarius esse judicem, nec testibus nec argumentis evincendum arbitror.

tror. Hanc causam jam feliciter peroraverunt alii. Omnibus itaque votis optandum foret, ut Viri magna lectione, mascula eruditione, & subactō judicio pollentes, quorum usibus illustres thesauri librarii patient, rariorum librorum Bibliothecam conderent, inque rei literariæ incrementum luci exponerent publicæ. Prostant equidem jam hoc de argumento doctorum virorum labores (b), laude sua dignissimi: sed iis duntaxat saliva nobis mota est, desideriumque nostrum ardentius redditum. Historiam literariam arcanam, cujus spem nobis fecit Vener. Jac. Frid. Reimannus, in hac palæstra exercitatus, avide adhuc eruditus orbis expectat. Publice hic a nobis exorandus est Vir Præstan-

(b) Jac. Frid. Reimanni *Observationes de Libris raris* Observ. Halens. T. X. Ejusd. *Historia librario-genealogica*, in ea enim curate enarrat rariōres libros genealogicos, Groschuffii *Conlectio Librorum rariorum*. Heumannus quoque hoc argumentum tractavit in *Conspectu Reip. Literariæ* p. 97. Autor *der Vergnügung müßiger Stunden*, P. XV. p. 185, & præsertim J. C. Wendlerus in pereleganti *Diss. de Variis raritatis librorum causis*: Præterea Morhofius, Struvius, alique passim. Commendandus etiam est eam ob causam *Catalogus Historicorum Fresnojo-Menkenianus* &c. Cæterum Clarissimum Wendlerum præcunte me præcipue sequi profiteor.

ſtantiffimus, ut hanc, quam coepit, telam aliquando pertexat, & opere hoc deſideratiſſimo Rempublicam literariam beet. Liceat interim mihi ex tenui meæ paupertatis penu divitiis heic ab aliis congeſtis obolum adjicere. Specimen ſaltim exhibeo, ſenſim ſenſimque adaugendum. Animus enim eſt, ſequentibus meæ opellæ partibus nonnunquam inferere rariorum librorum catalogos, quales ut etiam tu, benevole lector, mecum, ſi placet, amice communices, rogo & obſecro. Me vero non morante facile vides, eſſe inter libros raros, quibus orbis abſque detrimento carere queat, nec omnium idem ſtatuendum eſſe pretium. Sua radiat luce Platonis in Euthydemo effatum: Το ſπανιον, ὡς εὐθυδημος, τιμιον, το δὲ ὑδωρ εὐωνοτον, ἀριτον οὖν, ὡς ἐφη Πινδαρος. *Quod rarum eſt, Euthyde, idem etiam magni ſit; at aqua, tametſi res ſit longe optima, quod Pindarus ait, nihil vilius.* Nec proſus Celeberrimi Jo. Clerici judicium rejicio, ita ſcribentis (c): *Rariſſimi quique libri ſunt minime omnium, ſi rem probe penſues, utiles; quod vel ex ipſa eorum raritate intelligere eſt: neque enim aut*

(c) In præf. ad Artem Criticam edit. Amſtelod. 1712.

nunquam, aut tam raro essent excusi, si quis fructus singularis ex iis capi posset. Cum autem ii sint nostri seculi mores, ut valde care æstimentur merces istiusmodi literariæ, rarius obviæ, licet interdum haud ulla præstantia sed sola raritate se commendent, earum notitia pro nostri ævi genio quandoque nobis lucrosa esse potest. Sunt tamen & inter libros rariores non pauci, utiles & edecumata eruditione referti, quibus vel hominum incuria, vel fata, aliæque rationes lucem invident. Nunc ad rem.

I.

Libri sub ipsis Typographiæ primordiis excusi.

Rarissimi omnium sunt libri, immo vel ipsis pretiosissimis manuscriptis rariores, in quibus prima tyrocinii sui rudimenta posuerunt artis typographicæ inventores. Adeo pauci illos superant, ut haud difficulter numero eos definire queas. Quotquot mihi cogniti erant, in mei opusculi parte prima pag. 2. sq. jam enarravi. Josephus Scaliger aliorum præterea mentionem

nem facit (d), cujus verba in medium hic producam : *Omniū vetustissimū , cujus tamen nomen reticetur , Venetiis excusum profert Rabbi Joseph Sacerdos in Chronico suo , an. Judaico 5188. Christiano MCCCCXXVIII. quod nemo hactenus animadvertit : certe nemo indicavit. Unde ille Judeus colligit artem imprimendi ab eo libro incepisse. — Non ex discretis & singularibus typis inter se junctis , ut hodie fit , cœptum est imprimi , sed in pagellis ligneis , quibus litera incisa erant : qui modus primus excudendi in nostra Hollandia Harlemii inventus fuit , ubi etiam hodie ades ostenduntur , in quibus inventor artis eam primo periclitatus est. Harum pagellarum meminerat Accursius Mariangelus in Donato suo in membranis excuso , qui liber postea in potestatem venit Aldi Manutii junioris. Verba Mariangeli post alia : Impressus autem est hic Donatus & Confessionalia primum omnium A. 1450. Admonitus certe fuit ex Donato Hollandia primum impresso in Tabula incisa. Rudimenta igitur artis typographica ab editione Donati incepterunt in Hollandia ; non ex typis , sed ex tabula incisa. Verum aut omnia me fallunt , aut Ju-*

X 5

dæus

(d) In Confutat. Fabulæ Burdon. p. 243. ed. Lugd. Bat. 1608.

dæus ille putidissimo mendacio orbi imponere voluit. Donati autem istius an & ubinam locorum hodie asservetur exemplum, me quidem fugit. Perierunt pleraque ejus generis opuscula: absumsit ea rerum edax tempus, truces devorarunt blattæ, furtim admotis dentibus arrosere mures, invidiosa corruptit caries, puerulis plorantibus ob illas ruditer tornatas, quibus superbiebant, figuras discerpenda concesserunt nutrices male sedulæ: imo nec ipsa rabida canum vis illis pepercit. Irascor crudeli isti molosso, qui hujusmodi cimelium, a Julio Cæsare Scaligero olim possessum, atroci laceravit dente, quotiescunque lego hæc Scaligeri filii verba (e):

Nos Berenice Ludronia horas matutinas vidimus, primum opus quod typographia nascente prodiit. Ea in membranis, non singulis literis junctis, ut sit hodie, excusa, sed in singulis paginis buxeis, iisdem ductibus & connexionibus, quibus properantes solemus scribere, exsculptæ fuerant, ita ut qui propius aciem oculorum non admovisset, vix, excusane an scripta essent literæ, dignosceret. Omni-no esse manum hominis Germani putares.

Eas

(e) In Epist. CCLXXIII. p. 525. edit. Francof. 1628.

Eas horas matutinas plurimi faciebat pater meus, tum propter matrem, tum etiam quod ille primus typographia fœtus esset. Operculum earum ligneum serico velatum erat, umbilicis & cornibus argenteis deauratis instructum — Admodum pueri, antequam canis leporaria librum discerpisset, eum vidimus. Aliquo abhinc tempore in illustri quadam Bibliotheca oculis mihi usurpare, imo & cum cura perlustrare licuit istiusmodi opus typographiæ vix enatæ, ac in cunis adhuc vagientis tempore impressum, vel potius tabulis ligneis insculptum, cujus curationem notitiam posthac tecum communem facere in animum induxi, cum nemo, quod sciam, ejus adhuc meminerit.

2.

Libri paulo post typographiam inventam impressi.

PROXIMUM a primis illis artis typographicæ experimentis locum merito suo occupant libri, vel ab ipsis divinæ artis inventoribus, vel ab aliis non diu post ejus originem seculo XV. vulgati. Rarissimi præcipue sunt codices, a Fusto & Schœffero, illoque fati functo ab hoc solo excusi.

Quo.

Quotusquisque vidit Biblia Latina ab ipsis Moguntiae A. 1462. in fol. edita? de quorum raritate vel inde iudicium fieri potest, quod in nundinis Francofurtensibus autumnalibus anni præterlapsi a Bibliopola quodam centum duplionum pretio emta sint, ut ex fide dignis didici. Editiones Conradi Sweynheim & Arnoldi Pannarz, Ulrici Galli alias Han, Nicolai Jenfon, Joannis & Vindelini de Spira, Joannis & Guntheri Zeiner, Joannis Koelhof, Antonii Miscomini, Antonii Koburgeri aliorumque, ut maximi æstimentur, dignas esse, ipse earum usus me edocuit. Nemo, nisi in re literaria prorsus hospes, primas autorum, quos classicos appellare solent, & scriptorum ecclesiasticorum editiones codicibus manu exaratis, e quibus haustæ sunt, æquiparari ignorat. Lactantii Institutiones Sublaci A. 1465. Augustinus de Civitate Dei A. 1467. Hieronymi Epistolæ Romæ A. 1468. Plinii Naturalis Historia Venetiis A. 1469. Apulejus Romæ A. 1469. Cæsaris Commentarii Romæ A. 1469. Aulus Gellius ibi eod. Lucanus ibi. eod. Titus Livius & Taciti Annales ibid. ac eodem, ut videtur, anno. Leonis M. Opera ibid. A. 1470. Sallustius Venet.

A. 1470.

A. 1470. Justinus *ibid.* *cod.* Suetonius
Romæ A. 1470. Virgilius Venet. A. 1470.
Terentius Mediolani A. 1470. Prisciani
opera A. 1470. loco haud annotato.
Quintiliani Institutiones Romæ A. ut vide-
tur, 1470. Cypriani Epistolæ Romæ A.
1471. Plinii Epistolæ A. 1471. Valerius
Maximus Moguntia A. 1471. Ovidius Ro-
mæ A. 1471. Silius Italicus *ibid.* *cod.*
Cornelius Nepos Venetiis A. 1471. Pom-
ponius Mela Mediol. A. 1471. Nonius
Marcellus A. 1471. Plautus Venet. A.
1472. Aufonius *ibid.* *cod.* Prudentius
Daventriae A. 1472. Macrobius Venet. A.
1472. Authores rei rusticæ *ibid.* *cod.* Isi-
dori Etymologiae Augusta Vindel. A. 1472.
Solinus Venet. A. 1473. Catullus Parmæ
A. 1473. Statius *ibid.* *cod.* Ammianus
Marcellinus Romæ A. 1474. Propertius
A. 1474. Manilius *cod.* Valerius Flaccus
Bononia A. 1474. Varro de Ling. Lat. &
Analog. Venetiis A. 1474. Bernardi Ser-
mones Moguntia A. 1475. Senecæ Phi-
losophi Opera Neapoli A. 1475. Juvena-
lis & Persius Lovanii A. 1475. Homeri
Opera Græce Florentia A. 1488. Ambro-
sii Opera Mediol. A. 1490. Anthologia
Græcorum Epigrammatum Florentia A.
1494.

1494. &c. excusa quam raro, sodes, offenduntur, quantoque habentur in pretio? Ex ipsis vetustissimis manuscriptis petita fuere hæ editiones, pauciora plerumque, quam nunc fieri solet, exempla impressa, correctores adhibiti eruditissimi, quales fuere Joannes, Andreæ, Episcopus Aleriensis, Jo. Antonius Campanus, Omnibonus Leonicens, Jo. Lascaris, Demetrius Chalcondylas, alii. *Eo tempore, ut verba Doctissimi Jo. Contr. Zeltneri, (f) τὰ νῦν ἐν ἀγίοις, mea faciam, libri imprimendi ad fidem manuscriptorum vetustissimorum restituendi erant, qui vero labor criticus non bardum & impolitum hominem, sed doctissimos quosque requirebat viros. Fidem his dictis factururus, accipiat vel unicam plagulam Seculo XII. & seqq. Latino vel Græco idiomate scriptam, & pessime ob abbreviaturas, quibus monachi compendii gratia nimium quantum indulserant, pictam, investigaturus Scriptoris sensum genuinum, & experietur, quam sit sudandum; millies abjecturum eum schedam, credo, prius quam unica pagina sensum habebit verum. Condonanda igitur merito sunt ipsis sphalmata, quorum haud pauca iis in*
cdi.

(f) In Correctorum Eruditorum Centuria p. 79.

editionibus occurrunt omni licet adhibita industria, cum tam proclivis sit rebus sic habentibus lapsus, oculique vel perspicacissimorum virorum facile fallantur. In ipsis tamen sæpenumero erroribus acuti lectores vestigia deprehendunt veræ lectionis. Perplacet mihi hac de re iudicium maximæ eruditionis Viri C. A. Heumanni (g): *Falluntur, qui sibi persuadent, primis exorta typographia temporibus libros exscriptos fuisse accuratissime, cum inspectio eorum doceat contrarium. — Nihilominus magno esse possunt usui illæ editiones, cum eruditus lectoris oculus facile discernat sphalmata operarum a vestigiis incorruptæ lectionis, proxime e codicibus manuscriptis hausta.* Sunt vero præterea illæ Sec. XV. editiones, præsertim quæ caractere Romano excusæ fuerunt, haud raro adeo elegantes & nitidæ, ut mirandum oppido sit, tam brevi tempore artem typographicam ad summum perfectionis fastigium adscendisse. Speciminis gratia tres jam nominabo, in Inclytæ Reipublicæ patriæ Bibliotheca, quæ librorum ante Annum 1500. vulgatorum haud contemnendam possidet copiam (b)

la.

(g) In Conspectu Reip. lit. p. 91.

(b) Vid. Miscellan. Lipsiens. Tom. XII. p. 66. sqq.

latentes, quibus nihil unquam vidi pulchrius & splendidius, sive chartæ nitorem, sive typorum elegantiam, sive alia ornamenta consideres. Certe adeo grata illæ oculis præbent spectacula, ut adspectu vix satiari queas. Salva veritate affirmare auisim, palmam eas dubiam facere splendidissimis nostri ævi editionibus. Sunt vero istæ: Quintiliani Institutiones per Nicolaum Jenson Venetiis A. 1471. Plotini Opera ex translatione Marsilii Ficini per Antonium Miscominum Florentiæ A. 1492. (i) & Recuperationes Fesulanæ sive Opuscula & Epistolæ Matthæi Bossi Veronensis Bononiæ per Platonem de Benedictis A. 1493. omnes tres in folio excusæ. Editionem autem Homeri, quæ Florentiæ A. 1488. labore & industria Demetrii Creten-sis sumptibus Bernardi & Nerii Tanaidis Nerilii Florentinorum in fol. prodiit, his Michael Maittaire dilaudat verbis: *Operoso hoc & præstantissimo Homeri inter omnes poëtas principis volumine duobus tomis comprehenso orbem eruditum anno 1488. donavit Florentia, quæ dum aliæ urbes in limine & initiis tantum, conatibus adhuc immaturis,*

(i) Conf. Part. I. p. 97.

ris, subsisterent, primo & uno sed ingenti gravique molimine ad ipsum culmen voluit pervenire, vetuitque quicquam relinqui, quo superari posset. Editione illa, si chartæ solidæ colorem & pompam, si nitidam characterum figuram, æquata marginum intervalla, justam linearum distantiam, totum denique impressionis ordinem & dispositionem spectes, nil certe aut antea aut postea elegantius comparuit (k). Cæterum de libris Seculo XV. divulgatis ad-eundi sunt omnino Viri præstantissimi Peregrinus Antonius Orlandus (l) & laudatus Maittaire, cujus non possum quin heic etiam adscribam de nimio, quo ejus ævi editionibus Angli cum primis inhiant, ardore judicium (m): Ex quo antiquariæ illæ editionum merces requiri ubique, & Sosis merere æra cœperunt, tanta transit mare huc ad nos advecta earum seges, adeo nullus vel intimus non penetratur angulus, nullæ non perreptantur tabernæ, plateæ, gymnasia, latebræ, tot in lucem protrahuntur hæctenus incognita volumina,

Tom. II. Y ple.

(k) In Annal. Typograph. T. I. p. 183.

(l) In libro: Origine e Progressi della Stampa o sia dell'arte impressoria, e notizie dell'opere Stampate &c. edit. Bononiæ A. 1722. in 4. de quò vide Acta Erud. An. MDCC XXIV. p. 102. sqq.

(m) l. c. T. II. Præfat. p. 6.

336 *Libri a celebrioribus Seculi XVI.*

pleraque vermiculorum dentes passa, cariosa, interlinearibus glossis oblitterata, sola vetustate spectabilia; tot, inquam, quotidie confluunt, ut, absque pretio esset, (quod, cum & ratione & fide majus nec modum nec fines certos norit, emptores nonnisi marsupii bene nummatis onustos admittit) metuendi foret causa, ne rursus evilescerent, & ad antiquum pretium recedentes ad pauperiorum etiam scholasticorum forulos pervenirent. Non autem id ago, ut antiquitatem impotens oblatrem, meque opinioni receptæ, magistelli instar ineptientis, opponam, ac honorem vetustatis auctoritati debitum ele-
vem. Contendo nihilominus, his ut & aliis rebus pretii plus nimio statui posse; ideoque id intra quosdam limites esse coercendum, nec arbitrio quorundam, qui nil aliud quam lucrum spectant, Bibliopolarum permittendum.

3.

Libri a celebrioribus Seculi XVI.

Typographis exscripti.

Magni habentur ab æquis rerum æstimatoribus, ac avide conquiruntur editiones autorum veterum, præstantiorum seculi XVI. typographorum studio curatæ, qui non tam proprio cinolumento, quam potius publicæ utilitati operam navarunt. Decan-

tata

tata sunt ob exquisita in rem literariam merita Manutiorum, Aldi præsertim senioris, Bombergii, Juntarum, Roberti & Henrici Stephanorum, Plantini, Sebastiani & Antonii Gryphiorum, Vascosani, Jo. Frobenii, aliorumque nomina. Aldum ejusque editiones Erasmus Roter. haud abs re hoc elogio mactat : *Nunc in Aldum Manutium Romanum, ceu tertium haredem, devenit* (Delphini scilicet symbolum, quo ejus libri insigniti sunt.)

Haud equidem sine mente reor sine numine Divum. Nam hujus eadem, quæ quondam Tito Vespasiano placuerunt, celebrantur insignia, non notissima modo, verum etiam gratissima, quibuscunque ubivis terrarum bonæ literæ vel notæ sunt vel caræ. Neque vero symbolum hoc tum illustrius fuisse crediderimus, cum, insculptum imperatorio numismati, negotiatorum manibus terendum circumferretur, quam nunc, cum ubique gentium, vel ultra Christiani imperii terminos, una cum omnigenis utriusque linguae voluminibus propagatur, agnoscitur, tenetur, celebratur ab omnibus, qui liberarum studiorum colunt sacra : præsertim iis, qui ad veram atque antiquam adspirant eruditionem : ad quam restituendam vir is quasi natus, & ab ipsis, ut ita dixerimus, fatis fa-

Etus sculptusque videtur: tam ardentibus votis unum hoc optat, tam infatigabili molitur studio, usque adeo nullum refugit laborem, ut litteraria suppellex & integra & sincera puraque bonis ingeniis restituatur. — Herculanum mehercule facinus, ac regio quodam animo dignum, rem tam divinam, quasi funditus collapsam, orbi restituere, latentia pervestigare, eruere retrusa, revocare extincta, sarcire mutila, emendare tot modis depravata, præcipue vulgarium istorum excusorum vitio, quibus unius etiam aureoli lucellum antiquius est, quam vel universa res literaria. Et quæ sunt aliæ laudes, quibus cum merito cumulat Erasmus (n). De cæteris nihil jam dico, cum copia hic me faciat inopem, ac præter alios celeberr. Maittaire tam in Annalibus Typographicis, quam in singularibus de Stephanorum & quorundam typographorum Parisiensium historia libris, uberrime in his rebus desiderio nostro satisfacere queat. Generatim vero hoc unum adhuc moneo, cunctis viribus viros hos laudatissimos laborasse, ut quam emendatissima in lucem prodirent opera, quorum editiones moliti sunt. Quandoque tamen contigit, ut & bonus

(n) In Adagiis p. 439. editionis Urfell. 1603. quæ sub Pauli Manutii nomine prodit.

bonus dormitaret Homerus. De Plutarchi editione Manutiana ita fatur Joach. Camera-
rius (o): *Recordor me audiisse ex magistro meo Richardo Croco Britanno, qui quosdam libellos Plutarchi explicare nobis pueris solebat, editioni illi scriptorum Plutarchi in officina Manutiana praefectum Cretensem quendam Demetrium, qui videret, ut illa & operis diligenter & accurate exprimerentur: Eum igitur audire memini Crocum narrantem, maxima cum negligentia atque incuria provinciam istam gessisse hominem neque laboriosum & leviusculum. Ad id tum ut puer — non admodum animum revocavi, ut cogitarem quale esset, sed postea nimis verum esse cum indignatione legens scripta illa comperi: neque temere esse aut falso a Croco dictum, vel ex epistola, quam Demetrius iste praeposuit libro edito, deprecendi: est enim illa mendose expressa. Quis autem suspicari possit secundum Epigramma Graecum*

Κακῶς κτεχνημένον ἄνδρα

Τοῖς ἰδίοις εἶναι πῖσον ἐν ἀλλοθίοις.

Contra ea mendis prorsus quoad maximam operis partem expertia sunt Biblia Polyglot-

Y 3 ra

(o) Proœm. in Plutarchi libellos de natura & effect. Dæmonum.

ta Antwerpiensia, A. 1569. sqq. a Plantino nitidissime excusa, si fidem habeas Ariæ Montano, qui in oratione ad summum Pontificem his verbis uti haud veritus est :

Quod ad operis integritatem attinet, ego Benedictus Arias Montanus — offero Sanctitati vestræ Biblia ipsa (de Bibliis nunc loquor) a me a prima pagina .ad ultimam usque diligenter Græce, Latine & Chaldaice perlecta, & cum exemplaribus fidelissime collata, tanta fide, ut non solum si verbum aliquod depravatam deprebendatur, sed si vel unus apex aut jota unum in illis merito desideretur, ceteris coadjutoribus meis exceptis & a culpa liberatis, ipse perpetuam ignorantia & negligentia notam subire velim, meque unum omni correctioni obnoxium exhibeam. At hominem se esse, erroribusque, qui in tam vario & vasto opere nulla cura & industria prorsus evitari queunt, obnoxium, oblitus est optimus Arias. Multa enim esse, quæ virum diligentissimum effugerint, Waltonus in Apparatu Biblico p.

283. asserit : cui & ego pollicem premo, ipso operis illius Regii usu edoctus.

4.

*Libri publica auctoritate
suppressi (†).*

R Ariora plerumque sunt Opera, quæ summorum imperantium cura & publica auctoritate variis de causis suppressa, quantum quidem fieri potest, æternis mancipantur carceribus. Hoc fatum subiere *Joannis Quintini Comitis Forger de Tollet & Zagging*, intimi Status Ministri Cæsarei, & primarii quondam Delegati ad pacem cum Turcis pangendam *Commentarii historici de rebus memorabilibus sui temporis*, octo voluminibus in forma octipertita excusi. Nonnisi unicum eorum exemplar superesse dicitur in Bibliotheca Augustissima Vindobonensi: cætera enim omnia ipse Comes jussu Imperatoris, qui tot arcana, in iis prodita, per orbem divulgari noluit, suppressit. (p) Per rara sunt *Christophori Besoldi Documenta redi-viva Monasteriorum præcipuorum in Ducatu*

Y 4.

Wir.

(†) Alios libros prohibitos & suspectos præter eos, quos Morhofius atque Struvius recensuere, exhibet Catalogus instructissimæ Bibliothecæ Menkenianæ p. 583.

(p) Vid. Acta Erudit. Germanic. Vol. VI. p. 284.

*Wirtembergico sitorum, quibus præmissa est summaria deductio libertatis, immedietatis aliorumque jurium illis Monasteriis competentium, juncta nonnullorum argumentorum resolutione succincta, Tubingæ 1636. in 4. impressa: nec non, quæ eodem anno ibidem prodierunt, Virginum Sacrarum Monumenta in Principum Wirtembergicorum ergastulo literario jussa annorum centuria injusta detenta captivitate (q). Extraxit ea belli tricennalis tempore, quum A. 1634. a Cæsareanis e Ducatu suo Wirtembergico Eberhardus III. ejectus esset, ex tabulariis publicis Besoldus Apostata, ut nimirum sic Pontificiorum gratiam sibi aucuparetur, iisque Monasteriorum Wirtembergicorum immedietatem, uti vocant, aliaque jura demonstrasse sibi visus est: sed a Serenissimis Wirtembergiæ Ducibus sollicite conquisita sunt, quotquot haberi potuerunt, exempla: ipsi quoque Pontificii studiose & magno pretio isthæc opera cœmunt. Liber sequenti ornatus titulo suppressus & proscriptus olim fuit in Gallia, quia plurima Regis & regni secreta in eo propalata sunt: *Le Cabinet du Roy de France, dans**

(q) Hæc Besoldi Opera recensita sunt. in Hamburgenh Bibliotheca Historica, Centur. VII. p. 109. sqq.

dans le quel il y a trois perles pretieuses d'ineffimable valeur , par le moyen des-quelles sa Majesté s'en va le premier Monarque du monde & ses sujets du tout soulagez. Prodiit A. 1581. in 8.

Rufforum Monarcha sedulo conquississe & suppressisse narratur *Diarium itineris in Moscoviam D. Ignatii Christophori de Guarient & Rall*, ab Augustissimo Impetatore Leopoldo in Russiam A. 1698. Ablegati extraordinarii, *descriptum a Jo. Georgio Korb*, Ablegationis Cæsareæ Secretario, & Viennæ in fol. editum, cui accessit reditus Tzareæ Majestatis a provinciis Europæis ad proprios limites, periculosa rebellionis Streliziorum, & lata in eosdem sententiæ cum subsequuta sanguinea executione , nec non præcipuarum Moscoviæ rerum compendiosa & accurata descriptio. Scilicet nimia libertate in enarrandis Rufforum & ipsius etiam aulæ moribus aliisque rebus usus esse perhibetur Autor: hinc quoque Viennæ publicam hujus Diarii venditionem esse vetitam mihi relatum est (r).

(r) Conf. etiam Catalogum Historicorum Fresno - Menkenianum p. 464.

Rarissimus est liber Gabrielis Nau-
dæi, licet duplici vice sit editus, *Le Mascu-
rat, ou Jugement de tout ce qui à été impré-
mé contre le Cardinal Mazarin, depuis le 6.
Janvier jusqu'au 1. Avril 1649. ou Dialogue de
Sr. Ange & de Mascurat.* Paris. 1650. in 4. re-
cusum dein Amstelodami. Forte suppressus
est hic liber, & sollicitè conquisitus ab iis,
quorum intererat, ne res in eo tractatæ in
apricum proferrentur. Servantur tamen
ejus exempla inter cimelia Bibliothecæ Re-
giæ Danicæ (s), Ducalis Vinariensis (t) &
Menkenianæ (u).

Perraro conspiciuntur duo priores Tomi
Theatri Britannici, a Gregorio Leti Italico
sermone Londini in 4. A. 1682. editi: se-
ptingenta enim eorum exempla a Carolo II.
Rege Britannicæ suppressa sunt (x); sed inte-
grum opus deinde Amstelodami quinque
voluminibus in 12. A. 1684. prodiit.

Rog. Dodsworth & Guil. Dugdale *Monasti-
cum Anglicanum*, Londini 1655. &c. in fol.
excusum, rarius obvium esse, & magno pre-
tio

(s) Vid. Placcii Theatr. Anon. p. 55.

(t) Vid. *Vergnügung müßiger Stunden.*

(u) Vid. Catalogum Biblioth. Menken.

(x) Hamburg. Biblioth. Histor. Cent. VI. p. 216.

tio propterea divendi, quod ab Anglis suppressum sit, testis est Illustris Menkenius (y).

De quibusdam Roberti Ferguson libellis Gerh. van Mastricht hæc tradit (z): *Robertus Ferguson, capellanus comitis de Schafsburi in Anglia, ut ex rumore & ex novellis audiri, est auctor Apologiae aut declarationis, quam emisit Dux de Monmouth, cum bellum moveret Regi Angliae Jacobo II. Item dicitur composuisse inquisitionem & detectionem horribilis homicidii Comitis de Essex, qui liber Anglice, Belgice & Gallice editus, & postea in Hollandia sub pœna 200. Imperialium prohibitus est.* Vincentius quoque Placcius (a) ejusdem Ferguson Epistolam ad D. Trenchard suppressam fuisse memorat.

Disputatio Apologetica pro potestate summi Pontificis, in qua clare, perspicue & evidenter ex Scripturis, SS. Patribus & conciliis, & XIII. efficacissimis rationibus demonstratur, penes Pontificem esse potestatem Principes abdicandi, istamque veritatem non solum esse conclusionem theologicam, quæ errori opponitur, sed de fide etiam expresse definitam,

(y) In Catalogo Historicorum Fresnoy. p. 454.

(z) In Placcii Theatr. Anon. p. 224.

(a) l. c. p. 527.

nitam, ita ut contraria opinio absque manifesta hæresi sustentari non possit, rarissima est, quia vel ab ipso Autore, vel publica authoritate suppressa latet (b).

Rarius obvia est *prima editio Christophori Broweri Antiquitatum & Annalium Trevirensium*, quæ prodiit A. 1626. Colonia: scilicet Philippus Christophorus, Elector & Archiepiscopus Trevirensis, eam proscripsit, & supprimendam curavit (c).

Admodum raram esse, nemo facile ignorat, Jo. Mich. *Bruti Historiam Florentinam* Lugduni 1562. in 4. excusam, ex ea nimis ratione, quod Duces Florentini, quotquot nancisci potuerunt, ejus exempla coëmi curaverint (d). Magna enim animi fiducia, quotiescunque offertur occasio, Autor eorum partes tuetur, qui, ut Reipublicæ libertatem sartam tectamque servarent, omnem moverunt lapidem, atque ita summo nisu Medicæ Profapiæ moliminibus obstitērunt.

Rariores aliquando erunt *Benedicti Varchii Commentarii historici de Rebus Florentinis*,

Co-

(b) l. c. p. 152.

(c) Hamburg. Biblioth. Hist. Cent. III. p. 247.

(d) l. c. Cent. VI. p. 88.

Coloniæ, vel potius Augustæ Vindelicorum 1721. in fol. editi : quadringenta namque eorum exemplaria Dux Parmæ & Placentiæ, cui quædam de priscis Farnesiis ibi memorata displicent, emit (e). Rariora quoque jam sunt exempla Historiæ Florentinæ Bernardi Segnii integra & incorrupta : quædam enim in iis immutata & resecta esse novi.

Horum igitur aliorumque ejus generis librorum raritatis causa derivanda est a summorum imperantium autoritate & cura, istiusmodi scripta oculis manibusque hominum, quantum pote, subducente, quod vel arcana status, religioso involvenda silentio, propalent, vel in Reges Principesque sint aut saltem videantur esse injuria & contumeliosa.

Sed proscribi etiam sæpe solent, atque hinc rarefcere libri, qui sacrarum literarum autoritati & religioni pietative sunt adversi.

Hunc in censum referenda est *Concordia rationis & fidei*, sive harmonia philosophiæ moralis & religionis Christianæ, Amstelodami,

(e) Vid. Nova literar. Latin. A. 1722. p. 50. conf. Nov. lit. Germ. A. 1724. p. 610.

dami, ut titulus fert, sed vere Berolini, A. 1692. edita. Suppressus fuit hic liber ob prava & impia de Deo & religione dogmata in eo tradita ab aula Brandenburgica, ea quidem sollicitudine & industria, ut vix unum aut alterum exemplum inquirerentium curam effugere potuerit.

Aboliti quoque sunt *Matthie Knutsen*, Oldenswortha - Eiderstadensis, *dialogi* aliquot Germanici, circa annum 1672. excusi, ejusdemque *epistola amici ad amicum*, Latino idiomate exarata, propter pessimas & pestiferas authoris opiniones.

Eodem fato periere ante aliquot annos pia Francofurtensis Magistratus cura nonneminis *Meditationes philosophicæ de Deo, mundo & homine*, paucas implentes plagulas (f). *Michaelis Serveti scripta*, quibus dulcissimi nostri Sospitatoris divinitatem & venerandum Trinitatis mysterium acerrime oppugnavit, rarissima esse quis nescit? Videlicet

(f) Vid. de his *vernünfftige Thomafische Gedancken über allerband Juriftische Händel* Part. I. p. 233. sqq. ibi etiam p. 349. mentio fit alius libelli, publica auctoritate suppressi, qui hoc titulo Freystadii A. 1719. prodiit: *Meditationes, Theses, dubia Philosophico-Theologica*, placidæ eruditorum disquisitioni religionis cujusvis & nationis in magno mundi auditorio submissa a Veritatis Ecclēticæ Amico.

cet publica authoritate prohibita, suppressa & combusta fuere ipsa. Clarissimus Wenderus (g) duntaxat Librorum ejus VII. de Trinitatis erroribus paucis meminit, nos plura cum de his ipsis, tum de aliis illius scriptis jam notabimus. Libros de Trinitatis erroribus vidi olim & perlustravi, cum Altorffii literarum studiis operam darem, in Celeberrimi D. Gust. Georg. Zeltneri Bibliotheca, & nuperrime in Ulmensi publica. In lucem emissi sunt illi A. 1531. in forma ordinis octavi, loco impressionis haud indicato: ex typis tamen facile conjici potest, in Germania & forte, ut nonnulli suspicantur, Basileæ eos fuisse prelo subjectos. Vix in publicum prodierunt, cum statim summa cura supprimerentur. *Simulac publice conspiceretur liber*, sunt verba Petri Adolphi Boysen (b), *quasi communi incendio restinguendo accurrebant viri pii cordatique, infelicem lascivientis ingenii foetum suppressuri, imprimis Francofordenses plurima libri exempla flammis tradiderunt, cumque Ratisbonam quaedam allata fuissent, & Jo. Quintada, Cesari Carolo V. a consiliis ecclesiasticis, & confessionibus*

(g) In Diss. de variis raritatis librorum causis. §. XI.

(b) In Historia Mich. Serveti §. VI.

bus privatis qui erat, visa, indignabatur initio auctori, quem a facie sibi notum esse aiebat, & quotquot nancisci poterat, exempla sollicitè abolenda curabat, teste Cocblao, ex quo repetit Od. Reynaldus in *Annal. Eccles. ad Ann. XXXII. p. 652.* — Cum itaque undique supprimeretur liber, contigit, ut rarius reperiretur, ac instructissima cetera Bibliotheca illo destituantur. Grotius uno exemplo usus est Roterodami, quod id ipsum forsitan est, quod in Bibliotheca Jo. Pesseri, consulis Roterodamensis, se vidisse Cbrist. Sandius testatur. Lutetiis Parisiorum in magno exquisitarum Bibliothecarum numero nonnisi duo comparent exempla. Alterum, sed mutilum, & II. libris truncatum in Bibliotheca Regis, alterum in Colbertina occurrit, auctore Simonio T. I. *Bibl. Crit. p. 32.* Eundem tamen librum Melancthonem manibus contrivisse, apparet ex Ep. ejus CXLI. ad Joacb. Camerarium. Jo. Micrælius etiam exemplo est usus, quod ipse de se proficitur L. III. *Hist. Eccles. Sect. II.* ubi simul recensionem libri variasque, quas continet, & sacrilegas locutiones exhibet, ac inter alia ineptam quandam, & puero vix condonandam argumentandirationem allegat. Hactenus Boysenius. Addo, in incomparabili quoque Serenissimi Sabaudia Principis & Herois invicti

Euge-

Eugenii Bibliotheca extare hujus libri exemplum, nec non in exquisito Celsissimi Landgravii Cassellani thesauro librario (i), quale etiam possidere dicitur D. Jo. Wilh. Petersen (k), aliud quoque, imo duplex, præsto fuit viris eruditis, qui Berolini Oblationes, quas vocant, spontaneas luci exponunt publicæ (l). Anno XXXII. iisdem formis, scribit laudatus Boysenius (m), iisdemque tum loci, tum typographi indiciis, quibus antecedens liber excusus est, conscripti lucem aspexere alii tractatus exiguae magnitudinis, manu Serveti perpoliti, quibus hunc titulum fecit: *Dialogorum de Trinitate Libri II. de justitia regni Christi Capitula IV.* — Cum pauca saltem exempla fuerint excusa, eaque sollicite a Calvino aliisque suppressa, difficillime copia illorum fieri potest. Quem A. 1553. in 8. Viennæ Allobrogum in orbem extrusit: liber ipsa raritate rarior est. En integrum ejus titulum: *Christianismi Restitutio.* Totius Ecclesiæ Apostolicæ ad sua limina vocatio,
Tom. II. Z tio,

(i) Vid. Biblioth. Histor. Phil. Theol. Brem. Class. I. p. 740.

(k) l. c. p. 761.

(l) Vid. Vol. I. der Freywilligen Heb. Opfer. p. 359. seqq. ubi recensetur is liber, conf. Vol. II. p. 939.

(m) l. c. §. VII.

præter Christ. Sandium & Illustr. Mastrichtium.
(p). Idem deinde se hunc librum in Principis Hasso - Cassellani & Academiae Duisburgensis Bibliothecis, ubi adseruari perhibebatur, irrito conatu inquiri curasse narrat. Plura jam scripta, quæ magistratuum cura ustulanda lignis infelicibus dedit, recensere possem, nisi iis, cum magnus istorum sit numerus, peculiarem destinassem dissertationem, aliquando tecum communicandam. Alii igitur potius nunc mihi enarrandi sunt libri, quos publica prohibitio & suppressio rariores effecit.

Nostro tempore Claudiopoli in Transylvania prodiisse in lucem librum, æternis tenebris dignum, ejusdem plane cum infelicis Serveti scriptis fursuris, amicus quidam mihi nunciavit, e cujus ore titulum hæc adjiciam, ut ex ungue leonem agnoscas (†):

Z 2

Ful-

(p) In Biblioth. Hist. Phil. Theol. Cl. I. p. 739. conf. Monnoye in Menagianis T. IV. p. 390. edit. Amst. 1716.

(†) Vir eruditus, cujus relationi hæc debeo, se omni cura in ipsa Transylvania hunc librum sibi comparare haud potuisse mihi affirmavit, a Viro tamen illius regionis illustri & fide dignissimo ejus notitiam se hausisse asseverans. Alias suspicarer, in Socinianorum odium diram istam libri inscriptionem effictam fuisse: quod olim jam factum ex Bailii Dictionar. artic.

Socin.

Fulmen de cœlo delapsum (absit blasphemiam !) Trinitariorum Deum Trinunum conrundens. Anno 1687. Roterodami excusus est liber, hunc titulum gerens: *La Foy reduite a ses justes bornes*. Eum Synodus Hagienfis, curante Petro Jurieo, damnavit & prohibuit. Verbis Celebratissimorum virorum, qui Acta Eruditorum colligunt, (q) rem enarrare lubet: Eodem tempore Roterodami prodiisse refert Petrus Jurieus in Apologia ad Pastores Ecclesiarum Gallo-Belgicarum tractatum, in Anglia a juvene quodam Gallo, sed ab aliis adjuto compositum, cum titulo: Fides intra justos terminos reducta, in quo dogmata de Trinitate & Incarnatione pro indifferentibus habentur. Hoc scriptum, se denunciante, in Synodo Hagienfi Anno 1688. condemnatum, & autorem remotum a ministerio fuisse, qui postea in Galliam regressus religionem Reformatam

Socin. not. (L) didici. Exprobratum videlicet fuit Socinianis a quibusdam, ex Polonia ipsos propterea esse ejectos, ipsorum Bibliothecam dispersam, eorum coetum dissipatum, templum, scholam, typographeum ipsis adempta, quod librum sub prælo habuerint hac inscriptione: Tormentum throno Trinitatem deturbans. Hoc tamen strenue negarunt Sociniani.

(q) A. 1692. p. 323.

matam abjuraverit, se vero epistolam pastorem eo de casu ad instruendos atque contra scandalum prœmunierendos pios edidisse.

Ita quoque librum, A. 1610. Franckeræ Socinianorum opera typis publicis exscriptum, Sibrandus Lubertus & Pastores Leovardenses suppresserunt. Ejus inscriptio hæc erat: *De officio hominis Christiani in hodiernis istis de religione controversiis*, hoc est, cui potissimum cœtui inter omnes de religione dissidentes homo Christianus adhærere debeat. Libellus hoc tempore utilissimus, ab anonymo quodam veritatis patrono scriptus, cum gratia & privilegio summi Pontificis & Regis Catholici excusus, Irenopoli, typis Theophili Adamidis, 1610. Sed anno sequenti Raccovienses typis Seb. Sternii eum tractatum iterato imprefferunt cum variis Socini opusculis (r), quæ tamen & ipsa rariora sunt.

Libris damnatis accensendum etiam venit paradoxum Erasmi Joannis opus, cujus integrum adscribam titulum, ut exinde ejus argumentum aliquatenus cognoscere queas. Discours ou l'on fait voir clairement, que le Règne de l'Anti-Christ commença à pa-

Z 3

roître

(r) Placc. Theatr. Anon. p. 141.

paroître dans l'Eglise immédiatement apres la mort des Apôtres ; & par conséquent que tous les Conciles, qui se sont assemblez, & tous les Livres des Peres, qui ont été écrits depuis ce tems-là, sont infectez de plusieurs Erreurs Anti-Christiennes, & même le fameux Concile de Nicée, qui se tint l'an CCCXVIII. Summam libri ex Gerardi Brant Historia Reformationis Germaniæ inferioris exponit elegantissimæ vir doctrinæ Michael de la Roche (s), qui illius quoque fata his perstringit verbis : *Cet Ouvrage fut mal reçu : on crut que l'Auteur doutoit de tout, qu'il vouloit s'ériger en Chef de parti, & troubler l'Eglise Nationale. Les Exemplaires de ce Livre furent supprimez ; & l'on fit semblant de vouloir arrêter l'Auteur : il se retira secretement.* Nescio, an idem sit hic liber cum eo, cujus Petrus Bailius (t) mentionem instituit, eumque A. 1585. hoc titulo divulgatum fuisse scribit : *Antithesis doctrinae Christi & Anti-Christi de uno vero Deo.*

Quod adeo rara sit Italica Alcorani versio Venetiis A. 1547. in 4. edita (u), publica

(s) Memoires litteraires de la Grande-Bretagne T. III. p. 100. sqq.

(t) In Diction. Hist. Crit. Art. Socin. not (k).

(u) Vid. D. J. M. Langii Diss. de Alcorani versionibus variis. p. 23.

blicæ suppressioni tribuendum esse autumo, Inscriptionem ea hanc in fronte gerit: *L'Alcorano di Macometto, nel qual si contiene la dottrina, la vita, i costumi & le legge sue, tradotto nuovamente dall'Arabo in lingua Italiana.*

Notus est nimius ille & insipidus, ne quid jam gravius dicam, Pontificiorum ejus ætatis contra istiusmodi libros Zelus, quo ipse etiam Franciscus Ximenius, Vir alias eruditissimus, cui multum vel ob solam Bibliorum polyglottorum Complutensium editionem orbis Christianus & literatus debet, aliquando abripi se passus fuit. Ita enim de illo, qui res ab ipso gestas enarrat, Alvarus Gomezius (x): *Alfaquinis (Mauritanorum scilicet sacrorum antistitibus) ad omnia obsequia eo tempore exhibenda promptis, Alcoranos, id est sua superstitionis gravissimos libros, & omnes cujuscunque auctoris & generis essent, Mahumetana impietatis codices, facile sine edicto, aut vi, ut in publicum adducerentur, impetravit. Quinque millia voluminum sunt ferme congesta, quæ variis umbilicis Punica arte & opera distincta, auro etiam & argento exornata, non oculos modo sed animos quoque spectantium rapiebant.*

Z 4

Multi

(x) In Vita Ximenii.

Multi eis se donari a Ximénio petierunt, sed nemini quidquam concessum est, ignibus omnia, publica in pyra, ad unum exusta, præterquam aliquot ad rem medicam pertinentia, cujus gens illa non sine magno profectu studiosissima semper fuit, quæ propter saluberrimæ artis dignitatem ex incendio illo liberata, in Bibliotheca Complutensi nunc servantur. Idem præposterus Zelus nos privavit prima Alcorani Arabici editione, quæ circa annum 1530. Venetiis opera Paganini Brixienfis lucem vidit: omnia enim ejus exempla jussu Romani Pontificis Vulcano tradita esse refert Jo. Buxtorfius (y): sed de hoc alibi.

Hermanni von der Hardt *Ænigmata prisca orbis*, Helmstadii non ita dudum vulgata, quod varia Scripturæ S. authoritati adversantia continere videbantur, publica cura suppressit.

Sed & aliquot ipsius Sacri codicis editiones sinistra hæc interdum expertæ sunt fata.

Rarissime occurrunt *Biblia Sacra vulgata editionis* ad Concilii Tridentini præscriptum emendata, & a Sixto V. P. M. recognita & approbata, quæ in fol. Romæ ex Typo-
gra-

(y) In Biblioth. Bremens. Class. VI. p. 273.

graphia Vaticana in publicum emissa fuere. Suppressa enim sunt hujus editionis exempla, atque ejus loco curante Clemente VIII. alia fuit Vaticanis formis anno 1592. excusa, e cujus præfatione quædam huc facientia excerpere juvat: *Quod* (opus scilicet Biblicum Sixti V.) *cum jam esset excusum, & ut in lucem emitteretur, idem Pontifex operam daret, animadvertens non pauca in SS. Biblia præli vitio irrepisse, quæ iterata diligentia indigere viderentur, totum opus sub incudem revocandum censuit atque decrevit: Id vero cum morte præventus præstare non potuisset, Gregorius XIV. qui post Urbani VII. duodecim dierum pontificatum Sixto successerat, ejus animi intentionem executus perficere aggressus est, amplissimis aliquot Cardinalibus, aliisque doctissimis viris ad hoc iterum deputatis. Sed eo quoque, & qui illi successit, Innocentio IV. brevissimo tempore de hac luce subtractis, tandem sub initium pontificatus Clementis VIII. opus in quod Sixtus V. intenderat, Deo bene juvante perfectum est. (2)*

Quæ ejusdem Sixti cura typis exscripta fuisse fertur Sacri codicis versio Italica, si modo unquam prodiit, albis corvis rarior

Z 5

est.

(2) Vid. le Long. l. c. f. 265. sqq.

est. Jacobus certe le Long talem translationem illius Pontificis jussu editam esse negat & pernegat (a). Contrarium vero præter alios Jo. Frider. Mayerus tuetur, *Biblia*, inquit (b), *universa a viris doctis in linguam Hetruscam auspiciis Sixti V. Pontificis Max. conversa, typisque exscripta, anno 1589. sed mox intercedentibus Cardinalibus & urgente illud ad horum institutum Philippo II. Hispaniarum Rege, omnia exemplaria fuere suppressa & occultata.*

Primam editionem Novi Testamenti Gallici interprete Jacobo Fabro Stapulensi quæ Parisiis anno 1523. in 8. lucem adspexit, rarissimam vocat laudatus Longius (c): nempe ejus usus publica autoritate fuit prohibitus. Quod fatum etiam subierunt aliæ illius editiones, A. 1524. 1529. &c. curatæ.

De Novo Testamento Gallico tam ex versione Montensi quam ex interpretatione Dion. Amelotte conflato a Joanne Daillé & Valentino Conrart, caractere minutissimo in 12. Parisiis An. 1671. excuso, idem Auctor (d) hæc tradit: *Vix prodierant quedam exem-*

(a) loc. cit. f. 357.

(b) Citat. Longio l. c.

(c) l. c. f. 335.

(d) l. c. p. 352.

exemplaria cum universa hac editio suppressa fuit. Hac a Petro Pelbestre, qui hujus editionis codicem a Typographo acceperat, didici.

Recentissimæ Bibliorum Hungaricorum editionis, in Belgio curatæ, 3000. exempla a Jesuitis Cassoviensibus intercepta, in arcta adhucdum teneri custodia, certio rem me fecit amicus, fide dignus.

Quandoque etiam contigit, ut diversis de causis editiones nonnullorum librorum affectæ in medio præli curtu sufflaminarentur. Accidit id versioni SS. literarum Germanicæ, quam Jo. Saubertus olim auspiciis Serenissimi Augusti Ducis Brunsvicensis & Luneb. moliebatur. De hac translatione Vener. Abbas Regiæ Luteræ Jo. Fabricius (e): *Non autem absolutum, sed interruptum fuit hoc opus beato ex hac vita discessu laudatissimi & Principum Nestoris Augusti A. 1666. & prelum quidem cessavit in capite XVII. prioris libri Samuelis, exempla autem omnia quæ impressa erant, translata Wolfenbuttelium, ubi tenebris mancipata adhuc asservantur. Meum exemplum debeo ego, pergit idem, singulari gratia Serenissimi Ducis Antonii Ulrici, qui mihi illud pro MSto auctoris, quod Bibliotheca*

(e) In Hist. Bibliothecæ suæ. P. III. p. 339.

theca Augusta consecravi, clementissime dari jussit.

Idem quoque fatum oppressit quondam versionem Bibliorum Germanicam, a Crypto-Calvinianis Saxonis, quos vocant, A. 1589. edi coeptam, nec ultra Paralipomenon libros productam. De hac editione D.G.G. Zeltnerus (f) hæc memorat: *Relatum ab amico habeo, in Bibliotheca Dresdendi recondita esse exempla, & postea ad pulveris pyrotechnici cucullos subinde deprompta & adhibita, qua occasione nonnemo aliquando, forte fortuna, possessor exemplaris alicujus factus sit.*

In Ecclesiastica antiquitate, sunt verba Jac. Capelli (g), quam non esset tyro Casaubonus docuit A. D. 1607. libro singulari de Libertate Ecclesiastica, cujus jam pagina 264. typis erant edita, cum Rex Henricus IV. auguste memoria, compositis jam Venetorum cum Pontifice Romano controversis, vetuit ultra progredi, & hoc ipsum, quod fuerat inchoatum, suppressi voluit, ut ejus pauca nunc extent exemplaria. Hunc ipsum tamen librum inseruisse

(f) In Diss. de novis Bibliorum Versionibus Germanicis non temere vulgandis. p. 117. Edit. II.

(g) Vid. Colomes. dans son Recueil de particularitez p. 127. citat. Placcio in Theatr. Anonym. f. 19.

seruisse Goldastum Monarchiæ Imperii Tom. I. pag. 674. sqq. observat Vincentius Placcius.

5.

Libri a privatis suppressi.

Summorum imperantium curam in sup-
primendis quibusdam libris sæpenumero
imitata est nonnullorum privatorum indu-
stria, publicæ æmula, raritatem hinc aliqui-
bus scriptis concilians. Paucis hoc exem-
plis, sed selectis, probatum dabimus.

Cognitæ sunt omnibus, qui monumenta
rerum antiquitus gestarum sedulo volvere
amant, dolosæ illæ & sceleratæ technæ, quas
quatuor familiæ Dominicanæ monachi, ne-
fariarum machinationum artifices astuti,

inventæque novas fraudi superaddere
fraudes

docti olim exercuerunt, ut sit dogma
de immaculata B. Virginis Mariæ concep-
tione, quam tantopere Franciscani aliique ex
Pontificiis jactant, everterent, imposturis
tandem detectis, Bernæ Helvetiorum A.
1509. ultricibus flammis traditi (b). De
his igitur moliminibus plura tum publicata
fuere

(b) Ea de re vid. Pauli Langii Chronicon Citzense
f. 893. edit. Pistor. & Stumpfii Chronicon Helvet.

fuere opuscula, sed ea a Dominicanis enixa diligentia ad extinguendam hujus rei memoriam conquesta & callide suppressa esse, ut paucissima nunc extent istiusmodi libellorum exempla, testis est Joann. Stumpsius (i).

Elisabetha Angliæ clavos tenente, paulo ante ejus obitum prælo exiit liber de arte æquivocationum a Jesuita quodam compositus, cujus cum haud pauca jam exemplaria in eruditorum versarentur manibus, postea ipsos Ignatianæ sodalitatis puduit socios, quamvis ante a præcipuis illius ordinis in Anglia viris, Henrico nimirum Garneto, qui deinceps ob conspirationem pulverariam suspendio vitam finiit, & Blakwello approbatus fuerit. Ipsos postmodum Jesuitas pessimum hunc maleferiati & nequioris ingenii foetum sedulo suppressisse & occultasse, ex eo conjicio, quod eorum unus in Apologetico publicæ luci exposito ullum unquam ejusmodi tractatum in rerum natura fuisse negare, & qui illius meminerunt, impostores vocare ausus sit, teste Isaaco Casaubono (k). Ut vero aliquam hujus libri, hodie

(i) *Schweizer - Chronick*, L. XIII. Cap. 35. f. 116. edit. Tigur. 1586. fol.

(k) In *Epistol.* p. 763. edit. Magdeburg. A. 1656.

hodie perrari, notitiam habeas, paucis ejus argumentum delineabo, verbis quidem non meis, sed desumptis ex *Actione* in Henricum Garnetum, Societatis Jesuiticæ in Anglia superiorem, cæterosque, qui Jacobum Britannia Regem & Regni ordines pulvere fulminali e medio tollere conjurarunt, ex *Anglico* a G. Camdeno Latine versa (1) : *Pro-*,
positio in hoc libro in mentalem, verba ,,
 lem, scriptam & mixtam distinguitur, quæ ,,
 certe distinctio quod cæcos Mæandros & ,,
 Labyrinthos habeat, ut homines in erro- ,,
 rem deducat, quis non videt? Exempli ,,
 gratia, ut primoribus labris stropharum & ,,
 falsitatis regulam hanc degustetis, interro- ,,
 gatus aliquis & jurejurando obstrictus, ut ,,
 ex animo verum dicat, talem vidistine ,,
 hodie? hac arte instructus illud plane de- ,,
 negat, prudens licet sciensque illum vide- ,,
 rit: videlicet hunc proprium sibi sensum ,,
 reservans: Non, ut Magistratui hoc dice- ,,
 rem, vel non visione beatifica, vel non ,,
 Venetiis illum vidi. Similiter etiam af- ,,
 firmationem pro negatione alicui dare, re- ,,
 tinendo tantum, & mentaliter addendo,,
 particulam & signum illud negationis Non.,,
 — In-

„—Ingruente undique peste, quidam
 „Conventriam venit; ad urbis vero portas
 „magistratus illum conveniunt, eumque
 „jurejurando obstrictum interrogant, an
 „Londino profectus sit, ubi pestem grassari
 „audiant: iste vel pestem ibidem non esse,
 „vel aërem non infici, seque per privatam
 „aliquam urbis plateam propere equitasse
 „pro certo habens: se Londino non venisse
 „liquido tutissimeque jurare potest. Prin-
 „cipali enim & finali propositæ quæstionis
 „scopo, scilicet an sic venerit, ut civitati
 „pestem afferret, responsum dedit, licet
 „immediatus quæstionis sensus fuerit, utrum
 „Londino profectus sit, an non, cognoscere.
 „Istum (si libro fidem adhibeamus) ipsum
 „naturæ lumen perjurio liberet &c.

Probe callere Pontificios artem celan-
 dorum librorum, quibus arcana quædam,
 in vulgus haud promulganda, traduntur,
 aliquot jam porro documentis testatum fa-
 ciemus. Licet enim si res in hujus generis
 libris, publica sæpe autoritate emissis tracta-
 tas haud improbent, non tamen sunt ne-
 scii, Protestantium manibus sic tela ingeri,
 quibus ad abusus Romanæ Ecclesiæ car-
 pendos uti queunt. Sibi igitur solis re-
 servare student ea, quæ acutissimus Bai-
 lius

lius (m) *mysteres d'état*, *arcana imperii* argute vocare, iisque Horatii verba applicare solebat :

Non tamen intus
Digna geri promes in scenam, multa que
tolles
Ex oculis, quæ mox narret facundia præ-
sens.

Taxa Pœnitentiaria Cancellaria Apostolica plus simplici vice equidem a Protestantibus fuit recusa, at ejus editiones, ab ipsis Pontificiis curatæ, rarissime propterea inveniuntur, quod sedulo eas occultent. Audiamus hac de re Gisbertum Voëtium (n) :
Quia hic Taxa Pœnitentiaria mentio facta, moneo exemplaria pauca hodie haberi posse (qua & quorum arte facile prudentiores con- jiciant) : aliqua tamen in manibus nostrorum superesse editionis Parisiensis 1520. in 4. apud Tussain Denis. Editæ etiam est Venetiis, cum quamplurimis aliis Tractatibus in Oceano Juris. Addo rem & librum a Pontificiis passim negari, ubi ita usu venit, ut nostri, allegando
Tom. II. A a *illam*

(m) In Diction. Hist. Crit. P. I. f. 435.

(n) Tom. II. Disput. Select. p. 296. cf. quæ idem Tom. I. p. 205. de Jo. Casæ poemate quodam, alibi- que de Stellæ votis paparum monet.

*illam Taxam, mendacii & calumnie suspecti
fiant, imo & arguantur. Accidit anno 1633.
ut quis Jctus idemque Senator Sylvaeducensis
desertionem & rejectionem papatus minaretur
(more ipsis non insolito) si quidem tam abo-
minanda, qualia ex Taxa nostri referunt,
demonstrari possent. Ut ampliss. & consult.
huic viro ex asse satisfaceret, quesitum apud
alios de exemplari, etiam a me postulatum
exemplar(o). Quodcum mihi ab ipsis Ponti-
ficiis editum nullum esset, petii commodato a
celeberrimo Theologo Andrea Riveto. Ante
biennium alibi concertatione inter nostros &
Pontificios quosdam oborta super eadem hac
Taxa, denuo consultus, monstravi biblio-
thecam D. Riveti, in qua certo scirem exem-
plar edit. Paris. 1520. haberi: quippe quod
ipse ante annos aliquot manibus & oculis meis
usurpasset, & fratribus Sylvaeducensibus ex
summi illius Theologi concessione aliquamdiu
usurpandum misisset. Velim hac occasione
obtestatos omnes publicos Reformatarum scho-
larum, ecclesiarum, politiarum Bibliotheca-
rios, exemplaria illa, si qua in ipsorum pote-
state sint, capsis inclusa diligenter custodiant,
ne*

(o) Sic exprimit hoc ultimum comma Dan. Fran-
cus de Indic. expurg. & prohib. p. 115. cum in ipsis
Voëtii Disput. aliquæ voces omissæ sint.

ne a plagiariis auferantur : aut si non sint , hoc agant , ut a privatis sive bibliopolis , sive viris literatis , prece aut pretio quovis redimant . In manibus mihi est antiquissima editio *Canonum pœnitentialium per Episcopum Civitatisensem* (cujus nomen haud adjicitur) *compositorum* , loci , anni & typographi indicio destituta , quæ decem in forma quarti ordinis foliis absolvitur , vocum compendiis ubique scatens . Speciminis gratia quosdam inde canones heic recitabo , cum ignorem , an ii inter reliquas Taxas pœnitentiaras recusæ unquam fuerint . (p) Primus canon est , quod presbyter fornicans publice & notorie tenens concubinam inclusam , sacco indutus vel cilicio III. mensibus in pane & aqua jejunet per spatium septem annorum , quolibet anno III. mensibus , exceptis festivitibus & tunc modico vino utatur , & sexta feria semper jejunet in pane & aqua . Et hoc quidem intellige de adulterio vel incestu notorio . — Si quis contra naturam peccaverit , si sit clericus , debet deponi , & si incorrigibilis est , debet recludi in monasterium : & si ,

A a z

,, sit

(p) In editione certe , quam Franequeræ A. 1651. in 8. emisit L. Bank , non extat .

„sit laicus debet excommunicari &c. Si
„pater & filius cum una muliere dormie-
„rint, aut si quis cum matre vel filia vel
„cum duabus sororibus coierit, VII. annis
„pœniteat. — Si quis autem ignorans
„cognoverit duas sorores vel matrem vel
„filiam, uno anno pœniteat. — Si peccasti
„cum jumento aut cum aliis animalibus vel
„fecisti sodomiam, XV. annis pœniteas, &
„quinque ex his in pane & aqua facias.
„— Si quis cum vidua patris sui vel uxore
„vel cum germana sua sive cognata sua,
„vel si pater turpitudinem filiae suae revela-
„verit, vel cum filiastra sua coierit, X. an-
„nis pœniteat, & peregrinus incedat, &
„III. annos ex his in pane & aqua faciat.
„— Si quis Episcopus vel presbyter vel
„diaconus uxorem acceperit, ab ordine de-
„ponatur. Si Episcopus adulterium perpe-
„traverit, XV. annis pœniteat : Diaconus
„vero X. Subdiaconus VII. Clericus I. Et
„tertia pars sit in pane & aqua. Si aliqua
„mulier fornicata fuerit & patrem suum
„(vel partum) vivum occiderit, X. annis
„pœniteat. — — Si quis patrem vel
„matrem aut uxorem interfecerit, nunquam
„equitet, nec matrimonium contrahat, &
„per X. annos carnem non comedat, nec
„vinum.

vinum bibat: & matris interfector X. an.,
 nis pœniteat armis depositis. Qui occidit,
 Judæum vel paganum, XL. diebus pœni-
 teat. — Si mures comederint eucharis-
 tiam ex incuria seu negligentia sacerdo-
 ris, XL. dies pœniteat, vel si perdatur,
 XXX. Si de sanguine Christi stillaverit,
 in terram, lingua lambatur, & tabula sive
 terra radatur, & igne concremetur, &
 pannus lavetur, & illa lotio a presbytero
 sumatur, & XL. diebus pœniteat &c.
 Differunt equidem ab aliis Taxis hi cano-
 nes in eo, quod certum duntaxat pœniten-
 tiæ tempus præscribant, cum illæ peccato-
 rum, etiam gravissimorum, remissionem
 pecuniæ venalem exponant; at & hi eun-
 dem scopum, nisi fallor, sibi præfixum ha-
 bent: nam Episcopus civitatis sub finem
 canonum statutum pœnitentiæ tempus re-
 dimi, delictorumque veniam eleemosynis
 impetrari posse asserit. Quasnam autem hic
 potissimum indigitet eleemosynas, facile
 suspicaberis. Hæc ἐν παροῳ.

Plerique equidem *Indices Librorum
 prohibitorum & expurgandorum*, iterato Pro-
 testantium cura prælo subjecti sunt; verum
 primæ eorum fere omnium editiones, quas
 ipsis Pontificiis debemus, rarius compa-

rent, (†) quia ab iis studiose celantur. De Indice expurgatorio, Philippi II. Hispan. Regis jussu atque Albani Ducis consilio ac ministerio in Belgio concinnato A. 1571. in præfatione novæ editionis A. 1599. Argentorati factæ hæc refert Joann. Pappus: *Liber hic propriis Regis Hispaniarum impensis ab ejus architypographo Plantino excusus fuit, non quidem ut evulgaretur & distraberetur, sed ut iis tantummodo distribueretur, qui expurgationi, quam vocant, librorum suspectorum essent præfecti. Auditum erat severissimum mandatum Regis, ut hi ipsi censores privatim, nullisque consciis, apud se indicem hunc haberent, & nec ipsum aliis communicarent, nec ejus exemplum ulli darent, sed id tantum curarent diligentissime, ut loca suspecta librorum, qui expurgandi ipsis viderentur, inquirerent, expungerent & restituerent. Ita hic liber per annos quindecim, instar mysteriorum quorundam, in censorum illorum bibliothecis occultatus latuit. Evenit autem circa annum 1586. singulari divina providentie munere, ut in manus Francisci Junii Index iste pervenerit, publicique tandem juris fieret.* Hinc

(†) Rariore præcipue sunt editiones Indicis Expurgatoriorum, ab ipsis Pontificiis curatæ.

Hinc præter diploma regium, Belgica lingua conscriptum, huic indici præmissa sunt hæc verba: Ducis Albæ jussu ac decreto,, cavetur, ne quis præter Prototypographum,, regium hunc Indicem imprimat, neve ille,, aut quis alius publice vel private vendat,, aut citra ordinariorum facultatem aut,, permissionem habeat., Ipse Junius in dedicatione ad Joann. Casimirum, Palatinatus Electoralis olim Administratorem ita fatur: *Fætus est Censorum Belgicorum, quos Albanus ei gignendo præfecerat. Hunc fætum, prout mandatum fuerat, genuerunt illi: sed nascentem inter genua sua compresserunt, & circumtulērunt in sinu conditum, ut dentata illius opera alienos fætus virorum bonorum opprimerent.* — Quia vero forte Patres objecturi sunt non suum esse hunc fætum; ab aliis, a nobis, a typographo depravatum esse, casu aut malitia oblatum vitium: cavendum esse duxi, & huic calumnia prudenter occurrendum. Quapropter librum authenticum ex officina Christoph. Plantini A. MDLXXI. Antwerpiae profectum — in Bibliothecam T. C. visum est deponere, ut, si qui volent, videant; si qui negent, videntium fide confutentur. De reliquis indicibus conferri mere-

tur Philippus a Limborch (q), & qui præcipue commendandus est, Daniel Francus (r). Sed hi indices forte referendi a nobis fuissent in classem librorum, qui Principum cura & studio occultantur.

Quanta industria & sollicitudine olim Patres Ignatiani caverint, ne Constitutiones Societatis Jesu, auctore Ignatio Loyola ex parte Hispanorum lingua quondam exarata, & a Joanne Polanco deinde in Latinum sermonem conversæ, cum eas novem voluminibus Antwerpia typis exscribi curarent, in aliorum pervenirent manus, enarrat Gerh. Mastrichtius (s), & post eum Groschupfius (t). Hac occasione enumerare placet libros quosdam, in Bibliotheca publica Memmingensi latentes, quos magnam partem illius editionis Antwerpiensis constituisse arbitror. *Littera Apostolica, quibus institutio, confirmatio, & varia privilegia continentur Societatis Jesu.* Neapoli in collegio ejusdem Societatis. Ex typographia Tarquinii Longhi. 1598.

Dire-

(q) In Historia Inquisitionis. f. 149. sqq.

(r) In peculiari de iis tractatu; Lipsiæ A. 1684. in 4. edito.

(s) In Placcii Theatr. Anon. f. 125.

(t) In Præfat. novæ Collectionis Librorum rariorum. p. 22.

Directorium in Exercitia Spiritualia R. P. N. Ignatii. Romæ in collegio Rom. Societatis Jesu. Anno Dn. MDCVI. Præfatio scripta est A. 1599. a Jacobo Dominico, Secretario.

Regula Societatis Jesu. Ibid. Anno MDCVII.

Canones Congregationum Generalium Societatis Jesu. Secunda editio. Ibid. Anno MDCXVI. Præfationem eodem anno datam præmisit Bernardus de Angelis Secretarius Soc. Jes.

Decreta Congregationum Generalium Societ. Jesu. Secunda editio. Ibid. 1616.

Ordinationes Præpositorum Generalium, communes toti Societati, auctoritate septima Congregationis generalis contracta. Ibid. A. MDCXVII. Præfatus est idem Bernardus de Angelis A. 1616.

Hæc omnia superiorum permissu, ab ipsis Jesuitis edita, duobus spissis voluminibus in octavi ordinis forma continentur, sed alteri insertæ quoque sunt Annuæ Litteræ Societatis Jesu Annorum MDXCIII. & XCIV. ad Patres ac Fratres ejusdem Societatis exaratae, quarum illæ Florentiæ e typographia Philippi Junctæ A. MDCL. hæ Romæ e Collegio Societatis A. MDXCVI.

prodierunt. In Ordinationibus Præpositorum Generalium hæc inter alia mandantur pag. 20. seq. *Compendium privilegiorum, seu majus, seu brevius, sine permissu Generalis nusquam recudatur. Exemplaria autem, quæ ad usum præcipue Superiorum & Consultorum in singulis Domibus & Collegiis esse debent, ita nostris cum facultate Provincialis concedi poterunt, ut externis non ostendantur, nec inde ad alia loca exportentur.* Sed ad alia jam progrediamur.

Adversariorum scripta ut abolerent, & quoad ejus fieri posset, supprimerent, sempiternisque addicerent tenebris, haud raro varii omnem adhibuerunt curam. Lutheri, aliorumque veritatis vindicum libros, immortalitate dignissimos, Cæsarum, Regum, Principum, Pontificumque jussu olim magno numero fuisse igni concrematos, quis ignorat? Horum itaque vestigiis insistentes & alij, ἀλογῶ quodam fervore correpti, in libros innocuos & optimos flammis sævierunt. Innumera fere librorum Lutheri ejusque συγχρονῶν & sequacium exemplaria sic absumpta & in favillas redacta fuisse mihi persuasum est. Hinc opera eorum seorsim olim excusa, quæ autographa nominare solent, quoad primas editiones adeo raro depre-

prehendi existimo, quanquam haud eam inficias, plures etiam alias raritatis eorum causas dari. Bina saltem exempla infani ejus Zeli ne dicam, an furoris, jam allegabo, non prorsus illepidi. Stanislaus Rescius (u) agens de Hosio Cardinale adhuc adolescente, & in Academia Cracoviensi studiorum gratia degente, scribit eum, si quos pestilentes libros, qui per Lutherana factionis administratos ad perniciem hominum spargebantur, conquirere & habere potuisset, omnes illico Vulcano corrigendos obtulisse. Post qua subjungit Rescius: Quo tempore illud quoque memoria dignum accidit, quod, cum in eadem Academia bonis literis operam daret Fabianus Cema, juvenis nobili loco & familia in Prussia natus, & Hosio nostro domestica familiaritate conjunctissimus, nisi quod non aque ut ille a novis rebus abhorrebat, & blasphemos Lutherana factionis libellos, Germanica praesertim lingua scriptos, non gravatim leclitabat, in acutam aliquando febrim incidit. Cujus vicem cum Hosius doleret, officium consolantium & libenter & studiose praestabat, ac saepe ad lectulum

(u) De vita Stanislai Hosii Cap. V. citat. Gretsero in opere de jure & more prohibendi &c. libros p. 372.

lum decumbentis affidebat. Quodam ergo die sub capite jacentis quendam libellum aspicit, quem cum in manus accepisset, & hereticum esse cognovisset, hæc est, inquit, ista febris, quæ te adeo graviter excruciat. Tu malum hoc ipse tibi sciens & volens accersis, dum istas pestes non solum in animum, sed & in lectulum tuum recipis. Quamobrem si febrim a corpore tuo cupis propulsatam, prius ab animo tuo blasphemiarum studium & omnem hereticorum colluviem a tua consuetudine quam citissime remove; nec dubites, quin te statim febris acerbitas deferat, & corporis sanitas remota peste consequatur, ac ita libellum flammis ultricibus objecit. Postridie vero cum ad visitandum amicum reversus esset, a febre relictum illo ipso tempore invenit, quo libellum ignibus exurendum tradiderat. En tibi novam & facilem, si Diis placet, malignos morbos ac præcipue acutas febres, quæ rapido æstu omnibus furiunt membris, tollendi & feliciter propulsandi rationem!

Ite jam Galenia pharmaca, & pillulæ & mala pocula!

Quid tibi cum medicis? dimitte Machaonas omnes.

Te jam compello : miselle, cui
Costæ ardent : premit ægra sitis : latus
aspera torquet
Febris , & insurgunt. recidivi semina
morbi,
Difficilesque ægros labefactat anhelitus
artus :
Os livet , positæque movent fastidia
mensæ :
Nec potis es, quondam visos cognoscere
vultus.

Non est, quod ad medicam confugas opem,
& tot deglutias austera ac insipida pharmaca,
cum æstus febriles tam facili methodo fu-
gari inque malam crucem abigi queant.
Verum alio insuper exemplo , quanquam
recentioris paulo ætatis, probatum dabo,
quantopere olim sævitum fuerit etiam a
privatis in præstantissimos libros, ut exin
plurima eorum exempla a Vulcano devo-
rata & absorpta fuisse concludere possis. *Per-
suasum est multis*, verba sunt Collegii Mo-
guntini Societatis Jesu (x), *ne se mallent,
quam libros noxios perdere.* Quo in genere
quiddam accidit memoria dignum. Sacerdos
noster ad bibliopolam amicum diverterat. Ille
de paucitate emtorum atque iniquitate tem-
porum,

(x) In Litteris annuis A. 1593. p. 238.

porum, ut sit, cum eo querebatur. Noster ipsum esse in culpa dicere, qui Lutheranos libros venales haberet: instare, ut eos sibi omnes traderet: quos cum ex ejus manibus expressisset, illo inspectante combussit. Mirares! vix dies unus ab illa traditione librorum intercesserat, cum plurimi librorum emtores ad illius tabernam librariam ventitare cœperunt. Itaque bibliopola admirationis & gaudii plenus nostro deinde confirmavit, plures se libros uno die, quam antea multis hebdomadis vendidisse. Lepide, belle, facete! Habetis hic, Bibliopolæ, novam & fando antehac inauditam celeriter ditescendi artem! Secate, discerpite funditus tollite, urite, flammis immittite, in cineres redigite pestíferas illas, si Jesuitarum judicio standum est, Lutheri, magni istius (scilicet) hæresiarchæ, aliorumque ipsi similium chartas. Fumus inde mox in ventos attenuatus abiturus alliciet vobis immensam empturientium catervam: tenuesque favillæ magnam nummorum vim magnetis more in vestra attrahent marsupia. Cæterum Bibliopolæ illi Moguntino occinenda fuissent Senecæ (y) verba: *Demetri*

(y) Ex præfat. Lic. IV. Natural. Quæst. f. 722. editionis Justi Lipsii, quæ Antwerpæ ex officina Plantin. A. 1605. prodit.

metrium egregium virum memini dicere cuidam libertino potenti, facilem sibi esse ad divitias viam, quo die pœnituisset bona mentis.

Sed & interdum viri alias probi & eruditissimi, ut suorum Antagonistarum scripta, suppresserent, hominumque excuterent manibus, omni nisu allaborarunt. Horum in numerum referendus est Natalis Alexander, non ita pridem defunctus, qui, cum nonnulli Historiam ejus Ecclesiasticam publice impugnarent, scriptum hoc titulo in 8. Rhodumnæ edituri; *Animadversions sur l'Histoire Ecclesiastique du P. Noël Alexandre*, sollicito studio effecit, ut operis, jam jam preli mordentis carceres exemplaria omnia discerpta abolerentur, vix duobus sic laceratis & imperfectis fuga elapsis. Nisi forsan hæc supprimendi cura Bibliopolæ, qui suis impensis Nat. Alexandri Historiam divulgavit, adscribenda sit (z).

De Petro Alcyonio Paulus Jovius (a):
Quum aliqua ex Aristotele perperam insolenterque vertisset, in eum Sepulveda vir Hispanus, egregie de literis meritis, edito volumine peracuta jacula contorsit, — tanto quidem eru-

(z) Vid. Nova liter. Germ. A. 1724. p. 758. sq.

(a) Elogior. Cap. CXXIII. p. 265. cf. Baile Diction. P. L. f. 143. edit. tertiz.

eruditorum applausu, ut Alcyonius ignominia dolore misere consternatus, Hispani hostis libros in tabernis, ut concremaret, gravi pretio coëmere cogeretur.

Sunt & aliæ causæ, quibus moti nonnunquam eruditi quædam suppressere opera sunt annisi. Ita Josephus Scaliger nonnulla Patris Julii Cæsaris scripta, quibus acriter in Erasmus Roterodamum inVectus fuit, sedulo conquisivit, ut ea sic hominum oculis subduceret, quia magnum illum literarum restauratorem ab eo tam indigne acceptum esse ægre ferebat, patremque etiam adversus tantum virum adeo aculeate & acerbe scripsisse poenituerat. Honori igitur parentis consulturus nullis pepercit sumtibus, atque exempla, quotquot potuit, coemit. Ipse id de se testatur Scaliger (b). *Mon Pere avoit escrit beaucoup d'Epistres contre Erasme, qui estoient imprimées, mais je les ay faict supprimer, & en ay les exemplaires ceans, qui m'ont cousté 72. escus d'or, 36. doubles pistolettes; J'ay commande a Jonas de les brûler apres sa mort. Mon Pere attaque Erasme en Soldat. Depuis apres avoir estudié, il vit qu'Eras-*

(b) In Scaligeranis, per FF. PP. editis Hagæ Comitum 1669. p. 101.

qu' Erasme estoit un grand personnage. Peut estre mon Pere n'avoit pas leu ou n'entendoit pas Erasme. Jamais Papiste, Lutherien, ni Calviniste, n'ai faict un meilleur livre ny plus elegant, qu'il sa paraphrase, sur le Nouveau Testament; encore que mon Pere ait escrit contre Erasme, si fais je grand cas d'Erasme, c'estoit un grand homme &c. *pœnituit patrem adversus illum scripsisse, il vit sa faute, sed fuerat irritatus, cum vocaretur ab Erasmo miles, quasi per contemptum.* Iterumque paulo post hæc refert (c) : *Habebam orationem secundum Patris in Erasmus cum Epistola Erasmi. Curavi conquiri Parisiis apud omnes Pedantes, nemo habet. Per emissarios 7. aut 8. curavi omnia exemplaria conquiri & comburi.* Omni tamen hac industria Scaliger efficere haud potuit, ne illæ Orationes & Epistolæ curante Maussaco Tolosæ A. 1620. recuderentur : quamvis & hæc ipsa editio hodie rarius conspiciatur.

Renatus Cartesius Gomezii Pereiræ Hispani Antonianam Margaritam summa diligentia, ne plagium ejus deprehenderetur suppressisse fertur, imitatus in hoc Aristotelem, quem plures veterum libros, grandi

Bb

pecu-

(c) Ibid. p. 102.

pecunia coëmtos, ex eadem ratione combussisse, memoriæ proditum est. *Protrahatur*, scribit Jo. Frid. Guhlingius (*d*), *hic elatibulis Cartesius, qui ut alias plagii est suspectus, ita nihilo modestius se illius, de mechanica animalium dispositione, sententia jactavit auctorem, quam tamen ex Gomezio Pereira, Hispano, hausisse dicitur, omnibus, quæ nancisci poterat, exemplaribus Antoniana Margarita coëmtis & combustis.* Perrarum esse hunc librum, Medinæ Campi A. 1554. in fol. excusum, P. Bailius (*e*) monet, atque ex eo suam de animalibus sententiam Cartesium didicisse rationibus haud contemnendis negat.

6.

Libri ab ipsis vel autoribus vel editoribus suppressi.

Quin imo ipsi quandoque autores vel editores certis de causis libros suos premunt, & studiose occultant. Anno 1588. Anglico sermone prodiit libellus famosus
hoc

(*d*) In Diff. de Autographis Veterum, sub præfidi-
o Cel. Jo. Guil. Bergeri Wittebergæ habita.

(*e*) In Diction. Hist. Crit. Tom. III. artic. Pereira
not. B. sqq.

hoc titulo : *Admonitio adversus Reginam Elisabetham* ejusque regnum omnes Christiani orbis Principes & populos ad illud invadendum excitans. Animus erat auctori, hoc scripto classi Hispanicæ, Anglos subjugaræ, viam parare. Sunt, qui istud Parsonsio Jesuitæ (f) tribuunt, eumque post infauftum illud navale prælium omnia exemplaria igni tradenda curavisse memorant (g).

Haud ita pridem nonnemo peregrinus, per nostras oras transiens, in vicinia prælo subjecit libellum aliquem Michaelis Schendi Vanderbech, Medic. Doctoris, cui præmissa est satyra mordacissima in Maurocordatum Wallachiæ Principem: is quingenta circiter exemplaria typis exscribi voluit, eaque omnia secum, in Hungaria forte aut Transylvania disseminanda, abstulit, ut ejus curam paucula vix effugere potuerint. En integram libelli inscriptionem : *Empirica illustris* per septem nobilissima euporista

B b 2

fami-

(f) Is etiam sub Dolemanni nomine librum de Titulis edidit, qui improbus, vanusque, & ex mendacis, figmentis, & contumeliis totus confutus & confarinatus dicitur in Actione in Henricum Garnetum. p.

familiaria remedia ad totidem gravissimos & frequentiores morbos profligandos: auctore Michaelē Schendo R. C. S. Eq. Vanderbech Philosophiæ & Medicin. V. Doctore. Addita authoris Apologia adversus Maurocordati sycphantias par le Docteur Conrade du Schebhen. Editio altera (ut quidem in titulo fingitur), prototypo Londinensi longe elegantior ac emendatior. Augustæ Vindelicorum apud Merz & Meyer, cum permissu Superiorum. MDCCXXIII. in 8. Quatuor duntaxat hoc scriptum plagulis absolvitur. In Apologia eximiis laudibus Vanderbech ille cumulatur, ob ingenium perspicacissimum & singularem in scientiis ferme omnibus eruditionem, editis aliquot argumenti rarioris opusculis comprobata. Contra ea Maurocordatus, qui illum non solum potiori rerum parte, Bibliotheca ac Manuscriptis spoliare, sed & famam ejus atterere dicitur ausus esse, Theonino dente laceratur. Nec ibi parcitur viris quibusdam eruditissimis & celeberrimis, e quibus Jo. Clericum & Steph. Berglerum nomino. In calce adjectum est Alethophili Cosmopolitæ de auctore eruditissimo (Vanderbechio scilicet) somnium poeticum, quod ob libelli raritatem heic adscribere non gravabor :

Græ-

Græcia docta olim , genitrix foecunda
sophorum,

Quid longo sterilis tempore spreta
jaces ?

Singular cumque Sophos viderunt secula
septem ,

Unum inter septem secula pande vi-
rum.

Vix ea fatus eram : Vanderbech , illa re-
torfit ,

Unus pro septem sat mihi solus erit.

7.

*Libri, quorum pauca exempla sunt
impressa.*

His jure quodam suo jungendos esse exi-
stimo, qui pauca duntaxat librorum suo-
rum excudi curant exemplaria, atque adeo
eorum raritatem , dedita opera, quærere vi-
dentur. Clarissimus Lilienthalius (*b*) hoc de
iis judicium fert : *Qui scriptorum suorum non-
nisi per pauca imprimi faciunt exemplaria , at-
que ita raritatem illorum consulto quærunt ,
quid aliud agunt , quam ut libros invidiose*

B b 3 *occul-*

(*b*) In *Selectis Histor. & Liter.* P. I. p. 202. cf.
ejusdem *Dissert. de Machiavellismo literario.* p. 125.
sqq.

occultent ? Quia enim hoc potissimum videntur intendere, ut scripta sua vel majori desiderio querantur, veletiam majori pretio diveniantur, hinc possunt non, quin multos utilitate illa privent, quam ex lectione illorum librorum, si obvii fuissent, capere potuissent. Nonnunquam tamen fonticas esse causas, quibus ducti librorum vel autores vel editores pauca tantum emittunt exemplaria, censeo.

Garnierii Systema Bibliothecæ Jesuitarum Collegii Ludoviciani rarius esse, quod in privatum duntaxat hujus Bibliothecæ commodum conscriptum sit, me edocuit vir literatissimus Daniel Maichelius (i). Quod idem etiam observandum est de Indice Bibliothecæ, qua Franciscus Barberinus R. E. Cardinalis Vice-cancellarius magnificentissimas suæ familiæ ad Quirinalem ædes magnificentiores reddidit, Romæ typis Barberinis per Michaellem Herculem A. 1681. in fol. impresso : cujus notitiam debeo viro de elegantiori literatura optime merito Joan. Henrico von Seelen (k).

Basileæ Sacra, Brundruti A. 1685. in 8. a Collegio Jesuitarum ejus loci in honorem
Joan-

(i) Introduct. ad Histor. Liter. de præcipuis Biblioth. Parisiens. p. 128.

(k) In Diff. de Præcocibus Eruditis p. 16.

Joannis Conradi de Rogenbach, recens tum electi Episcopi Basileensis, editæ, paucissima expressa fuere exempla (l).

Helenam Marfuin, Dominam de El-lansborg, Ludovici Munckic uxorem, propriis sumptibus in usum tam privatum quam publicum stylo grandiori & eleganti emis-
sisse *Psalterium Davidis Danicum* cum sum-
mariis Psalmorum juxta versionem Lutheri
in Bibliis magnis Danicis, & præfatione Ni-
colai Michaelis, Hafniæ 1632. in fol. ejus-
que editionis triginta saltem exemplaria ty-
pis fuisse excusa, e Novis Litterariis Maris
Balthici Anno 1700. memorat Jacobus le
Long (m).

De libro Gallico Gabrielis Naudæi,
Considerations politiques sur les Coups d'Estat,
A. 1639. in 4. impresso, sed deinceps A.
1667. in 12. Amstelodami recuso, hæc no-
bis refert Colomesius (n): *Il faut remar-*
quer, qu'au lieu que dans la Preface au Lecteur
il est dit, qu'il n'y a qu'une douzaine d'Exem-
plaires de ce livre, il y en a eu plus d'une
centaine. Impii libri, sub titulo *Panthei-*

Bb 4

stici,

(l) Hamb. Biblioth. Hist. Cent. I. p. 25.

(m) Biblioth. S. P. I. f. 417.

(n) Dans son Recueil des Particularitez p. 123.
Placcii Theatr. Anon. f. 56.

stici, sive formulæ celebrandæ Societatis Socraticæ, Cosmopoli, aut verius Londini A. 1720. in 8. in lucem protrusi, author Jo. Tolandus perpauca tantum imprimi curavit exempla, iis solum distribuenda, quibus ejusmodi glandibus vesci volupe est, uti observat D. Theodorus Hafæus, maximus vir nominis (†). Idem quoque notandum de aliis quibusdam infaustis petulantis ejus ingenii foetibus, de quibus conferri omnino meretur elegantissima Celeb. Moshemii Commentatio.

Eliæ Ebingeri *Catalogum Bibliothecæ Amplissimæ Reipublicæ Augustanæ*, qui Aug. Vindel. A. 1633. in fol. prodiit, ob exemplarium, quæ excusa sunt, paucitatem rarissimum esse sæpe monuerunt viri, rei literariæ notitia instructissimi: at Hieron. August. Groschufius (o) ejus raritatem in dubium vocavit, hæcque ab Ehingero in vulgus sparsa fuisse, ut tanto celerius diriperetur liber, & lucellum inde caperet, asseruit, simul in aliis etiam viri præstantissimi & longe celeberrimi famam fugillare ausus:
nuper

(†) In Biblioth. Brem. Class. IV. p. 1090.

(o) In Præfat. Collectionis librorum rariorum Fasc. I. p. 23.

nuper vero cum raritatem libri, tum integerrimi viri probitatem solidis rationibus contra eum evicit doctissimus Jac. Bruckerus (p).

Andræ Palladii de Architectura operis per DD. Leoni & du Bois aliquot ab hinc annis Londini editi, tantum 250. exemplaria fuere impressa (q): Lelandi Collectaneorum de rebus Britannicis, per Th. Hearne Oxoniæ curatorum CL. (r): Actorum Apostolicorum Græco - Latinorum CXX. ibidem A. 1717. (s), Abbatis de S. Pierre libelli Gallici, Reflexions Critiques sur les Travaux de l'Académie Française, XL. (t), Operis Londini 1704. & sequentibus editi multis voluminibus in folio, quo Thomas Rymer Fœdera, Conventiones, Literas & cujuscunque generis Acta publica inter Reges Angliæ & alios Principes ab A. 1101. ad nostra usque tempora tractata exhibet, CC. (u), Ignatii Epistolarum septem genuinarum, Oxonii in Theatro Scheldoniano typis exscriptarum

Bb 5

Anno

(p) In egregia de vita & scriptis Eliæ Ehingeri commentatione pag. 118. sqq. cf. p. 92. sqq. & 192. sqq.

(q) Vid. Nova Literar. German. A. 1715. p. 388. sq.

(r) Ibid. An. 1716. p. 91. (s) Ibid. p. 521.

(t) Ibid. p. 523. (u) Vid. Catalogum Historiæ Fresn. Menken. p. 432.

Anno 1708. in 8. centum duntaxat exempla (x) excusa sunt. Generatim de Th. Hearne, superius memorato, observandum est, cum librorum, quos plerumque per leges subscribendi edit, exemplaria ad exiguum semper fere restringere numerum, illaque tum eo majori pretio divendere (y).

Haftenus libros quosdam, ob paucitatem impressorum exemplarium notabiles & rariores, enarravimus: nunc operis alicujus meminisse juvat, cujus innumera exempla se excudisse ipse typographus jactavit, quorum tamen nullum vel summi librorum helluones unquam conspexerunt. Athias Judæus, ex ea nimirum gente,

Falsas quæ fingere nugas

Et quæ sunt nunquam facta, referre solet, Biblia Anglica typis exscripsisse perhibetur sumtibus ingentibus, non per singulas schedas literas æneas in loculamenta restituyendo, sed omnes typorum formas integras servando (z). De hoc digna sunt, quæ hic adjiciantur verba Viri πολυμαθῆσαι, Jo. Chri-

(x) Vid. Aët. Erudit. A. 1713. p. 399.

(y) Vid. Nova Liter. Germ. A. 1716. p. 204. 305. &c.

(z) Vid. Jac. le Long. Biblioth. S. Tom. I. f. 433.

Christoph. Wolfii (a): *Ipse ex amici literis intellexi, ipsummet Athiam de horum Bibliorum exemplaribus 1000000. Et amplius a se divenditis gloriatum esse, quod certe fidem omnem superare videtur. Ego saltem frustra buc dum quæsvi aliquem, cui exemplum illius editionis oculis usurpatum fuerit. Hoc mendacio prodigioso, quod Judæus Apella per me credat, Athiam vel ipsos Cretenses, egregios illos nugarum architectos multis paranasgis superasse judico.*

8.

Libri, quos adversa fata suppresserunt.

FATO præterea nonnullorum librorum raritas adscribenda venit. Scilicet Vulcanus, claudus ille furcifer, Neptunusque fluctivomus, cui in æquoris æstus imperium olim tribuit antiquitas *Φιλομυθος*, mansuetioribus Musis se sæpius præbuere iratos, librosque æternitati dicatos vel inimica flammæ sævientium vi, vel rapido tumentis undæ impetu absorpserunt. Animus non est, jam deplorare miseranda integrarum Biblio-

(a) In Biblioth. Hebr. Rabbin. p. 584.

Bibliothecarum fata, quas incendii furor consumsit (b): Sed saltem aliquos libros breviter recensere, quorum plurima exemplaria infelix istud subiere fatum.

Cum Anno 1679. Jo. Hevelii, Consulis Gedanensis, & Mathematici famigeratissimi splendidæ ædes, Bibliotheca instructissima, lauta supellex, & pretiosissima instrumenta mathematica nec non typographia, quam domi suæ habebat, conflagrarent, periere simul omnia fere exemplaria librorum ab ipso propriis sumtibus editorum, quæ nondum ad externos evolaverant. Hinc tantorum raritas: præsertim vero secundæ partis Machinæ Coelestis, quæ eo ipso anno vix prælo exierat, ut adeo paucissima ejus exempla hodie supersint. Ipsius (c) Hevelii verbis magnam illam jacturam, quam eo incendio non tam ille, quam orbis eruditus passus est, edisseremus: *Quod maxime dolendum, omnia fere in universum exemplaria omnium operum, quæ nondum distracta ad annum*

(b) Vid. Thomæ Bartholini Dissert. de Bibliothecæ incendio ad filios, quam in nostris terris luci reddidit publicæ Andreas Westphal. qui in præfatione recentiora combustarum Bibliothecarum exempla exhibet.

(c) Ex ejus ad virum quendam illustrem epistola, quam vide in *Verzeichnus rarer Bücher.* p. 107. sq.

num usque 1679. Mens. Sept. fuere, ferali incendio prorsus absumta sunt, adeo ut de parte II. *Machine Cœlestis*, eo ipso anno edita, nonnisi duo exemplaria mihi remanserint amicis concedenda; nec ullibi aliquod exemplar, quod sciam, venale invenies: siquidem Bibliopola vix quinque exemplaria a me acceperunt, unde nulla plane extant exemplaria de Parte sc. *Machine Cœlest. II.* quam quæ in Gallia, Anglia, Polonia & Germania, & quæ hic Gedani amicis dono dederam. Profecto credas mihi, me solum ex illis libris meis sumptibus a me editis ultra 15000. Imperial. jacturam fecisse.—

—Opera mea hætenus edita nullibi, quantum sciam, venalia invenies. Nam paucissima illa exemplaria, quæ apud Bibliopolas Francofurti, Lipsiæ ac Amsterodami hætenus habui, meo petito huc Dantiscum remissa sunt, sic ut hic Gedani acquirenda sint, sed majori pretio, ut facile colligitur, quam olim: quandoquidem nonnisi unum aut alterum exemplar *Sele-nographiæ*, *Cometographiæ*, *Machine Cœlestis Part. I.* reliquorumque operum tantum adhuc adest: at vero de Parte II. *Machine Cœl.* nonnisi adhuc duo, ut dixi, mihi sunt residua.

In tristissimo illo Londinensi incendio A. 1666. maxima quoque librorum copia in fumum abiit, interque eos tricena Ed-mundi

mundi Castelli Lexici Heptaglotti exemplaria, prout ipse in Epistola dedicatitia ad Carolum II. Angliæ Regem testatur : nec non pleraque Novi Testamenti Hebraici, quod ex versione Eliæ Hutteri, sed emendatum Guil. Robertson Londini A. 1661. in 8. publicaverat, exemplaria (d).

Omnes editiones *Operum Baptiste Mantuani* junctim vulgatorum rarius obviæ sunt, sed omnium rarissima est *Antwerpiensis* Anno 1576. in 8. quatuor voluminibus constans, quam Bibliotheca publica Memmingensis possidet. Vixdum vere ista lucem adspexerat, cum ejusdem anni autumnus urbis incendio magna ejus pars periit, teste Christiano Daumio, Viro in his rebus oculatissimo (e).

De *Sanderi Chorographia Sacra Brabantia* Eruditissimi Actorum Eruditorum (f) Collectores hæc memorant : *Inter rarissimus utique libros hactenus numerata est Antonii Sanderi, Presbyteri, Chorographia Sacra Bra-*

(d) Le Long. in Biblioth. S. T. I. f. 81.

(e) Vid. ejus Epistolas Philologico - Criticas, ad Bosium, Gebhardum & Hanckium scriptas, quas edit J. A. Gleichius, p. 143. & Dan. Franci Disquis. de Indic. Prohib. Expurg. p. 174.

(f) Ann. 1724. p. 376.

Brabantia duobus in fol. Voluminibus divisa, quæ, cum exempla ejus prope omnia (vix enim octo servata ajunt) cum tabulis aeneis, injectæ Bruxellis igne, conflagraverint, 300. vel. 400. florenis hætenus æstimata est. Laudandum ergo Bibliopola Hagienfis Christiani van Lom institutum, qui librum recudere, & non tantum 21. tabulis, sed & tractatu Descriptio cœnobii Augustinianorum Antwerpiæ augere constituit.

Lic. Stockfletii, Superintend. Munchbergensis Bibliothecam, 18000. libros complectentem A. 1701. misere per flammæ absumtam fuisse refert Andreas Westphalus (g). Eo incendio simul pleraque exemplaria tractatus, contra Jo. Jac. Steinhofæ hoc titulo editi, *Virga pastoralis ad exactoris confractam vigilans*, periisse ex B. Georgii Serpili Epitaphiis Theologorum Suevorum p. 61. colligo.

Bibliorum Suecicorum cum privilegio Christinæ Reginæ Lugduni apud Jacobum Marci A. 1637. in 8. excusorum, omnia exemplaria in naufragio periisse dicuntur (b).

Nun-

(g) In præfatione, Th. Bartholini Diss. supra laudatæ præmissa.

(b) Le Long. Bibl. S. T. I. f. 418.

Nunquam nisi cum summa animi delectatione in publica Memmingensi Bibliotheca inspicio ac perlustro *Biblia Regia vel Polyglotta Antwerpiensis*, typis Plantinianis, Philippi II. Hispan. Regis, ac studio Bened. Ariæ Montani aliorumque præstantissimorum Virorum 8. voluminibus charta Augusta edita An. 1569. & seq. Magnificum hoc opus, orbis miraculum a nonnullis olim teste Briano Waltono (i) dictum, itidem quondam mare iratum expertum est: magnam enim ejus exemplarium partem, dum in Hispaniam vehenda essent, absorpta a tempestatum vehementia navi in aquis periisse, ex Mallinkroto jam monuit Clar. Wendlerus (k). Hinc Sebastianus Tegnagelius suo tempore id trecentorum florenorum pretio venundatum esse refert in libello supplici, S. C. Majestati oblato, quo Coraducianæ Bibliothecæ comparisonem suadet (l). Initio centum thaleris veniisse, scribit Mich. Neander (m), Scaliger autem quadraginta duplionibus (pistoles), qui quingenta

(i) In Apparatu Biblico, edit. Tigur. f. 265.

(k) In Diss. de variis raritatis librorum causis. §. X.

(l) Vjd. Barth. Christ. Richardi Histor. Biblioth. Cæsareæ Vindobon. p. 84.

(m) In Orbis terræ Descriptione B. 5.

genta exemplaria fuisse excusa memorat (n).

Sed & aliam fata invenere viam, qua perderent *Auberii Historiam Augustodunensem*: auctore enim post coeptam editionem defuncto, eius folia dissipata, unumque tantum exemplar Augustoduni repertum & ad se transmissum fuisse narrat Bernardus Montfauconius (†), librum hunc prorsus ignotum propterea esse scribens.

9.

Libri, quorum plurima exempla in regiones exteras avehuntur.

EX eo insuper librorum raritatem oriri quilibet facile perspicit, si, qui apud nos prælo subjiciuntur, maximam partem in regiones exteras avehuntur. *Novum Testamentum Syriacum*, Ferdinandi Roman. Imperatoris Gloriosissimi jussu & liberalitate, cura & vigiliis Jo. Alberti *Widmanstadii*, Nellinga - Ulmenfis, summi Sueviæ nostræ ornamenti, sub Ferdinando Cancellarii Austriae Orientalis, Mose Meridinao ex Me-

Tom. II. Cc fopo-

(n) In Scaligeranis. p. 8.

(†) In Antiquit. explanatione & schematibus illustrat. Tom. III, Part. I. fol. 50. edit. secundæ.

ſopotamia Sacerdote multam operam & ſtudioſum navante, Viennæ Auſtriæ duobus voluminibus in 4. nitidiſſime A. 1562. editum, rarius obſivium eſt, quod multa ejus exempla in Orientem abducta ſint. Hoc primum opus eſt, characteribus Syriacis in Europa expreſſum, quos ex Norici ferri acie ſculpiſit Caſpar Craphtus, Elvangelſis Suevus. Exempla, uti refert Andreas Mullerus Greiffenhagius (o), hujus codicis mille facta ſunt: atque ex iis 500. Ferdinandus Imp. ad ſe recepit, 300. duobus Patriarchis, Antiocheno & Maronitæ, deſtinavit, Moſen vero Mardenum cum 200. exemplis dimiſit.

Huc quoque referenda ſunt *quatuor Evangelia Arabice & Latine* a Joh. Baptiſta Raymundo edita (p), nec non *Biblia Arabica* Romæ 3. volum. in fol. Anno 1671. typis Congregationis de propaganda fide (q), *Novum item Teſtamentum Æthiopicum* cura Fr. Petri Æthiopis Romæ in 4. A. 1548. (r), Idem quoque *Turcice* opera Guil. Seaman red-

(o) Citatus a Viro longe Celeberrimo C. F. Boernero in additam. ad Jac. le Long. Biblioth. S. T. L. fol. 104.

(p) Le Long. l. c. f. 4. (q) Ibid. f. 124.

(r) Ibid. f. 131.

redditum in 4. Oxoniæ A. 1666. (s), Bibliaque tum integra alia, tum Novi Fœderis libri in exterarum gentium usum typis expressi.

Ex eadem ratione rariores esse judico libros, per Primum Truberum, Antonium Dalmatam & Stephanum Consulem Histriæ, Tubingæ olim Sorabico seu Venedico, & Croatico sermone, characteribus partim Latinis, partim Cyrulicis, partim Glagolicis editos (†). Aliquot istiusmodi volumina

Cc 2

(v. g.

(s) Ibid. f. 136.

(†) Postillæ certe Lutheri, in Slavonicum idioma translatae, exemplaria pleraque omnia, 21. magnis doliis inclusa, per Hieronymum Megiserum, illustris Scholæ Clagenfurtensis eo tempore Rectorem, Labacum curata esse Liber Baro Jo. Weichard Valvasor in topographico - historica descriptione Ducatus Carinthiæ (Ehre des Herzogthums Krain) Tom. II. f. 346. & 461. refert. Ex eodem etiam illius generis libros publica autoritate suppressos fuisse didici. Verba Hermanni Fabronii Mosemanni, ab eo citata fol. 346. huc apponere non piget. Hans Ungnad Freyherr zu Sonek in Crabaten hat zur Zeit der Augsbургischen Confession die Bibel und andere Evangelische Bücher zu Aurach im Lande zu Wirtemberg in die Windische Sprache vertiren lassen. Dazu er drey Windische Gelehrten gebraucht. Einer hieß Primus Truber, der andere Ant. Dalmata, der dritte Stephanus Consul. Aber die Bücher wurden unterwegs aufgehalten, und stehen noch in Fässern zur

(v. g. Confessionem Augustanam cum ejus Apologia, Philippi Melanchthonis Locos Communes, Lutheri Postillam, ejusdem Catechismum, Novum Testamentum &c.) ipsorum auctorum dono possidet Bibliotheca nostra publica, cujus eo libentius crebram facio mentionem, quo plures jam ex ea in mea qualiacunque studia redundarunt fructus, ampliores nunc futuri, postquam gratiosa Incltyti nostri Magistratus benevolentia ejus curam mihi commisit.

Huc referendi quoque sunt libri in usum Græcorum Venetiis prælo subjecti: e. g. Matthæus καὶ ἐξοχην Chronographus dictus, Scuphi Corcyrensis Rhetorica, Catechismus idiomate Græco vulgari, aliaque opera, ab Alex. Helladio in libro de statu præsentis Ecclesiæ Græcæ p. 6. sqq. enumerata. Plura etiam hujus generis scripta studiose recensuit Guil.

zur Neustadt in Oesterreich eingeschlagen. Der Buchstab ist gar besonder, gleichsam als eine Asiatische Schrift, oder Syrer, mit etwas grossen und ecketen Buchstaben. Wer es begehrt, kan der Bücher auch zu Cassel in Fürstlicher Bibliothec zu sehen bekommen. So seynd auch einzele Exemplaria ins Windische Land gekommen, und bey den Evangelischen Landherren zu finden. Imo ipse Perillustris Valvasor f. 463. libros istiusmodi Lutheranos maximam partem vel publica cura suppressos vel omnino combustos fuisse docet.

Guil. Cave in peculiari Dissertatione de Libris & Officiis Ecclesiasticis Græcorum, quæ ejus Scriptorum Ecclesiast. Historiæ Liter. Parti II. annexa est.

10.

Libelli minutiores.

Opuscula breviora ac paucarum plagularum facile se oculis nostris subtrahunt, cum vel negligentur, vel ob pretii exilitatem avidissime coëmantur. Nonnunquam istiusmodi libelli, mole parvi, rerum gravitate magni, edecumatam eruditionem spirant, digni sæpe, qui amplissimis præferantur voluminibus, quorum moles non raro ex quisquiliis raptim undique confarcinatis in tantum excrevit. Hinc Gabriel Naudæus (t), cujus judicio multum tribuendum esse censeo, graviter in eos invehitur, qui minutiora scripta, ob exilitatem duntaxat, abjiciunt & spernunt: *Verum est illud Thomæ Aquinatis dictærum: Nusquam ars magis, quam in minimis tota est; nec vana sunt, quæ Cornelius Gallus de suis exiguis elegiis sibi promittere solebat:*

Cc 3

Nec

(t) In Diff. de instruenda Bibliotheca p. 102. Collect. Schmid. II.

*Nec minus est nobis per pauca volumina
fama,*

*Quam quos nulla satis bibliotheca capit.
Quod vero in hoc casu me adhuc magis in ad-
mirationem rapit, illud est, quod hoc hominum
genus negligere non erubescit monumenta &
opuscula quorundam auctorum, sparsim & se-
paratim edita, quorum paulo post desiderio fla-
grat ardentissimo, quam primum in unum ali-
quod volumen congesta fuerunt. Ita videbis
negligi, exempli causa, orationes Jacobi Cri-
toni, quia non reperiuntur, nisi frustratim im-
presse, ab his ipsis, qui tamen in sua bibliotheca
habent orationes Raymundi, Gallutii, Nigro-
nii, Bencii, Perpiniani & aliorum auctorum
quam plurimas, non quia sunt meliores, aut
mellito eloquentiae flumine largius tincta, quam
scheda memoratae illius doctissimi Scoti, sed
quoniam certis voluminibus incluse sunt. Me-
hercule! si omnes libri minusculi prateriundi
essent, quid fieret de opusculis S. Augustini,
moralibus Plutarchi, libris Galeni? nec ma-
xima pars in censum veniret scriptorum Erasmi,
Lipsii, Turnebi, Mizaldi, Sylvii, Calcagnini,
Francisci Pici, & multorum similium auctorum
— Quin res ipsa loquitur, infinitas dari ma-
terias, quae non nisi in ejusmodi libellis tractatae
reperiuntur: de quibus optimo jure dice posse
vide*

videtur, quod Virgilius laudavit in apibus :

Ingentes animos angusto in corpore versant.
 Propterea autor sum, ut conquirantur in omnibus tabernis, & undecunque protrabantur in lucem, quoties se offerunt. Hæc licet prolixiora ob elegantiam adscribere libuit. Subito interdum oculis nostris subducuntur ejus generis libelli, ut eorum nec amplius vestigium appareat, nec ulla sollicitudine investigari rursus possint. *Geometriam Empiricam* Joachimi Jungii, Gymnasii olim Hambugensis Rectoris, Hambugi 1649. in 4. editam, ut mole parvam, sic ordine ac soliditate magni æstimandam vocat, & Germanice versam esse, inque Electoris Hannoverani Bibliotheca, & quod sciat, nusquam alias amplius extare, exemplaribus reliquis abolitis, quo fato nesciens refert Vinc. Placcius (u).

De Latini Donii opusculis ita Janus Nicius Erythræus (x) : *Multa edidit tum Latinis tum Etruscis versibus scripta pure, dilucide, docte eleganterque, nullisque sententiarum ineptiis claudicantia, quæ dispersa ac dissipata vix inveniuntur; quodsi amici vel eruditi cujuspiam opera collecta & in unum volumen illi-*

Cc 4

gata

(u) Placc. Theatr. Anon. f. 330.

(x) Pinacoth. I. p. 117.

gata conspicerentur unita atque composita quam sejuncta atque disjuncta validius atque robustius temporis injuriis obsisterent, & longius in ævum nominis illius famam propagarent.

De Pompejo Ugonio Prosper Mandosius in Bibliotheca Romana (y) : *Habuit orationes egregies in sacello pontificio, in Gymnasio Romano, aliisque publicis in locis, quæ vagæ atque dispersæ impressæ circumferuntur: utinam, uti putabat Janus Nicius Erythraeus, in volumen redactæ fuissent!* Scilicet hac ratione tantum conservantur, & ad posteros propagantur libelli mole exigui, qui, nisi in unam cogantur fascem, paucorum subeunt oculos, atque facillime conspectui se nostro subtrahunt. Idem Mandosius passim istiusmodi opusculorum meminit (z), quorum apud nos ne vola quidem atque vestigium extat.

Quid rarius hodie est plerisque Ulrici Hutteni, equitis literatissimi (a), Joannis Frischmanni (b), aliorumque libellis? quorum si recensitionem a me expectas,

Oceani

(y) Centur. III. p. 169. Hanc Bibliothecam Celeb. Joh. Henr. von Seelen in Orat. de Præcocibus Erudit. p. 30. librum rarissimum vocat.

(z) v. g. Cent. III. p. 185. Cent. V. p. 287. 341. &c.

(a) De Hutteni scriptis curate & erudite agit Burcardus in Comment. de ejus vita & meritis.

(b) De hujus scriptis, minus in vulgus notis, vid. Placcii Theatr. Anonym. f. 297. sq.

Oceani fluctus me numerare jubes,
 Et maris Ægei sparsas per littora conchas,
 Et quæ Cecropio monte vagantur apes,
 Unius adhuc mentionem facere juvat.

Petri Pauli Vergerii, cujus opuscula rarissime sunt obvia. De eo hæc habet Petrus Bailius (c) : *Il ne faisoit guere que de petits livres, qu'on pouvoit faire courir aisement par toute l'Europe, & il choisissoit des matieres susceptibles d'un certain tour qui se fait sentir au peuple tres vivement. Et deinde: Je suis sur, qu'en ce tems-la il se faisoit peu de livres, qui fussent lus avec plus d'avidité que les Ecrits de Vergerio. Ils étoient fort satiriques, ils contenoient cent particularitez personnelles, que l'on prenoit aisement pour véritables, parce qu'on sçavoit qu'il avoit pu s'en instruire a fond, aiant été si long-tems dans les emplois de la Cour de Rome. Cependant ces Ouvrages, si estimez dans leur nouveauté, ne purent se soutenir. Ce furent des favoris dont la fortune ne dura guere: ils perdurent promptement tout leur credit, & on les a negligez de telle sorte qu'il n'y a guere de Livres si mal aisez a trouver. On ne rencontre presque aucun Ouvrage de Vergerio dans le Catalogue*

Cc 5

des

(c) In Diction. Hist. Crit. artic. P. P. Vergerius not. F. fol. 2805. sq.

des plus nombreuses Bibliothèques. Ce fut en vain qu'il fit faire une Edition de ses Oeuvres à Tubingel' an. 1563. Tant de petits livres réduits en un corps ne se sont pas moins perdus que si on les eût laissez dans leur dispersion. Il n'en fit guere pour lesquels je me sente plus de curiosité ; que pour sa Critique de Leandre Alberti, & des Letters de Claude Ptolomée. Huic raritatis causæ, qua libros minutiores ob pretii molisque exilitatem facillime disparere dixi, adjungo aliam, ipsi e diametro adversam, nimiam scilicet quorundam librorum vastitatem. Seculum præsertim XV. ferax fuit grandium ejuscemodi voluminum, in folio foliissimo, uti facete appellat elegantissimus Ægidius Menagius (d), excusorum, sæpiuscule nonnisi rudi indigestaque mole spectabilium, qualia non pauca ostentant Bibliothecæ publicæ, cum primis a monachis olim extractæ. Haud facile hujus commatis libri recuduntur, nec a multis ob pretii & molis magnitudinem comparari queunt. Exemplis heic allegandis sciens supersedeo, cum in abundanti eorum copia unde exordium finemque faciam ignorem.

II. Li-

(d) In Menagianis. Part. I. p. 169.

II.

Libri apud externos excusi.

RArius etiam apud nos comparere solent libri, in oris, a nobis remotioribus, typis exscripti, quibuscum nostratibus bibliopolis haud adeo frequens intercedit commercium. Paucissimi forsitan viderunt Meletii Patriarchæ Alexandrini Epistolas ad diversas Græcorum Ecclesias, Jassii in Moldavia impressas, quibus Georgii Coreſii Chienſis Disputatio de processione Spiritus S. Nili Archiepiscopi Theſſalonicenſis Libro duo, totidemque Barlaami, & quinque Gabrielis Seberi Monembacenſis, Episcopi Philadelphię, de differentiis inter Latinam & Græcam Ecclesiam acceſſerunt (e). Idem quoque dicendum de libris in Wallachia excusis, v. g. Neſtarii Patriarchæ operibus, Sabſti de immaculata conceptione B. Virginis, ac de Eucharistia libris, ejusdemque εορολογιω, Jo. Comneni Itinerario Sancti Montis sive Athonis, aliisque, quos Alexander Helladius, Larissa Theſſalonicenſis, enar-

(e) Vid. Alex. Helladii Statum præſentem Ecclesiæ Græcæ. p. 9.

enarrat (f). Jobi librum in lingua sancta & Romanica seu Barbaro-Græca charactere Hebræo ex versione R. Mosis F. Eliæ Pobian cum ejus præfatione A. 1576. in quarti ordinis forma editum, rarissimum vocat Jac. le Long (g), quia nimirum Constantino-
poli prodiit. Idem libelli etiam Tobie editionem Hebraicam, eadem in urbe A. 1517. in 4. curatam rarissimam nominat (b). Rarius præterea ad nos deportantur opera, in Hispania luci publicæ exposita. Hinc Biblia Hebraica & Latina ex versione Ariæ Montani, cujus quoque de varia librorum Hebræorum scriptione & lectione, & de versionis Pagninianæ defensione ibi adjecta est commentatio, in Burgo Aracennensi in Hispania An. 1581. in fol. excusa (i), rariora sunt. De Antonii Augustini libris Godof. Tilgnerus (k): *Elegantissima pariter & rarissima sunt omnia docti hujus viri*

(f) l. c. p. 11. sqq.

(g) In Biblioth. S. f. 79. (b) Ibid. fol. 80.

(i) Vid. le Long. in Biblioth. S. T. I. f. 66.

(k) In Nova Librorum rariorum Conlezione. Fascic. IV. p. 721. seq. In hujus Fasciculi præfatione Tilgnerus justo opere aliquando de libris rarioribus se commentaturum esse promisit, verum infelici fato præventus polliciti fidem præstare haud potuit.

*viri scripta, quæ inter anxius aliquamdiu qua-
sui Commentarium de Nominibus Pandecta-
rum propriis, inque eo indagando nullum non
lapidem movi. Sed, quæ est nostra infelicitas,
irrito huc usque conatu. Utinam vero esset
tandem aliquando vir eruditus, qui accuratio-
rem libri cari usque adeo & rari notitiam sive
mecum privatim, sive cum literatis universis
publice communicare non gravaretur. Hunc
commentarium Tarracone A. MDLXXIX.
impressum sua opera pervenisse ad amplif-
simum virum Cornelium van Bynkershoek,
atque hujus beneficio propediem in Germa-
nia post novam Corporis Juris editionem
recusum iri scribit Celeberr. Henricus Brenc-
mannus (l), qui & alius libri perrari
ejusdem autoris his verbis (m) meminit:
*Rarissimus est, & ejus rei causa cum manu-
scripto propemodum equiparandus, Bibliotheca
Antonii Augustini librorum manuscriptorum in-
dex, Tarracone MDLXXXVI. forma, quam
vocant in quarto. In eo, si recte memini,
perpendit usum & autoritatem illorum libro-
rum, in quibus adeo & eorum, qui ad jus
civi-**

(l) In Historia Pandectarum Florentia. p. 346.

(m) Ibid. p. 349.

civile spectant. Vidi, nec usquam alibi videre contigit, in magnificentissima Barberinorum bibliotheca, ad quam mihi quotidianus & familiaris accessus ab Eminentissimo illius possessore perhumaniter concedebantur. Ipsam vero bibliothecam suam, omni librorum & antiquitatum genere instructam, Augustinus Philippo Hispaniarum Regi, eam adfectanti, testamento fertur reliquisse. Quot quæso libros, in Hispania typis exscriptos, memorat Gerhardus Ernestus de Frankenau, Eques Danus, cum in Sacrae Themidis Hispanæ Arcanis, Lipsiæ A. 1704. vulgatis, tum in Bibliotheca Hispanica Genealogico - Heraldica, ibidem A. 1724. in 4. excusa, qui apud nos vel perraro, vel nusquam comparent? Ne quid jam dicam de innumeris Hispanorum operibus, quorum mentionem instituit præter Andr. Schottum Nicolaus Antonius in Bibliotheca Hispanica, quem, ut alia silentio transeam, scriptores centum & sexaginta, solos Hispanos, qui de immaculata conceptione Mariæ virginis aliquid ediderunt, memorare observavit J. H. von Seelen in Paralipomenis de præcocius eruditis p. 75.

Idem etiam de scriptis in Lusitania impressis pronunciandum est. Pentateuchum
He-

Hebraicum cum punctis in folio Ulyssipone A. 1491. editum propterea rarissimum vocat Jacobus le Long (n). Multorum, qui in Lusitania prodierunt, librorum, paucissimis in Germania cognitorum notitiam debemus erudito auctori novissimi Status Regni Lusitanici (o), Halæ Magdeburgicæ A. 1714. in forma octipertita luci publicæ expositi.

Pariter operum, quæ Anglia atque Italia parit, pauca plerumque ad nos deportantur exempla.

12.

Libri neglecti.

Quod vero præterea non pauci libri adeo rarenter conspiciantur, hominum incuriæ & neglectui adscribendum esse judico. Contemnuntur quandoque, abjiciuntur, mercibusque involvendis destinantur ob styli ruditatem & alias causas opera non prorsus inepta, quorum deinde copia vix ulla indagandi sollicitudine haberi potest. Graviter de hoc in Dissertatione bonæ frugis plenissima de instruenda Bibliotheca (p) Ga-

(n) In Bibl. S. T. I. f. 72. (o) Cap. XIX.

(p) p. 106. Collect. Schmid. II.

Gabriel Naudæus conqueritur, ibique inter cætera: *Quid juvat, ait, quod Scaliger & Cardanus, duo luminaria magna superioris seculi, in hoc solo puncto collineant, dum uterque in laudibus Richardi Suisseti occupatus est, cui cognomen calculatoris datum erat, quique ante trecentos circiter annos adhuc in vivis agebat? In cælum prope hunc extollunt duumviri modo nominati, & incomparabilem pronunciant: interim scripta ejus nullibi reperiuntur, ne quidem in celeberrimis & instructissimis bibliothecis! Aut quanam vestigia restant sectatoribus Occami, Nominalium principis, ex quibus spem concipere illis liceat, se aliquando visuros ejus opera, nec in æternum ea desideraturos? quando magnus ille Avicenna (q) resurget, & omnes philosophos conspectu suo solabitur? certe parum judicii asferre mihi videntur ad delectum & cognitionem librorum, qui tales autores insuper habent, quorum gratia omnes anguli perreptandi essent, omnes foruli excutiendi, vel ob ipsam hanc raritatem suam; quid quod in posterum manuscriptorum loco nobis esse poterunt, quia spes omnis ferme decollavit, eos unquam sub prælo recusum iri,*

Ver.

(q) Opera Occami Lugduni A. 1495. edita, nec non Avicennæ, ex Latina scilicet versione, Bibliotheca publica Memmingensis possidet.

Versiones Bibliorum Germanicas ante Lutherum publicatas ex hac potissimum causa rarius jam inveniri autumo, quod nitidioribus & præstantioribus Megalandri nostri aliorumque succedentibus subhorridæ illæ & incultæ spretæ ac abjectæ fuerint. Vel ob id tamen quovis studio colligi & asservari merentur, ut exin conjicere possimus, quantum debeamus B. Luthero, qui nobis oracula divina eleganti & concinna oratione exposuit, atque ex ipsis sacris fontibus labore plane Herculeo sua hausit, cum plerique omnes, qui ipsum antecesserunt, fontibus posthabitis, vulgatum præcipue interpretem, quem tamen ipsum sæpius haud affecti sunt, transferendum sibi sumserint.

Ipsas etiam primas editiones versionis Biblicæ, a Luthero factæ, negligentia hominum rariores effecit. Nunc vero agnoscunt eruditi & æqui rerum æstimatores, prima illa beati viri tentamina in opere Biblico Germanice edendo dignissima esse, quæ cimeliorum loco habeantur. Sensim sensimque is translationem suam immutavit, correxit, ac nitidiori sermonis genere expressit. Non tamen diffiteor, priores interdum ejus cogitationes posterioribus præ-

ferendas mihi videri. Res profecto delectationis plena magnique usus est, primas illas versiones cum ea, qualis hodie typis exscribitur, subinde conferre: Sæpenumero illis, quibus perjucunda isthac exercitatione animum pascere licet, quæpiam, meditatione penitiori digna, subministratum iri expertus spondeo. Perutilis meo quidem judicio labor foret, si quis Bibliophilus novam nobis daret versionis Lutheri Germanicæ editionem, ita instructam, ut textum ad editionem A. 1546. curate expressum, simulque varietates e Bibliis vernaculo sermone vivo adhucdum Luthero excusis collectas, quæ nonnullius momenti esse viderentur, sedulo exhiberet. Magnum certe ex ea re fructum laturi essent sacræ exegetes studiosi. Rarissima præsertim est, quam ad manus habeo, prima Psalterii, ab eo Germanice redditi editio, quæ A. 1524. in 8. lucem vidit. De hac Jo. Fridericus Majerus, Theologus olim Gryphswaldensis (r): *Dolendum non minus, quam mirandum est, prioris illius interpretationis exempla omnia pene evanuisse, & incuria majorum nostrorum*

(r) In Historia Versionis Lutheri p. 11.

strorum ferme intercidiſſe, & amiſſam eſſe illam, quam Lutherus — retineri optat, verſionem. Quare non paucorum deſiderio commo- diſque gratificaturus erat B. Franzius, qui ejusdem verſionis legenda cupidine ſe quoque non mediocriter flagraſſe teſtatus eſt *Libr. de Interpr. Script.* p. 34. ſi, poſtquam exemplum ejus ab amico naſtus fuit, ut ipſe in *praef. illius Libri* p. 53. refert, eandem, quod facere decreverat, recudi curaſſet. Quod vero a ſummo illo Theologo ob alia negotia, vel neſcio quibus impedimentis fuit pratermiſſum, proxima ut ſpero occaſione a me opportune fiet, exemplo illius primæ verſionis *Pſalterii Germanica*, gratioſe mihi conſeſſo ex theſauro Sere- niſſimi Brunſvicenſium Ducis Rudolphi Auguſti. Recuſa autem nunc eſt illa in novo operum Lutheri Tomo Halenſi, Ebraiſmi ſervantior, atque ab iſta Germanico idiomatici accom- modationi, quæ in Bibliis noſtris hodie le- gitur, multum diſtans. His diebus bonis avibus naſtus ſum exemplum Novi Teſta- menti, per Henricum Stayner Auguſtæ Vindelicorum An. 1535. duobus volumi- nibus octavi ordinis in membrana ex- preſſum, quod mihi longe gratiſſimum eſt. Cæterum pleniorẽ aliquando Bibliorum Germanicorum notitiã nobis dabit Vener.

J. M. Krafftius in Historia versionis Bibliorum Germanicæ, cujus jam An. 1714. & 1716. Prodigium edidit, ex quo eruditum orbem ab ipso in hac re omnia egregia & consummata expectare posse patet.

Philippi Melanchthonis Loci communerum theologicarum seu Hypotyposes theologicæ quoad primam editionem Wittebergensem An. MDXXI. ferme majorum nostrorum incuria perierunt. Novæ scilicet editiones multum ab ea diversæ prioris induxerant oblivionem. Nunc autem beneficio Viri celeberr. Hermanni von der Hardt rarissimo hoc Philippi monumento rursus gaudet orbis literatus: integrum enim illud inseruit, sicut & plura rariora Dorpii, Reuchlini aliorumque hætenus neglecta & prope deperdita opuscula, Historiæ literariæ Reformationis Part. IV. fol. 30. sqq.

Pauca adhuc ex plurimis, ne nimii sumus, librorum neglectorum exempla proferamus in medium. De nonnullis Jo. Boccacii operibus Paulus Jovius (s): *Obsolescunt & agre quidem vita spiritum retinent Libri de Genealogia Deorum, varietateque fortune, & de fontibus accurate potius quam feli.*

(s) In Elog. Cap. VI. p. 23. cit. Bailio in Diction. artic. Boccace, not. (1) f. 576.

feliciter elaborati, quando jam illæ decem dierum fabulæ, Mileſiarum imitatione in gratiam oblectandi otii admirabili jucunditate compoſitæ in omnium nationum linguas adoptentur, & ſine ulla ſuſpicionẽ interitus, applaudente populo, cunctorum operum gratiam antecendant. Biblia Anglica, quæ vocant, Episcopalia, nova verſione auſpiciis Regis Jacobi I. in eorum locum ſuccedente, omnino exoleviſſe, adeo ut rariffime & fere non niſi in inſtructiore aliqua bibliotheca conſpiciantur, ex Arnolſdo Bootio refert le Long (t).

Minime miror, Biblia Hebraica alioſque libros eo ſermone ſeculo XV. & circa initium XVI. divulgatos tam raro nunc reperiſſi. Cum enim illo tempore pauciſſimi e Chriſtianis eam callerent linguam, nemoque fere eſſet, qui vel prima ſaltem ejus noſſet elementa, non potuere non hujusmodi libri contemni, & tanquam inutiles rejici, qui nunc ipſa raritate rariores maximo æſtimantur pretio. Solis tum Judæis relinquebantur iſta cimelia. Digna ſunt, quæ heic recitentur verba Melchioris Adami (u) : *Eodem anno (1499.) providentia*

D d 3

Dei

(t) In Bibl. S. f. 432.

(u) In Vitis Germanorum Theologorum. p. 269. edit. Francof. 1653. in 8.

Dei bibliopola Tubingensis attulit Biblia Hebraica integra, minima forma impressa Pisauri in Italia, quæ nemo curabat. Pellicanus id audiens rogavit virum, sineret opus aliquot diebus inspicere: concessit librarius, dicens florenocum dimidio posse emi. Audito tam parvo posse comparari, exultavit Pellicanus: adiit suum Gardianum Paulum, orans, pro se fidejuberet. Quod ubi fecisset, Croesi divitias se adeptum putavit, statimque Spiram ad avunculum scripsit, orans, ut duorum florenorum munere vel eleemosyna dignaretur, quibus pro libris comparandis pauper egeret. Statim misit ea conditione, ne se emacem ad alienam crumenam exhiberet. Quæ igitur tunc vili adeo pretio comparari poterant, neglecta olim atque nauci habita, jam ipso cariora sunt auro, & ubique fere frustra quærentur. Hinc Jo. Buxtorfius (x), felix alias librorum Hebraicorum venator semel tantum ejusmodi exemplar apud Judæos se vidisse testatur. Ipsum vero illud, quod Conradi Pellicani fuit, nunc in Bibliotheca Carolina Tiguri extare observat le Long (y). Quamquam & propterea rariores jam sunt hujus generis

(x) In Biblioth. Rabbin. p. 268.

(y) In Biblioth. S. T. I. p. 61.

generis libri, quod suis potissimum usibus eos destinaverant Judæi, sibi que solis reservare, & in omnes orbis partes ad suos transmittere studuerant: quod ob Christianorum incuriam facillime fieri poterat. Audiamus hac de re Hermannum von der Hardt (2): *Judæi quidem in Italia, Soncini Pisauri, Venetiis ausi pro suis privatis usibus uti maturius typographia beneficio ad describendos codices Hebræos sacros, ipsorum peculium, in 4. & folio, minorique forma. Soncinates, Pisaurenses Judæi, qui & Bombergii officinam Christianam Venetam in subsidium suum vocarunt, præiverunt omnino Christianis codicis Hebræi editione. Ferri poterat illud Judæorum studium, quia tota res Judæorum ferebatur. Typographia Judæorum calere poterant impune edendis Hebræis codicibus aque ac Rabbiorum scriptis & commentariis, quorum tunc non parva seges prodiit, citra ullum adhuc Christianorum usum. Solis omnia Judæis. Nec nisi recte & parcissime horum quicquam in manus venit Christianorum. — Italicarum illarum editionum Hebræicarum nullum adhuc circa annum 1512. apud Germanos usum subnotavit querulo ore Reuchlinus A. 1512. in præfatione in Psalmos pœnitentiales.*

Dd 4

Quæ

(2) In Memoria seculari Ximenii. p. 45.

Quæ olim excusa fuere opera Barbaro-Græca, cum nemo propemodum in nostris oris ejus dialecti cognitione polleret, insuper habita, nunc in instructissimis etiam Bibliothecis desiderantur. Exempli causa hic duo duntaxat nomino: Leonardi Fortii Romani, Comitum Palatini, libellum de re militari & variis instrumentis bellicis, quorum expressæ sunt imagines, metris conscriptum in vulgari lingua Græca, qui Venetiis ad insigne Sirenis A. 1531. in 8. luci expositus fuit: & Petri Borranæ coronam pretiosam, ubi e regione ponuntur vocabula Latina, Italica, Græca vetera & Græca, quorum hodie usus est, ibidem quondam impressam (a).

Negligi etiam a plerisque solent libri, istiusmodi res pertractantes, quarum notitiam curatiorem habere paucorum interest. Ne exemplum hic desideretur, rarius obvia esse annoto scripta illa, quibus invicem diglantur ordinis S. Spiritus Fratres de primatu, quem alii domui Romanæ, alii Montis pessulanae vindicare satagunt. Paucorum
in

(a) Horum librorum meminit Michael Neander in Catalogo operum quorundam præcipuorum in variis linguis, Linguae Ebrææ Eromatibus Basileæ A. 1567. in 8. editis subjecto, p. 561. & 570.

in manibus ea versari, velexinde conjecturam facio, quia in Catalogo Historicorum Fresnojo-Menkeniano, alios historiae Monasticae auctores diligenter recensente, prorsus silentio praetermittuntur. En titulos quorundam mihi cognitorum, partim etiam visorum! 1. Liber de Ordine, militia & religione S. Spiritus, Gallico idiomate A. 1629. in lucem emissus. 2. Expostulatorius Libellus seu commentariolus digestus ad restitutionem ordinis Hospitalarii Sancti Spiritus, expressus e libro conscripto, & offerendo Regi sub hac epigraphe: Tabularis imago Ordinis & Militiae S. Spiritus, in qua permulta raritate ac novitate commendabilia inauditaque studiose fideliterque investigata ad honorem Galliae & Coronae jura asserenda adnotantur: itidem Gallico sermone An. 1647. excusus, & secunda vice aliquot actis & autoritatibus auctior Tolosae typis Joan. Bonde A. 1648. 3. Bullarium ordinis militiae & Religionis S. Spiritus, Parisiis ex typographia Ludovici Serveti vico Mori A. 1630. 4. Fratris Petri Saulnier Galli in Archinosocomio Romano Sub-Prioris de Capite S. ordinis Sancti Spiritus Differtatio, in qua ortus, progressusque ordinis totius, ac speciatim Romanae Domus amplitudo,

Dd 5.

tudo, prærogativum jus, & œconomia differuntur, adjectis aliquot tabulis æneis. Lugduni apud Guilielmum Barbier Typographum regium An. MDCXLIX. in 4. 5. Diplomata pontificia & regia ordini regulari & hospitali S. Spiritus Monspeliensi concessa cum notis, paucis abhinc annis in fol. Parisiis edita.

Pariter scripta eristica in causa religionis reciprocatæ, controversiis illis tandem sopitis, negligi atque hinc rarefcere consuefcunt. Nunquam forte lis aliqua majori animorum commotione pluribusque vehementissimis libris antagonisticis agitata fuit, quam ea, quæ olim Flacio cum aliis Theologis de peccato originis intercessit: nunc vero plerumque sparsim duntaxat & raro inveniuntur scripta, hac de controversia magno olim numero vulgata.

Sed sunt insuper non pauca opera, in prisca ævi barbarie composita, quæ, amœniori literarum luce exoriente, ob ipsam suam insulfitatem in obscuros projecta angulos aliis melioribus locum cesserunt, Bibliothecarum, a monachis præcipue olim structarum, forulis, quos ea onerant potius quam ornant, merito literis majusculis

lis inscribendum esse censeo illud πολυθρῶν-
λητον :

*Nos quoque floruimus, sed flos
erat iste caducus.*

Nolo hic ineptissimorum hujus fursuris li-
brorum recensum instituere, nec tibi pariter
ac mihi gravis sim : verum saltem recitare
animus est non injucunda politissimi Erasmi
Roterodami verba, quibus in titulos barba-
rorum libris præfixos acute invehitur (*b*) :
Ita me Deus amet, ad vomitum usque nauseo,
quoties quorundam delicias & stultam gloriam
ex operum inscriptionibus colligo. Qui cum
nihil nisi meram barbariem evomuerint, audite
quæso, quam splendidis titulis suas nugas ador-
nent, ut facile intelligas, quam delicate simii
isti suos catulos adament. Alius quod somnia-
vit Gemmulam, alius Margaritam appellat :
hic Floretum, ille Rosetum inscripsit : at in me-
dio, o bone Deus, ut nihil nisi carduos & lo-
lium invenias. Est qui Speculum operi suo
nomen dedit, est qui omnium errorum sylvam
Catholicon ausus est appellare. Ineptius etiam
quidam Mammetrectum, velut haustum lactis
gallinacei pollicens. Sunt qui Summas & Sum-
marum

(*b*) In Antibarbarorum libro, Argentor. A. 1520.
in 8. edito, p. 73. numeris per me adjectis.

marum Summas appellent, quasi lectori non sit alius scriptor requirendus, ubi tales sit natus lacunas. — Quis non (ut est in proverbio) suspendio trabem eligat, ubi videt hujusmodi voluminibus refertas passim bibliothecas, perstrepere ludos? Ex his contexti coniectiones ecclesiasticas, ex his colligi dogmata, quibus gubernetur orbis: ex his nos censerī Christianos, aut secus?

Taceo alios libros, recentiori ætate publicatos, qui ob futilitatem suam neglecti, adque blattas & tineas amandati, rarius occurrunt, ac incogniti fere latent. De unico ejus commatis judicium appono Jo. Christiani Lib. Baronis de Boineburg, ita ad Jo. Conr. Dietericum (c) scribentis: *Poëmata Leonardi Werneri, qui inter viros obscuros principem obtinet locum, redde propediem; libri enim obscurorum virorum clarorum monumentis editisque voluminibus sunt rariores. Claros nemo non novit, Wernerum ejusque similes paucissimi nosse queunt.*

(c) In Epistolis a Rud. Mart. Meelführero Norimb. A. 1703. in 12. editis, p. 333.

Præstantiores & incorruptæ quorundam Librorum Editiones.

SUPRA notavimus, nonnullas variorum scriptorum editiones celebrium typographorum cura commendari: nunc instituti ratio efflagitat, ut moneamus, quasdam, quibus ipse autor vel editor se totum impendit easque præstantissimas reddidit, rariores esse & maximum iis constitui pretium. Omnium doctiorum facile illæ in se ipsa sua excellentia attrahunt animos, oculos manusque, & hinc quovis conquiruntur studio. Exemplo sint editiones Pandectarum castigatissimæ Gregorii Haloandri & Franc. Taurelli, quarum illa Norinbergæ A. MDXXIX. tribus voluminibus in forma quadripertita, hæc Florentiæ An. MDLIII. duobus tomis in folio, utraque ex Florentinis Pandectis repræsentata prodiit (*d*). Priorem suo jam tempore Jo. Saubertus (*e*)
ra-

(*d*) Ultramque curate & more suo erudite recensuit Henr. Brenemannus in *Histor. Pandect. Florent.* p. 325. seqq. & 350. seqq.

(*e*) In *Historia Bibliothecæ Reip. Noribergensis.* p. 87.

rarioribus Bibliothecæ Norinbergensis codicibus annumeravit, cujus verba hic appingere liceat: *Hoc peculiare videtur, quod omnium Bibliothecam adeuntium oculos ad se convertat, rapiatque Juris civilis (præter enim pandectas reliquos etiam Justinianei Juris libros edidit) castigatissima editio, quam Haloander, Florentina, Pisana & cæteris pluribus inter se diligentissime collatis, magno Jurisperitorum bono in hac urbe procuravit, dignissima sane auro illo, quo tomi omnes & singuli fulgent. Et memini, eximium quendam Juris Doctorem Altorsii quondam dicere, tantam ordinis sui homines Haloandro debere gratiam, quantam a Theologis Arias Montanus correctissima Biblîorum Hebraicorum editione iniisset. De altera vero Godofr. Tilgnerus (f) ita scribit: Est hac ipsa in tanta apud eruditos viros æstimatione, ut hodienum baud raro L. Joachimicorum pretio redimenda veniat: immo vero ne veniat quidem, cum gratis in instructissimis Germania, Gallia & Angliæ Bibliothecis queratur. Testes rei appellari possunt catalogi ex præcipuis non pauci.*

Sunt

(f) In Nova Libror. rarior. collectione, Fascic. IV.
p. 710.

Sunt & aliæ causæ, quæ nonnullas quorundam librorum editiones, licet plures postea successerint, raras pretiosasque reddunt. De Christiani Druthmari, qui circa annum DCCCXL. claruisse videtur, opere hæc refert Guil. Cave (g): *Scriptit commentarium in Evangelium S. Matthæi, qui cura Jo. Secerii prodiit Hagenoæ A. 1530. In hoc commentario non unus est locus, qui hodiernæ Transubstantiationis dogma adeo valide refellit, ut scriptores pontificii Sixtus Senensis, Cardin. Perronius, Bigneus aliique pene ad ravim debachentur, clament Secerium hominem Lutheranum Druthmarum corrupisse, idque ex fide MS. Cod. liquere. Tam effreni calumniandi libidini ut os in æternum obstrueretur, simulque ut editioni Seceriana fides & integritas vindicaretur, Edmundus Albertinus editionem Argentoratensem anno MDXIV. triennio ante exortum Lutherum cum privilegio Imp. Maximiliani & Leonis X. insignibus primæ pagine appositis, Jacobi Wimphelingii cura ex Codd, MSS. erutam protulit, in qua juxta editionem Hagenoensem eadem loca ad verbum reperiuntur. Necdum tamen contentionis finis.*
Phil.

(g) In Scriptorum Ecclesiastic. Historia literaria Tom. I. f. 371. edit. Genev. A. 1693.

Phil. enim Labbeus, quo jam se verteret nescius, in Albertinum invehitur, quod ubi editionem illam viderit, quave bibliotheca eam deprebenderit, non addidit; se nunquam hactenus in eam incidisse; nec mirum, cum ea diligentibus Germanis, Gesnero, Simlero, Frisio, præter Miræum aliosque recentiores fuerit ignota. Denique Albertini, hominis hæretici, & a fide ac religione majorum suorum παραβαλῶν, fidem sibi valde suspectam esse. Quo vero in posterum omnis hac de re dubitandi vel calumniandi ansa tollatur, monemus æquum lectorem, hanc ipsam Wimpbelingii editionem extare penes eximium virum Thomam Tenison Ecclesiæ Anglic. Theologum celeberrimum.

Nonnunquam etiam contingere solet, ut editiones librorum posteriores vel castrentur vel interpolentur: unde primæ genuinæ & incorruptæ rariores habentur. Sic iniquas manus passus est inclytus liber poëticus de fati Maximiliani I. Imp. rebusque ab eo fortiter gestis, sub tit. *Theurdank* vulgatus. Plures ejus prostant editiones, sed nulla, quæ textum integrum nec vel detractiōe vel additione mutatum exhibeat, præter primam, quæ Norib. A. 1517. Jo. Schönspergeri typis in folio exscripta esse fertur, & secundam, ab eodem Augustæ Vindelicor.

A. 1519.

A. 1519. excusam. Quædam exemplaria purissimis membranis impressa fuisse, aliisque superbire ornamentis refert Vir Celeb. Jo. David Koelerus in peculiari Dissertatione, de hoc libro Altorfii habita (*b*), qui etiam splendidum ejusmodi exemplar aliquibi 200. aureis venditum esse memorat (*i*). Idem chartis quoque impressa exemplaria primæ & secundæ editionis absque coloratis figuris perrara & inter cimelia Bibliothecæ referenda esse, præsertim illa integra, & clave authoris, quæ rarissime adest, non mutilata, pronunciat (*k*). Talmudis editio Basileensis A. 1579. sq. integro codice Avoda Sara privata est; resecta quoque ea, quæ in Christum & Christianos injuria videbantur. Majoris igitur æstimantur editiones incorruptæ. Et primitivam quidem illam Venetam suo jam tempore vix centenis Imperialibus emi potuisse arbitratus est Wilhelm. Schikardus (*l*). Memorabile quid de exemplari Bibliothecæ Oxoniensis Veneto

Tom. II. *E c* *neto*

(*b*) Pag. 39.

(*i*) Pag. 41.

(*k*) *ibid.*

(*l*) In præfatione Tractatus Bechimath Happeruschim.

neto narrat Michael de la Roche (m): *Il y a dans la Bibliothèque publique d'Oxford un Exemplaire du Talmud de Babylone, imprimé à Venise en dix Volumes in folio, lequel appartenait à Selden. Cet Exemplaire avoit été revu, conformément aux ordres de l'Inquisition par un Capucin, qui a raturé tous les Passages touchant le Messie, la Vierge Marie, les Apôtres & les Evangelistes, & tous les endroits où il est parlé de l'Empire Romain, que le Talmud appelle Malcouth Harasba'a, Regnum impium, Ces Passages raturez ne sont point lisibles: l'Encre a tellement pénétré le Papier que l'on ne sauroit même lire les mots de la page opposée.*

Primam editionem Italicam Franc. Guicciardini Historiarum sui temporis, Venetiis A. 1561. in fol. luci expositam cæteris præstare rarioremque esse censent eruditi, quod cæ ab aliis immutatae sint, textumque authoris minus purum sistant (n).

Fran-

(m) *Memoires Littéraires de la Grande Bretagne.* Tom. XIII. p. 492. seq. Non ita pridem in Bibliotheca publica Ulmenſi vidi editionem Hieronymi Frobenianam, ita male a monachis habitam, ut haud exigua pars annotationum Erasmi a crudelibus eorum manibus expuncta & prorsus oblitterata sit. Conf. Dan. Franci Disquis. de Papistarum Indicibus Librorum prohibitorum & expurgandorum. p. 178.

(n) Vid. *Hamburg. Biblioth. Hist. Cent. VII. p. 8.*

Francisci Mezeraii Historia Galliae eundem A. 1685. Parisiis in fol. recusa fuit, ab ipso auctore emendata & aucta; attamen prima editio (o), quaedam exhibens, quae auctor in secunda omittere coactus fuit, asservari meretur (p). Eiusdem Historiae compendium quoque prodiit, cujus priorem editionem A. 1668. posteriori A. 1673. perfectiorem & hodie rarissimam esse monet Clariss. Dan. Maichel (q).

14.

Quae supersunt, summatim jam perstringam, plura alii tempori reservaturus, ne nimium mea excrescat dissertatio. Rarioribus plerumque accensendi sunt libris, qui propriis autorum sumtibus prodeunt. Ex hac ratione difficulter comparari possunt Jo. Wolfii Jcti Lectiones Memorabiles & reconditae, opus utilissimum & immortalitate dignum, quod Launingæ A. 1600. duobus voluminibus in fol. excusum fuit. Rarissi-

Ec 2

ma

(o) Tomus I. prodiit Paris. A. 1643. H. A. 1646. III. A. 1651.

(p) Vid. Hamburg. Biblioth. Historicam Cent. I. P. 84.

(q) In Introduct. ad Histor. Liter. de præcipuis Biblioth. Paris. p. 146.

ma sunt Nicolai Marschalki Thuri scripta, scilicet Annalium Herulorum ac Vandalarum Libri VII. Rostochii in fol. A. 1521. editi: Deflorationes antiquitatum ab origine mundi ibid. 1522. in fol. Historia aquatiliū Latine & Græce cum figuris A. 1520. in fol. ibid. Institutionum Reipublicæ militaris ac civilis Libri IX. A. 1515. in fol. Impressa fuere hæc opera in typographia privata, quam domi suæ habuit Marschalkus (r).

Rarius denique maximam partem comparent Chronica civitatum, vernaculo sermone vulgata: plurima enim eorum exempla ab ejus urbis, cujus res describunt, incolis, etiam illiteratis cœmi, paucissima ad exteros deportari solent. Hoc unum coronidis loco jam adjicio, præter supra memoratos passimque dein citatos authores rariorum librorum notitiam suppeditare magnum illum Polyhistorem, Thomam Cre-
nium

(r) Vid. Hamb. Biblioth. Hist. Cent. II. p. 262. sqq. De Typographiis privatis plenius aliquando aget Academiæ Altorfinæ imo orbis eruditi ornamentum D. Gust. Georg. Zeltnerus, qui schedas per paucas beati Fratris, eo de argumento relictas, pluribus aliis observationibus locupletavit: ut ipse Venerandus Vir per literas humanissimas me certiores fecit.

nium cum in Animadversionibus Philologicis, tum in aliis scriptis; Catalogum item Bibliothecæ selectissimæ A. Alberthomæ, Ecclesiastæ, dum viveret, Lugduno-Batavi, qui A. 1724. in 8. prodiit. In eo enim passim, quinam libri præ cæteris rariores sint, indigitatur: etsi hic cum in censum nonnunquam referri satis adhuc obvios inficiandum haud sit. Præterea ex novissima editione Roterodamensi Dictionarii Historico-Critici Bæliani varii hujus generis libri cognosci possunt. Ad ejus namque calcem annexi fuerunt Articuli quidam in ipso opere propterea ex parte omissi, quod diversorum autorum opera, e quibus in MSto suo Bælius loca nonnulla, plenius inferenda, initialibus saltem & finalibus verbis allegaverat, quovis licet studio adhibito impensisque etiam sumptibus (uti monet librarius) inveniri haud potuere, ut adeo lacunæ adhuc non paucæ in nitidissimo isthoc opere supplendæ aliorum industriæ restent. Unde de illorum raritate judicium fieri potest. In gratiam igitur eorum, qui recentissima Lexici Bæliani editione non sunt instructi, huc adscribemus horum librorum titulos, notatis simul paginis, ubi Bailius eorum meminit.

Berault *Defense de la Vocation des Minifters.* p. 3041.

Bouchin *Plaidoyes.* *ibid.*

Conzan de *Hærefium incremento.* *ibid.*

Ludovici Carbonis *Introductio in Logicam,* Vene-
tiis A. 1597. in 8. *ibid.*

Oeuvres & Meslanges Poetiques de Pierre le Loyer.
Paris. 1579. *ibid.* & p. 3051.

Reflexions sur le Prefervatif, &c. p. 3042.

Appendix Apologiæ Francifci Montani pro Societate
Jefu in Gallia. p. 3045.

Georgii Braunii *Catholicorum Tremonenfium De-
fensio.* p. 3046.

Jacobi Horftii *Epiftolæ Philofophicæ & Medicinales.*
Lipf. A. 1596. in 8. p. 3047.

Jouberti *Liber de erroribus vulgi,* a Jo. Bourgefio
Latine redditus, fcholiisque illustratus. p. 3048.

Hofii *Opera* ex editione Staniflai Refcii Colon. apud
Cholinum. A. 1584. p. 3049.

Jo. Lafitii *Historia Fratrum Bohemorum.* *ibid.*

Fronton du Duc *Refutation de la prétendue Verifi-
cation du Sieur du Plessis.* p. 3052.

Naudæus de *Antiqu. Scholæ Medicæ.* p. 3054.

Sophocles ex editione Ratalleri cum præfat. Adriani
Mylii. p. 3055.

Meynier le Port-Royal & Geneve d'intelligence con-
tre le tres Sain& Sacrement de l'Autel. *ibid.*

Camdeni *Historia Reginæ Elifabethæ.* p. 3056.

Vincentii Baronii *Apologia Ordinis Prædicatorii.*
p. 3058.

Wendelini *Centemplanationes Phyficæ.* p. 3074.

Tilemanni Bredenbachii *Sacræ Collationes.* p. 3076.

Camerarii *Meditationes fubciffivæ,* Gallice verfæ
à Simone Goulart. Lyon. 1610. p. 3075.

Torelli del Debito del Cavalliero. p. 3076.

Plessii *Refponfio ad præcipua capita Cancellariæ Ba-
varico-Anhaltinæ.* p. 3078.

II.

ΕΠΙΤΑΦΙΟΣ

JOANNI BORCHOLDO

IC. CL^{mo}.

perscriptus ab

JOANNE CASELIO. (a)

HELMSTADII

In academia Iulia excudebat Iacobus Lucius.

CIO. IO. XCIV.

(a) Omnia summi hujus Viri Opera jam dudum literati orbis plausum meruere, cum styli nitore, tum rerum præstantia se æquis eruditionis exquisitæ æstimatoribus commendantia. Hunc igitur *ἐπιτάφιον*, rarius obvium, ac instituto meo apprime convenientem, integrum hic inferere visum est.

Οὐ ΒΟΡΚΟΛΔΟΣ ἀπὸ τριόδου ἔμολ', οἷά-
 τις ἀγνώσ-
 σεμνοῖς δὲ εὐπατρίδης ἐνὶ ἡθεσιν εὐπα-
 τριδῶν

ἤχθη ἐπισαμῶως καὶ παιδαρίᾳ ἀπὸ τυτθῆ
 Μισαίων ὑπο παιδεύθη σοφίῃ ἐνὶ πολλῇ,
 Λητοῖδα μελεομήνῃ καὶ σέρξε μιν Ερμῆς
 ἔς δὲ τέλῳ ποτὶ ναὸν ἀπήγαγεν ἀγλαὸν εὖνους
 δῖα Θέμις, νέον ἀνδρ' ἀποδείξας αὐτίκ' ἄμεμ-
 πλον

εὐνομίας ἱερῆα, δίκης εὖ εἰδλότα πάσης.
 ὥς δὴ καὶ νομικῶν ἀνδρῶν κορυφαίῳ ἐγένετο,
 πολλοῖς ἡγεμόνευσι, καὶ αἰδοίοις βασιλεῦσι
 καὶ πολίευσι φίλῳ πάσαις, πάντευσι δὲ κα-
 ῶλοῖς

Εἰ δὲ ἀπέβη, τί τό δε; θνητοῖς φῦναίτε θανεῖντε
 πᾶσιν μοῖρ' ἀνδρὸς δὲ ἀρετῆς κλέῳ ἔποτ' ὄλοιτο.

Ἰωάννης Κασήλιος.

ΕΠΙΤΑΦΙΟΣ
IOANNI BORCHOLDO
Jurisconsulto eximio

perscriptus ab
JOANNE CASELIO.



T in satis adhuc gravi morbo, & ex eo ipso, ita loquar de eximio iuriconsulto Ioañe Borcholdo, quando eius obitus in hoc meum tempus incidit, nec viri diuturnum eundemque gravissimum morbum, quicum confictatus fuit, querelis nouis deplorabo: muliebri enim hoc sit, & alienum à vitæ nostræ instituto: multò verò minimè mortem, qua finem imposuit negotiis mortaliū & miseriis, quas, quamdiu hunc solem aspicimus, perpetimur: certè omnes omnibus quocunque tempore expositi sumus. Conuertam me ad ea, quæ auertunt à luctu & dolore, & in quibus est decus, & dignitas. Nec etiā pingam, nec referam, quæ in vulgus ampla sunt, & aliquid amplitudinīs in se forsan habent. Proinde non dicam de viri patria, fœcundissimis Saxoniae Salinis: nec recensebo

E c 5 eius

cuius maiores & gentiles, qui eorum nostra quoque memoria floruerint, & in hunc diem floreat: quod in optimatum statu facile, & perpetuum est. Si enim in villo alio, in hoc ad virtutem, & suam ciuitatem sedulo educantur, modò quis rationem rerumpubl. intelligat & considerauerit: id verò Lunæburgi religiosè fieri, fugit omnino neminem. Adminicula etiam virtutum præcipuarum singularia minimè negligunt. Plerique enim optimates liberos suos bonis litteris erudiunt à pueris. Intelligunt enim teneros animos ita mirificè ad humanitatem informari, & paullatim salubrium consiliorum copia, quibus aliquando vtantur, re-ctissimè instrui. Hæc litterata educatio Joanni Borcholdo, eiusque fratribus domi primum obtrigit. Quam etiam vrgebat Staius Borcholdus pater, vir sapiens, quem annos quadraginta primo loco sententiam in senatu dixisse accepimus. Cedebat autem hoc feliciter, quod vir doctissimus Tullichius iuuentutem rectius docebat. Explosa enim inueterata barbarie, elegantioribus litteris familiares primus summa diligentia imbuebat. Hac etiam de causa factum fuisse existimo, vt nec puberes, nec ephebi primulum in academias mitterentur.

nec

nec id reprehendam, si simul etiam animi eorum, & mores liberaliter informentur: quod illo magistro fiebat, neque in domestica disciplina isto loco negligebantur. Maturè demum in academias, quæ in Germania multæ sunt, & tum doctissimis moderatissimisque viris florebant, missi fuerunt: Ioannes è patria Vitebergam ad Albim. Quis ibi illo tempore status fuerit, est hodiè quoque in memoria & sermonibus hominum. Melanchthon enim docebat primo loco, habitus & dictus præceptor merito suo, de cuius doctrina, fide, bonitate, animi moderatione satis ex dignitate dici non potest: multique viri, multis in rebus similes Melanchthonis: eius certè vestigiis plerique insistebant, nec poterant aliter. Plures enim exemplo non inuitant solum, sed cogunt etiam ad similia instituta reliquos: id valere, & fieri in vtramque partem, non attinet multis ostendere. Quis enim non videt, qui meminerit, aut spectet, quæ ab illo tempore non vno loco gerantur hætenus? Erat Ioannes Borcholdus prorsus natura ad omnem humanitatem factus; nec erat omninò vllum in eius ingenio asperitatis vestigium: quod si fuisset, in eiusmodi animi spinis euellendis fecissent

sent suum officium litterarum: quæ in alteram partem officium suum fecerunt egregiè: dum nativæ illa bona, quæ dixi, & religiosè conseruarunt, & mirificè auxerunt. Eius rei argumenta in Borcholdi omnibus vitæ partibus extiterunt, siue quid priuatim, siue publicè, siue domi, siue foris, siue seriò, siue obiter, quæsi que aliud agens, gereret. Nec dubium est, quin doctissimorum hominum, quos dixi, optimis illis exemplis ille mirificè fuerit confirmatus, quæsi que animo corroboratus. Est multorum seculorum consuetudine receptum, ut se fortunatiores quique ad studium iuris conferant: nec omninò res caussa caret. Multæ enim sunt & graues, & necessariae. Idem igitur & ille agebat, non solum magno cum profectu, sed magna etiam cum laude. Non enim id agebat aut oscitanter, aut negligenter. Sic enim erat in illo legum studio, ut simul etiam Græcas Latinasque litteras, multos annos singulari diligentia coleret: id est vtriusque linguæ & scriptores alios, & oratores, & historias, legeret. Etenim, qui hoc neglexisset, ei iter ad eloquentiam, & prudentiam civilem obstructum, acceperat: nec cum eius rationis deinceps unquam poenituit. Non solum

solum enim eam ipsam semper prædicavit, & aliis commendavit, sed etiam eiusdem maiori natu filio auctor extitit. Atque eam secutus fuit Staius, & in ea ipsa perseverat cum fructu maximo. Dum hic viuo, qui sunt anni pauculi, pater non solum cætera, sed hoc, quod in infimis esset, mihi supra modum prædicavit: quantulam haberet Græcæ linguæ peritiā, eam sibi magno vsui fuisse, & se hoc adminiculo in multis grauissimis materiis eruendis & explicandis, magnoperè fuisse adiutum. Ego, etsi futuro iurisconsulto eam linguam omninò necessariam esse nequaquam dixerim, tamen tanti viri sententiæ libenter subscribo. Intellico enim, eorum esse aliam conditionem, qui in academiis principe loco docent, & commentarios transmittunt ad posteros: quorum vtrumque ipsi studio fuit. Quoniam verò Borcholdus in iuuenta etiam & eleganter eruditus, & in altero studio cum æqualibus itā profecerat, ut plures superaret, cogitationem quoque suscepit de longinquis etiam terris adeundis, sicut in more positum est Germanis. Quo nomine laudo nostros homines, qui, & quid alii agant, & cuiusmodi doceant, videre, & audire cupiunt, ut non solum doctiores, sed

sed etiam cæterarum rerum peritiores domum reuertantur, atque ita demum, non illotis, vt aiunt, manibus, sed sic satis instructi, accedant ad rempublicam. Plerique mortalium non tam quod rectum, quàm quod necessarium esse sentiunt, compendiis suis, & lucro student, &, quod in ipsis est, augendo patrimonio non semper necessitati, sed sæpè magis cupiditati obsequentes, dies noctesque, relictis aliis, incumbunt. Ex iis domi finem suum non omnes assequuntur. Alii & ingeniosiores, & eius rei studiosiores, terra marique illud negotium vrgent, nec etiam deterriti, vel insidiantium, vel tempestatum periculis. Ad eas autem gentes se conferunt, vnde quamplurimum commodi auferant, quamuis illæ incultæ, siue barbaræ, siue etiam prorsus immanes sint. Nostrum contrarium est consilium, qui virtutem & sapientiam sectamur, spretis siue præteritis reliquis omnibus, de quibus summæ inter homines contentiones, arque digladiationes sunt. Illa autem non nisi in longè cultissimis populis inuenias: cuiusmodi esse scimus & prædicamus supra cæteros Galliam & Italiam: quibus, ni fallor, cæteræ quoque gentes, in quibus humanitas locum habet,

habet, eam laudem absque invidia tribuunt. Mihi nunc animus non est eos inter sese comparare: neutros autem errare existimo, nec hos, qui se in Italiam, nec illos, qui in Galliam propter vberiore ingenii cultum, & usum aliquem rerum, conferunt. Borcholdus noster in Galliam iuuenis profectus fuit, nec mirum, quod ipse egregre politus, virum longè politissimum præ aliis sibi adeundum & audiendum censuit: quo duce id, quod maximè vellet, se rectissimè adepturum confideret. Nobis adolescentulis jam tum passim gentium clarissimum erat nomen Iacobi Cuiacii: & ab eo tempore clarissimum est: quod nec invidia negare possit, nec malevolentia: nec his etiam indignantibus & aduersantibus, illud Cuiacii nomen vllis deinceps sæculis abolebitur. Non me fugit, iam ab initio alios aliter de illo viro sensisse: cui otium est, ex plurium scriptis contraria de ipso iudicia fortè cognoscet. Primum, homines longè doctissimi, viri ingenium, & eximiam multiplicemque eruditionem semper admirati fuerunt, & ingenii monumentis passim in cælum extulerunt: sic enim illi ad vnum omnes sentiebant, maximum adiumentum ad disciplinam iuris civilis

lis attulisse, & multas eius partes præclare illustrasse Cuiacium: certè, quin omnes ingenii neruos eò intenderit, nemo nostrum dubitat. Meri autem iurisperiti, & ab omni reliqua liberali doctrina vacui, Cuiacii nomen & lucem non tulerunt, & ex quo, nisi fallor, multa singularia, aut saltem paucula discere potuissent, ei non solum omnem legum civilium scientiam auctoritate, siue arrogantia sua derogarunt, sed vix etiam locum in infimo subsellio hominum eruditòrum reliquerunt: & quem omnes doctissimi homines longè doctissimum prædicarunt, quidam iniqui & absurdi ingeniorum existimatores, in rebus nihil aut parum admodum videre iudicarunt. Vidi tamen etiam in manibus habere commentarios Cuiacii, qui præter volumina iurisperitorum alia non tractassent: quibus commentariis uti fortassè falsum non sit: ubi eos sequare, nec id fortè cuius iudicauerit. Fieri enim non potest, ut quis ita inueniat & perscribat omnia, ne quidquam omnium desideretur: & habent primi homines sententias interdum suas, quæ ut non temerè repudiandæ sunt, ita non semper amplectendæ. Verùm pro tanto viro res loquitur. Mea non nimium laborabit

rabit oratio. Visum fuit Borcholdo, præ cæteris doctoribus huic eximio operam dare, quod visum fuerat, & deinceps visum fuit multis aliis ingeniosissimis doctissimisque iuuenibus: quorum audiui neminem, quem instituti sui poenituerit: plerique sibi mirificè de sua illi data opera gratulati fuerunt: imprimis autem hic noster. Nec tamen ipse magistrum suum, quamuis nobilem, vt Samium philosophum audiebat: nec vmquam eius mancipium, aut cuiusquam esse voluit: sed semper veritatis cultor & interpretes, etiamsi illius doctoris sui vestigiis potius, quam aliorum insistere maluerit. Porro quod studiosi sapientiæ semper secuti fuerunt, vt & studiis, & peregrinationi ea caussa susceptæ non parum temporis tribuerent, in eo ipso se quoque prudenter gessit. Etenim, cum optatissimo magistro suo annos tribuisset quinque, totidem & perlustrandæ Galliæ, & audiendis cum aliis hominibus doctissimis, tum iurisconsultis eximiis tribuit, vt virtute doctrinaque cumulator in patriam rediret. Non poterat ei exprobari quod multis, quibus suæ res non satis cordi sunt: Nihil esse turpius, quam domo abesse diu, multosque adeò annos, &

earum rerum , propter quas omnia institueris, vacuum reuerti. Borcholdus igitur, vir doctissimus, & iurisconsultus ad suos rediit, suoque aduentu mirifica voluptate & ipsos, & patriam perfudit. Tanta virtus, tanta doctrina latere non potuit, neque debuit. Fama verò maturè eum anteuertens, non solum in patria, sed passim etiam disseminauerat, quantus ille vir domum reuerteretur: ac venit ea ad mare Balticum, Rostochium vsque, vbi ipsinè, an illis hominibus? multum conciliaret boni. Hoc vt magis intelligatur, quædam altius aperire, necesse habeo. In quibus exponendis ea cautione vtar, qua potero, ne quis quid iure reprehendat. Fortasse enim omnium calumnias ne caustissimus quidem euitauerit. Quæ controuersa sunt, aut esse possunt, non attingam, nec vllibi meum iudicium interponam. Perturbatissimus erat tum status reipublicæ Rostochianæ & graviter omnibus suis partibus periclitabatur, adeò vt vix spes vlla salutis appareret. Tempus indicabo, & historiam, vt dixi, perstringam breuissimè, quam, qui prorsus ignoret, ei virtus, doctrina, industria, fides Borcholdi innotescere non potuerit. Quo tempore acre & diu-

diu-

diuturnum bellum terra marique reges, Fridericus II. Daniæ, & Ericus Sueciæ, inter se gerebant, illius belli initio grauis seditio gliscebatur quoque Rostochii: vix discerni poterat, populusne, an optimates plus valerent: hi se primos putabant, & fortè erant, sed plebeji omnia ad se referri volebant, & sibi rationem reddi, si quid gestum esset: quod subire senatui fortè graue foret: hinc insurrexit plebs aduersus patres, vnus alteriusque improborum & villissimorum ciuium clamoribus & furiis excitata: ipse vidi, vt senatum in curia, quasi in carcere occlusum tenerent, vt, quæcunque vellent, extorquerent, vt vigilias per oppidum ducerent & distribuerent: iacebant leges & consilia: senatus quotidie deliberabat, consilium capiebat cum maritimis vicinis sociis ciuitatibus: proficiebatur parum: appellabantur & principes Megapolitani, qui auctoritate sua initio parum proficiebant: deferebatur etiam negotium ad imperatorem Maximilianum II. imperator mandabat principi Ioanni Alberto, vt de tumultu compescendo sedulo cogitaret: quod ille, occasionem hanc nactus, minime negligendum sibi putauit, etiam eam ob causam, vt in ordinem redigeret, qui

imperio principum, id est, suo & fratribus, minus dicto audientes esse putarentur. Anno eo pestis etiam irrepsit in urbem: tamen subito, & penè clam conscriptis quibusdam copiis, princeps ad urbem venit, expectatus etiam à patribus: sed alio longè exitu, quàm sperabatur. Persuasum fuit ciuibus, ut princeps cum copiis intromitteretur, & quæ perturbata essent, videret, rebusque compositis, gratiam à suis reportaret. Qui consiliis militaribus prærant, urgebant, ut arma ciuibus adimerentur: id repentè cum incredibili dolore ciuium factum fuit; decretum item, ut idoneo loco castellum oppido imponeretur. Quæ cum & alia ad principem Ulricum consortem imperii referentur, & ipse accurrit. De castello, id designatum exstrui ceptum: ut turbatis rebus, multa noua, & grauiora omnia erant, & multò grauiora metuebantur: excors erat & exsanguis ciuitas: nec quicquam spei reliquum, nisi quantum leges imperii patefaciebant. Sunt enim leges de pace publica contra vim, si quis se ea fortè premi existimet, quarum præsidio omnibus ordinibus uti rectè licet. Ibi cum opus esset senatui populoque Rostochiensium cum aliis viris prudentibus, tum legum

legum peritissimo quoque, nihil prætermiserunt, quod sibi ex usu futurum crederent: atque etiam Borcholdum tum ad consulendum, tum ad docendum in academia, accersuerunt. Docere coepit vir doctissimus summa cum laude & profectu auditorum, unde quoque celebrior fuit illa academia, & ipsius opera expetita etiam à pluribus: in negotiis verò illis publicis sese gessit, ut bonum ciuem, virum sapientem, & eximium iurisconsultum decuit: quæ omnia singulatim explicare, nec fortè meæ facultatis est, nec adeo angusti loci. Erat, ut natus in florente repub. libertatis ciuium amans, & consilio semper, impetu nunquam utebatur, quin si qui quid temere vellent, eos ratione & facundia retrahebat: in tractando autem negotio à filo legitimo iuris, latum vnguem non abibat: itaque ipsos annos nouem & ornamento fuit academix, & præclare de ciuitate mereri perrexit. Quanta autem eius viri merita sint, testatur tum ipsius ciuitatis, tum singulorum erga ipsum beneuolentia, & ipsius meritorum prædicatorio, tum eius desiderium perpetuum, ex quo inde sese aliò commoverat. Sub id tempus æmulatus alios principes, fundauit nouam academiam, quæ de conditoris no-

mine statim initio Iulia fuit dicta : nostram hanc dici intelligitis. Prima ejus fuit cogitatio de doctoribus : ita fit, vt hic de me dicere primum necesse habeam : hoc non nisi modeste faciam : Facta fuerat mei mentio in senatu principis vt hominis eruditi, & tot annos iam in docendo versati, & Brunsvigii. Dux igitur, cum me unum de suis ciuibus intelligeret, sine dubitatione acciri iussit, ipse mihi suam sententiam exposuit, benignè me audiuit, perliberaliter mecum egit. Quoniam verò magna beneficia à puero à duce Ioanne Alberto Megapolitano acceperam, & Rostochii domum habebam & familiam, meum esse existimaui, vt illum ipsum compellarem : itaque feci, & impetravi quod vellem, iamque de migratione penè certus eram : quæ vt impedita fuerit, nescio an queri liceat. Non eram incognitus, nec esse fortè debui, homo neque tum obscurus, vbi esset aliquid litterarum, tamen visum fuit vni ex me quærere, de quibus mihi respondere vel non erat integrum, quod mea persona inferiora esse ducerem, vel nequaquam meæ professionis & scientiæ. Ita quod minimè speraveram, ipse profectò inuitus & dolens, subindignante etiam mihi, vt aiebant, non-

nihil

nihil ipso duce Iulio illo tempore locum non mutavi : nunc hæc cur inferenda putaverim accipite : In illis sermonibus, quos dux Iulius tunc mecum in arce Guelfia habuit, aiebat & iterabat : Mihi, inquit, curæ cordique est, vt moderatissimi & doctissimi quique in academia mea Iulia doceant (quam identidem filiam appellabat, & quibus multis aliis nominibus res charissimas notare consueuimus) sed vtar potissimum ciuibus meis : quæ causâ est cur te vocarim : & eos munificè habebo. Ibi tum facta fuit honorifica etiam mentio, & aliorum, & Borcholdi nostri, quem ex patria princeps optimus statim etiam pro suo habuit, & de eo accersendo, ut academix potissimum seruiret, constituit : litteras ad eum in eam sententiam paullò post dedit. Litteræ principis adeò clementes Borcholdum sanè mirificè affecerunt, nec paullò magis, quam vllæ aliorum principum. Aliquoties enim & antè, propositis præmiis, aliò accitus fuerat, & sanè etiam in academiam Vitebergensem à septemuiro Saxonum Augusto, qui in homines doctos mirè semper munificus extitit. Verùm quas dixi litteræ, primæ omnium eum singulariter commouerunt, sed non ita subito permouerunt. Et si

enim morem gerere principi supra modum cupiebat; tamen id magnum opus, quod aliquot iam annos cum præcipuis agebat, minime sibi relinquendum esse rectè iudicabat: accessit populi fauor, qui eum dimittendum non solum tali tempore, sed virum tam benè meritum non putabant, tamen cum in vrbe essent sedatiora omnia, & non quidem optato, sed multo certè meliore loco, quàm paullò antè fuerant, ita facilius dux Iulius obtinuit, vt Borcholdus lubens, concedente republica, migraret in academiam Iuliam. Lis enim pendebat, quæ pluribus annis duratura crederetur: etsi id secus accidit, vt multa in rebus mortalium alium euentum sortiuntur, quàm quem ipsi præuiderint suspicatiue fuerint. In hunc locum etiam conferam, quod omittendum non est, etsi tempore aliquando posterius. Cum enim annis interiectis pauculis Fredericus II. rex Daniæ grauius ferret controuersiam, quæ Rostochiensibus erat cum duce Ulrico socero suo, ipse vltro plus, quam auctoritarem suam interposuit, & Rostochiensis, bono tamen suo ipsorum & totius Megapoleos, pænè coëgit, vt nouam rationem inirent, & iuris sui, & principum gratiæ retinendæ. Non poterat ciuitas in
tam

tam ardua deliberatione carere Borcholdi consilio, etsi pridem abierat. Advenit igitur ille rogatus ad tractationem negotii, quæ instituta fuerat in aula Gustrouiana. Quid multis? & huius, & sapientium plurium, quibus pax, & salus publica curæ esset, illæ lites non tam compositiæ, quàm penitus sublatae fuerunt. Ciuitas cum ducibus suis in gratiam rediit, eadem apud regem gratiosior esse coepit: rex ipse è vestigio suæ erga illos ciues benignitatis non dubia signa edidit. Borcholdus autem, quod hic præcipuè dicendum erat, non solum veteres amicos sibi multò arctius deuinxit, sed etiam sapientiæ laudem ab iis reportauit, quibus, quod aduersæ partis res administraret, carus admodum esse non potuerat. Nunc ad institutum redeo. Magna fuit in hac academia Borcholdi expectatio, cuius etiam magno bono aduenit. Ad eius enim famam multò plures aduolabant; atque ipse omnium expectationi facile satisfecit, docendo, scribendo, consulendo: quæ munera academica etsi sola se gesturum credidit, tamen & ad principis negotia accersitus fuit. Quî autem benignissimo & humanissimo principi eam quoque operam is negaret, qui familiari vix aliquid negaret? Ita

semper habuit negotiorum & laborum satis, quorum & fuit tolerantissimus, fretus viribus corporis, & firmitate ingenii. Quin cum aliquando à me moneretur, ut sibi nonnihil parceret: subridens inquit, satius est in officio concidere, quàm ignavia & voluptatibus turpiter perire. Ut autem, quæ sibi onera imponi pateretur, toleraret rectius; tractationem rei domesticæ, quamvis amplæ, & multis partibus difficilis, à se remouit, quantum potuit. Cui autem rem familiarem potius crederet, quam uxori prudentissimæ, ipse in re lauta, & laboribus domesticis probè educatæ? Quod igitur marito erat necessarium, eidem in tantis occupationibus, à quibus aliò respicere vix umquam poterat, percommodum accidit. Eidem vero etiam omnem curam educandarum filiarum reliquit. Earum duas maturè viris præstantibus in matrimonium collocavit, primam patricio Brunsvicensi Burcardo Napio: secundam Gottingensi patricio, populari meo iurisconsulto Jeremiæ Richelmio. Educationem autem filiorum sibi reservavit, deque ea sapienter constituit, quod & res ipsa loquitur. Namque de impubere bona magnaue spes est, alter, postquam de sententia patris in litteris & le-

& legibus educatus & eruditus fuit à paruo puero in multam iuventam , paternis vestigiis feliciter & singulari cum laude insistit , nec se ab instituto vlllo unquam tempore vlls rationibus dimoueri patietur. Cum Borcholdus huc Rostochio primùm veniret , splendè , vt homo magnificus ædificauit : cumque splendè habitaret , statim ab initio ferè an vltimum vitæ tempus illustres hospites domi habuit. Erat igitur illa domus tum musæum atque Themisteum iurisconsulti doctissimi & clarissimi , tùm aula semper plurium principum : vtrumque magnum , sed majus alterum , quod minus admiratur populus. Animos atque oculos commouet celebritas , sed in eadem re molestiæ inesse & laboris plurimum , testis ipse sum locuples : cuius domi semper quoque primatum & fortunatorum hominum filii vixere litterarum gratia. Ex iis , quæ antè exposui , videre est , fuisse Borcholdum gratiosum admodum apud ducem Iulium : maius est , nec id prætereundum censeo , quòd singulari illa gratia non abusus ad avaritiam , sed usus fuit ad beneficentiam. Auctoritate enim sua sæpè multos commendabat principi , vir , vt initio quoque dixi , ad humanitatem natus , & doctus ad beneficentiam.

In

In quo beneficentiæ genere, etsi me magno studio cautissime gessi, tamen periculi esse non parum, deprehendi aliquoties: non solum quia interdum specie fallimur, sed multò magis, quia, quem commendaue-
rimus, cum ab omni parte integrum præ-
stare etiam debemus. Fuerat à me ille
olim verè laudatus ad ducem Iulium, &
ipse apud illum ipsum mihi gratiam retulit,
cum semper sedulò id ageret cum paucis
aliis, vt tandem ego quoque migrarem in
academiam Iuliam. Diu obstitit aliud ex
alio, ac sanè ab annis pluribus. Quam au-
tem ipse princeps idem vellet, tùm litteris
testatum fecit perbenignis, tùm oratione,
qua voluntatem mei ornandi prolixè item
declarabat, cum me iterum non alia de causâ
vocaret in arcem Guelfiam: vrsit tamen im-
primis, à quo ego profectò non abhorre-
bam, anno abhinc quinto: ac futurum erat
quod euenit, sed sub id tempus dux Iulius
rebus humanis exemptus fuit. Patri succes-
sit filius Henricus Iulius, magnus heros ut
vno verbo dicam, quæ longa oratione ex-
plicare arduum foret. Is initio imperii sui,
accerfite mihi ad docendum in academia
Iulia, non minus præmii, quàm patri vi-
sum fuerat, liberaliter attribuit. Ab eo
tem.

tempore hic quoque vsus fui Borcholdo, collega amicissimo, ita vt olim Rostochii: nec solum mihi nihil officii negauit, sed multa sæpè obtulit, quibus uti quoque non dubitauit. Nec alius erga cæteros collegas fuit: nec cuiquam eorum vlllo loco defuit: & imprimis in eo laborauit, vt, si quid inter quos discordiæ oriretur, id vel auctoritate, vel ratione tolleret: indignum ratus, homines doctos, qui exemplo cæteris mortalibus esse debeant, ob causas vel leuiculas, vel etiam gravissimas, animis inter se dissidere. Offensæ enim nullius momenti, si sapimus, aut, quod profiteamur, sapientiæ operam damus, nihil nos mouebunt: graues autem iniurias in alios moliri minimè, inter nos verò beneuolentia & beneficentia maximè certare debemus. Id cum ille sentiret, si quis contra faceret, cum ridere absque acerbitate, vel si opus esse putaret, acriter reprehendere non dubitauit. Biennio post in morbum ille grauem incidit, quo omnes ipsius vires tentatæ multum labefactari ceperunt. Tamen quoties sese non-nihil collegit, ad docendum rediit, & quibus potuit negotiis, præstò fuit. Domi denique plures scholas habuit: sed duos ille annos, proh dolor, morbo morbisue obnoxius


noxius fuit. Quo suo tempore animum fortem gessit : id quod magis & agnosco & prædico, quoniam in hoc bimestri morbo, cui tertius mensis accedit, in me parem animi magnitudinem magnoperè desideravi : siue tam exquisiti fuerunt dolores, quod ipse dixerim, siue præstantiam tantæ virtutis ego minime adeptus fui, de quo neque pugnauerim. Borcholdus igitur & morbi tantos impetus, & ipsum denique fatum, ut vir & miles Christianus & pertulit, & superavit transacta vita, eo quo tenore diximus, ut semper dignum ipsius conditione & loco fuerat, relicto non solum liberis, sed aliis quoque exemplo perquam nobili, & in nostro eruditorum ordine sane illustri. Vixit annos duodesexaginta, M. IIX. D. V. & viuet ingenii monumentis deinceps passim gentium. Cum enim ipse iuris scientissimus docere cœperit ab annis penè triginta, & docendo semper plurimum profecerit, habuit in promptu haud vulgaria, quæ cum auditoribus communicaret, & hoc sedulò egit, ut & recta, nec quidquam triuiale ex editiore loco traderet. Quare minimè mirum, si talia eius familiares non audire solum, sed & in commentarios referre desiderarint : nec mirum, si eadem ab aliis

aliis visa , valde expeterentur & flagitarentur sæpius. Fortè enim vir ille longissimè ab inani gloria remotus, suorum nihil edidisset : idem tamen amicis morem gerendum censuit , & quia sibi solidæ scientiæ, certè recti studii conscius erat , non extimescebat quorumque censuras, maleuolorum vero (quoniam absque invidia nihil publicari intelligebat) iudicia siue calumnias magno animo contemnendas iudicabat. Sunt in manibus iuuentutis eius commentarii in quædam præcipua iuris capita : vt de pactis , de vsuris , de feudis , de gradibus, de acquirenda possessione , de transactionibus, de iureiurando , de in litem iurando. Idem verò etiam elementa iuris illustravit post tot earum institutionum interpretes, & veteres, & recentiores. Cum enim illi in litterarum tenebris multa videre nequiuissent, rectè nostro & patrum nostrorum sæculo exorta luce litterarum, posteriores homines eleganter docti subsidii attulerunt, quantum in ipsis fuit. Cum autem non pauca ab vtrisque relicta fuerint, & fortè in nonnullis aberratum, rectè fieri ab aliis iudicandum est , qui & ipsi studio suo iuri civili eiusque cultoribus subueniunt. Non attulisse autem parvam symbolam

bolam Borcholdum, res ipsa loquitur, nec æquus lector inficiabitur. Sunt præterea ejusdem aliæ vigiliæ priorum similes, & luce lectioneque dignæ: quarum & publicatio promittitur: de verborum obligationibus commentarii, de rebus creditis, de compensationibus, de nautico fœnore, de obligationibus & actionibus. Accedent, credo, & disputationum libri. Qui doctoris nostri laudem deterere volent, in illis grande nullum opus se videre inquierent: quasi in mole præstantia vel virtus sit, non verò in bonitate, ut probi iudices sentiunt. Ipsi studio non fuit, ut comportaret grandia volumina: quod indoctorum & compilatorum proprium est. Quid autem facilius, quàm quæ tot sæculis sexcenties scripta sunt, ex iis, quasi magnos etiam acervos voluminum, in quibus tuum pænè nihil sit, ante pedes exstruere. Id vilis etiam ingenii est, & potius ad opus rusticum nati, quàm cultum aliquem sapientiæ. Igitur quod improbabat, & omninò improbandum est, studiosè etiam fugiebat: quo nomine & laudem meretur meo iudicio. Studuit, ut ex fundamentis doceret, res dilucidè exponeret, idque pura oratione, quousque materia ferret. Cum enim tot sæculis multa
noua

noua accesserint, vt in qualibet ciuitate fieri solet, multo magis in imperio fieri necessum est, peregrinis vti, quæ verustas etiam ignorauerit, adeo falsum non est, vt, qui contrà eadem Latinius affari affectet, longissime mihi aberrare videatur, vt qui negotiis tenebras inducat, quæ lucem desiderant. Porro cum ad dignitatem doctoris augendam non parum faciat, si quid de eius auditoribus memoratu dignum adferas; multa haberem, quæ de eius familiaribus verè dicerem, nisi id declinandæ inuidiæ gratia omittendum iudicarem. Non libet enim mihi, nec licet homini pudenti præsentibus quasi in os laudare, quod & ipsis, & aliis auditoribus graue sit, & in aliam partem, atque à me fieret, possit accipi. Non dissimulabo de quo constat plurimis, prodiisse ex Borcholdi disciplina; qui in academiis, in ciuitatibus, in aulis principum cum bono publico floreat: qui etsi in eadem disciplina & alios nobiles doctores audierunt, tamen se ad hunc magistrum cum summa eius veneratione, & suæ felicitatis gratulatione, lubentes vtrò referunt: ita ut fortissimi quique bellicosissimos duces suos sæpè in ore habent, & iactant gloriosius, sub quorum signis ipsi

aliquando militarint. Hæc in graui meo morbo , & ex eo ipso (libet enim mihi iisdem verbis orationem terminare, quibus vt ordiret, hoc tempus meum me monebat) apud animum meditata dictaui : quibus si lectori minus satisfecero , nonnulla tamen accepturus spero , quæ , si minus iucunditatis, rerum aliquid in se habeant. Officium, quod amicitia debui, quodque veritati & virtuti semper debeo, ut rectè præstarem, dedi operam, etiamsi lumina verborum, quæ requirerentur, non accesserint.



MEMORIAE
JOANNIS BORCHOLDI
ICti. CLmi.

*ERgo iterum lumen, quo non illustrius ullum
Impositum nostris promicuit cathedris :
Quod fulgore suo radiantia sidera vicit :
Quod noctis dubias dissolvit tenebras :
Vnde minora suam repetebant lumina lucem :
Multorum gressus quod poterat regere :
Qualis ad Oceani scopulos, Syrtesue dolosas,
Stat Pharos, & nautis utile monstrat iter :
Hoc, inquam, lumen cœlesti fomite plenum,
Flatibus insani turbinis occubuit.
Heu cathedram infelicem ! heu pulpita deploranda !
Vester honos, vestrum eheu diadema iacet !
Impendent tenebræ & tempestas nigra propinquat,
Obnubet nitidam fors etiam umbra diem.
Ni lucis sator æthereus, fulgore corusco
Irradians, viduas clarificet cathedras :
Ni patriæ Pater eximius vacua atria lustret,
Exstinctæ æqualem substituatque faci.
Fata utrumque velint. Tu verò, ô nobile lumen,
Sydus Olympiacis ignibus adde novum.
Non prius absistes iubar orbi ostendere purum ;
Quam vultus Titan occultat auricomos.*

Henricus Meibomius, Poëta Cæsarius,
academiæ Iuliz professor publicus, f.

MEMORIÆ EJUSDEM.

BOrcholdi celebri laudes: ignoscite manes,
 Quaeso, viri, nunc o cœli inter clara Quirites
 Umbra; mea si quid forsan tibi detrabo culpa.
 Sed nec de patria, nec de gentilibus ullum
 Heic verbum facio; quamquam illa & robore Martis,
 Et virtute viris præstantibus ingenioque,
 Et iustis legum imperiis & diuite opum vi,
 Oppida, quotquot habet Germania, pleraque vincit:
 Isti, interque suos interque alios, & honore
 Et meritis clari æternum fama alite viuunt.
 Queis nil præterea indulgit natura, quibusue
 Ipsorum vitiis, si quid dedit illa periit;
 Hac omni varioque solent ornata colore
 Ferre palam, & speciem informi prætexere monstro.
 Qui noras (Seu quis solus non noveris, ex me
 Disce) animum spectata ipsum hominis, quàm candidus, &
 quàm
 Labe omni vacuus; qualis nix æthere ab alto
 Lapsa recens, qualis vel pellucens Hyacinthus.
 Non tantum inuidia subter præcordia nidum
 Non dare; quin, si quos ventis Fors lata secundis
 Aequore tranquillo veberet; multò magè, si quos
 Efferreret virtus, aut ars bona, conspiciendos
 Præ reliquis; gaudere, optare hæc perpetua illis;
 Hos etiam colere, admirari; imò ipse, beatos
 Vt faceret, magnosque, alios, non parcere sumtu
 Non opera, notos simul ignotosque iuuare,
 Qua posset; dignos cunctos & ducere gratos:
 Vt fit; ut optimus es, sic suspitione laboras
 Quàm minimum: contra malus ex sese æstimat omnes.
 Si quis amans veri fuit, hic fuit: omnia ab imo
 Pectore erant, quæcumque ageret, vel verba sonarent.
 Sic mens inter se sic dicta & facta coibant:
 Certa fides illi; neque quemquam terra alit orbis,
 Illo deceptum qui sese autore queratur.

Quem

*Quem non aut populi studio, plebisque fauore,
 Deflexit quodquam ambitio de tramite recto;
 Gratia nec regum, vel praesidia ampla potentum
 Impulerant certos animi mutare tenores:
 Tanti adeo imperia & titulos faciebat inanes,
 Tanti, posse palam metui, miserisque nocere.
 Sed nec opum cumulos alius contemserit aequè:
 Quas si tam insanè tua mens praegestit apisci,
 Quàm plerique hominum; si aurum non feceris bili;
 Ecquem adeo seruum, quàm te, fore rere? quid à te
 Exspectare iubes patriam, ciues & amicos;
 Quid matrem, prolem, cognatos, denique te ipsum?
 Qui tibi cuncta rapis; defendens acrius illa,
 Quàm cui semesus caper haeret fauce, Leana.
 Interea satis argentique aurique reliquit,
 Et locupletis agri; quamquam his etiam usus abundè est.
 Spernentem sapissimè honor sectatur, & altè
 Supra alios omnes tollit pernicitus alis:
 Idem praecipitet subsellia ad infima, nisi
 Si quis contendat nimio importuniùs illuc,
 Vnde procul viles despectat purpura floccos.
 Borcholdo, licet hac minime illum cura fatiget,
 Ex quo firma virum iam primum fecerat atas,
 Gloria, virtutisque pedissequa grata laborisque,
 Ultro fit comes, atque acceptum regibus atque
 Dilectum populis, etiam primoribus horum,
 Fecit, latè eius diffundens undique laudes.
 Et quod Borcholdi non personat ante tribunal
 Caussidicus nomen, repetitum saepe? quis illum
 Non celebrat legum interpres, monumentaque docta
 Et legit & magni facit, ingenueque fatetur,
 Multa antè ignorata hoc se didicisse magistro?
 Palladi id inprimis debet, tot dotibus aucto
 Quae à Superis animo mentem addidit, ac bene finxit
 Et doctis dictis, & longi temporis usu.
 Ergo, quid patriae, quid priuatim utile cuique,
 Scire & consulere in medium doctusque catusque:
 Siue qua principibus morit febricula bilem;*

Siue furens in perniciem sese ipsa ruat plebs ;
 Siue malo patres cum intercute confligentur ;
 Posse adhibere manum & ratione occurrere morbo.
 Partem Astrea etiam laudis sibi vindicat huius ;
 Totam imò putat esse suam ; cui deditus uni
 Et soli visus fuerit , dum in Gallia abesset ,
 (Pergama quot Gracos oppugnavisse per annos
 Fama est) illius sacris detentus in hortis
 Assidue & Diue pictas operatus ad aras ;
 Antistes quando magnus Cuiacius esset ,
 Certatim Pallas , Charites , pulcraque Camena
 Quem petiere sacris ; sed tandem Astrea potita est :
 Baltica dum audirent ciuilia iura docentem
 Litora : dum posthac germane Iulia templo
 Praeficeret ; cum multa hac est conspecta iuuentus
 Omnibus affluere ex terris ; famamque secuta
 Ingeniumque viri doctumque ante omnia pectus.
 Fallor , an , ut quondam , sic nunc ausculto loquentem
 Aureaque excipio calamo dictantis ab ore
 Verba quibus legum perplexa enigmata soluit ;
 Ponè latus Sophia assistente hinc ; inde Suada ,
 Magna discentum turba circum undique septo.
 Frustra est ; & luctus tantum integrat hac mihi imago.
 Et iam vix chartam teneo ; agre & littera dextra
 Ducitur ; atque animi frigent ad carmina sensus.

Theodorus Adamius.



III.

IRENÆI BIBLIOPHILI (†)
OBSERVATIO,

*qua præfationem, quam V. Cl. Christ. Aug.
HEVMANNVS Symposio Lactantii a se edito,
præmisit, in nonnullis locis illustrat, in
admodum paucis emendat.*

Finiit nuper harum Amœnitatum litera-
riarum auctor (††) J. G. Schelhornius,
partem earum primam recensione vetustæ
G g 4 cujus-

(†) Quis hoc sub nomine, quod jam dudum orbi
literato ex Bibliotheca Bremensi & Celeb. Heumanni
Poecile innotuit, lateat, equidem me fugit. Hoc
tamen novi, virum esse lectionis copia, ingenii ele-
gantia ac eruditionis edecumatæ opibus instructissi-
mum. Maximo igitur perfusus fui gaudio, cum nu-
per humanissimæ Ejus literæ, eleganti hac observa-
tione stipatæ, mihi traderentur. Perjucundum quo-
que mihi erit, aliquando Ejus annotationes ad hanc
meam opellam, quarum lætam spem mihi benevole
fecit, videre, easque partibus forte subsecuturis in-
ferere. Pace viri præstantissimi illas laudes, quas
immerenti mihi tribuit, reseculi.

(††) Non est, quod amplius celem nomen meum,
cum in Novis liter. German. me quidem inscio & in-
vito a fautore quodam hætenus mihi incognito istud
jam sit expressum. Ego certe, imbecillitatis meæ
gnarus, nondum detecta facie in conspectum orbis
eruditi prodire ausus fuisset.

cujusdam & adhuc fere incognitæ editionis Lactantii, quam in Bibliotheca Memmingensi publica, cujus cura ipsi haud ita pridem demandata est, extare, ipse in Miscell. Lipsiens. T. XII. p. 67. indicaverat. Quare haud sane parvam a multis iniit gratiam, ex quo ejusmodi bonæ notæ vetustis editionibus suum statuere pretium merito cœperunt eruditi. Cumque hæc ipsius opera illustrationi appendicis secundæ, quam VIR celeberrimi in orbe literario nominis, C. A. HEVMANNVS, Lactantii Symposio a se edito, adjecit, inserviat: videbar mihi à Schelhornio facile impetraturus, ut partem suarum Amœnitatum alteram observatione hac, præfationem dicti libri, alicubi dilucitantem, saltem clauderet. Tantum enim abest, ut hujus VIRI humanissimi offensam verear: ut ipsi potius, ac fortasse & aliis, vel sola recensio, brevis quidem illa, editionis Symposii Romanæ per Joh. Castalionem A. 1581. splendide adornatæ, quam sibi non visam esse fatebatur, cum eruditissimæ huic præfationi scribendæ intentus esset, haud ingrata videatur futura; tametsi nonnulla horum, quæ hic sisto, ante hoc ipsum fere biennium cum eodem per literas me communicare memini, aliorum quo-

quoque lectorum oculis, pace ipsius, in supplementum laudatæ præfationis verbosissimæ nunc subjicienda.

*Ad præfat. Heumannianæ Laëtantii
Symposio præmissæ §. VII. p. 17.*

Occasione nominis *Achelini*, quod in fine hujus §. occurrit, non poenitebit legisse ea, quæ *Vossius Lib. III. Cap. III. de Historicis Latinis, p. m. 753. edit. Lugd. Bat. 1651. 4.* annotavit.

ad §. VIII. p. 17.

Producitur hic in not. (i) locus ex *Fabric. Bibl. Gr. Lib. V. cap. 6. p. 821. Vol. VI.* ubi literarum *Theod. Canteri* ad *Jo. Meursium* fit mentio, occasione interpretis Historiæ Apollonii Tyrii. Has literas exhibet *fasc. III. Collect. libr. rariorum Groschuff. p. 569.* id quod ad hunc *Fabricii* locum, itemque ad ejusdem viri celeb. *Bibl. Lat. Vol. III.* inditem voce *Symposius*, notari potest.

P. 18. Falli enim puto & P. *Scrivarium*, & *Casp. Barthium*) Addere his licet *Jo. Meursium*. vid. *Fabr. Bibl. Lat. in indice Vol. III.* voc. *Symposius*, & coll. *lib. rar. Grosch. Fasc. III. p. 570.* Ad *Barthii* prolata loca, quæ Cl. Editor eadem hac pag. not. (l) profert, adjiciatur alius ex *Lib. XIV. c. IX. Vossio* quoque

que memoratus, qui & : *Non alienus est*, inquit, (de Barthio loquens) *ab eorum opinione, quibus videtur vitæ hujus auctor vel interpretæ Symposius, centum enigmatum conditor, ex quibus enigmatæ sapientum suorum doctrinam efformavit Apollonii vitæ scriptor. Hæc Vossius. Quæ verba velim conferri cum iis, quæ in Placcii Theatr. Pseud. n. 207. p. 66. col. 2. habentur. (a).*

ad

(a) Miror, in præfat. Apollonii Tyrii vitæ præfixa (in Marci Velsæri operibus edit. Cbrist. Arnoldi) nihil prorsus adduci conjecturarum de interprete latino, quem *symposium* esse errore ridiculo, recte hic Cl. Heumannus pernegat. Ceterum conf. Vossius de Histor. Lat. p. m. 729. ubi de Anonymis ætatis incertæ agit, nominatim de falso sic dicto *symposio interprete historiae erotice Apollonii Tyrii*. Jonsii conjecturam in de Scriptor. Hist. Phil. Lib. II. cap. 18. p. m. 208. edit. Francof. falsam esse ostendit præstantissimus J. A. Fabricius Bibl. Gr. Vol. II. p. 389. Unde in recenti editione Jonsii Dorniana L. II. c. 18. p. 251. hæc observatio Cl. Fabricii, si quidem memoriæ succurrisset, annotanda fuisset in notula quapiam, simili ei, cujus in hac ipsa pagina à Cl. Dornio allatæ, mentio fit in *Actis Philos. Tom. III. p. 118.* ubi Cel. Heumannus ad *Catalogum Stoicorum* à J. A. Fabricio in Bibl. Gr. L. III. cap. XV. contextum animadversiones adjicit. Qua occasione recorder, in *Actis Erud. Lips. Suppl. Tom. VIII. Sect. X. p. 429.* in nota (r), nuper, P. Egnatium Celerem illi Catalogo inferendum, monitum fuisse, qui nec in Supplemento ejus Heumanniano reperiatur: quod cum nondum, quoad sciam, apparuerit, & in con-

ad §. XXV. p. 37. 38.

Jo. Nobletum, Monachum Gallum, ex Carmelitarum ordine, Sec. XV. Symposium sub titulo *Centiloquii anigmatum* è longi temporis tenebris rursus protraxisse, hic memorat, vel suspicatur potius Cl. editor; (Conf. *Fabr. Bibl. Lat. Vol. III. p. 277.*) idque ex *Trithem. de Script. Eccles. cap. 783.* probat. Quando tamen in nota (c) adjecta *Conr. Gesnerum in Bibliotheca, totam hanc Trithemii narrationem, tacito ejus nomine, ad verbum repetiisse*, ait; non possum, quin Gesnerum hic excusem. Is enim & in voce: *Jo. Trithem. & in elencho auctorum*, quibus ad hanc suam Bibl. usus est, post præfat. reperiundo, expresse meminit, *se Trithemii Cat. Script. Eccles. suo semper loco integrum exhibere.* Quid? quod in art. *Jo. Noblet* fol. 442. a. Sigla: *Trith.* in margine appareat, per quam istum Trithemii librum indigitari, ipse in laudato elencho indicavit. In editionis operum *Jo. Bapt. Mantuani*

continuatione ejus diss. à Cl. Heumanno demum expectetur, ultima ejus notæ in Act. erud. verba fortasse ex ἀβυσσία perperam scripta, sic mutamus: *Quem fortè in supplemento ejus Heumanniano reperimus.*

tuani Carmelita, quæ *Antwerpia* 1576. 8. prodiit, quamque diu a me requisitam, tandem nactus sum, Tomo IV. continentur quædam ejus opuscula, quæ in prosa scripsit, quibus addita sunt nonnulla alia aliorum auctorum. p. 232. sqq. extat *Mantuani pro Carmelitis apologia*, quam p. 244. sqq. excipit *Jo. Trithemii de laudibus ordinis Carmelitarum Liber I.* Ejusdemque de viris illustribus ejusdem ordinis *Liber II.* In hoc posteriore p. 282. *Jo. Nobleti* vitam recenset, quam, quia brevis est, integram huc transferre placet, etsi in plerisque cum ejus de eodem narratione, quam in *Catal. Script. Eccles.* exhibet, eadem est. *Joannes Nobleth*, inquit, natione Gallus conventus *Parisiensis*, vir in divinis scripturis studiosus & eruditus, & in secularibus literis egregie doctus, philosophus & medicus insignis, scripsit ingenii sui quædam præclara opuscula, quibus nomen suum cum gloria transmisit ad posteros, de eo quorum numero subjecta feruntur; opus insigne quod prænotavit *Centilogium Lib. I.* In *Evangelium Joannis Lib. I.* In multos quoque alios *Biblia* libros commentarios & lecturas compilasse dicitur, quæ ad notitiam meam non venerunt. Hæc *Trith.* Ceterum ex utraq; hujus *Abbat*is narratione, tum hac, tum ea quam *Catal. Script. Eccles.* in-

seruit

ſeruit de *Noblet*o, facile eſſet ad conjiciendum, *Nobletum* ipſum ex ſuo ingenio compoſuiſſe memoratum *Centiloquium*. Quodſi cui nimium hic ſcripſiſſe videtur *Tritbemius*, is recordetur moniti Geſneriani, in citato *elencho Bibliothecæ* ſuæ præmiſſo, dati, ubi ait, ſe audire, hunc *Tritbemium*, ut favorem *monachorum* quorundam, præſertim *Carmelitarum*, ſibi conciliaret, omnes ex eorum familiis qualescunque tandem *Rhapsodos* ſuo *Catalogo* dignatum eſſe.

ad §. XXVI. p. 39.

Non videtur *Barthius* eam (*Editionem Sympoſ.* *Pariſ.* per *Joach. Perionium* procuratam) manibus atque oculis uſurpaſſe ſuis) *Casp. Barthius* in animadv. ad *Claudianum*, *Hannoviæ* 1612. 8. editis (ſcripſit vero præf. *Kal. Sept.* 1612.) pag. 469. *Sympoſius*, inquit, duobus elegantiffimis anigmatis *Phœnicem* celebravit, quorum alterum ſolum in *Joach. Perionii* editione reperio. Primum :

*Vita mihi mors eſt, morior, ſi cœpero naſci,
Sed prius eſt fatum lethi, quam lucis origo,
Sic ſolos manes ipſos mihi dico parentes.*

Alterum hoc eſt :

*Nec ſum, nec non ſum, morior ſimul atque
renaſcor,*

Præ-

*Præbet & interitus tenera primordia vitæ,
Sumque mihi leti, & redeuntis originis
Auctor.*

Hæc Barthius: Quamquam ipsius verba non tam clare scripta sint, quam *Besselii* (b) in nota ad ænigma centesimum, p. 202. edit. Cl. Heumanni, fruatur tamen & *Barthius*, ille veterum librorum & editionum Nobilissimus ac diligentissimus lector & collector, gloria usurpatæ editionis gallicæ Perionianæ. Idem *Barthius* p. 469. aliud ænigma ita producit:

Symposium. Tigris.

*A fluvio dicor fluvius vel dicitur ex me,
Junctæque sum vento, vento velocior ipso,
Et mihi dat natos ventus, nec quero ma-
ritum.*

Ceterum allegat ibidem *Symposium* p. 15. 19. 55. 161. 164. 234. 296. 299. 443. 469.

Ibid.

(b) Hunc *Perionii* editionem evolvisse, traditur in §. XXVI. p. 39. præf. Heum. conf. p. 202. ubi eam vidisse se, ipse testatur *Besselius*. Mirari tamen subit, nomen editoris *Perionii* fugisse notitiam *Besselii*, quando in not. ad ænigma 17. p. 173. ait: *Omniū optime vetus editio Parisiensis nescio cujus &c.* simili enim ferè expressione utitur & in nota ad ænigma 100. ubi eum *Perionii* editionem innuere Cl. Heumanno Præfat. §. 26. persuasum est.

Ibid. Habemus igitur primam Symposii editionem prodierit Lutetia 1538. nisi forte & hic typographicum subest mendum.) Recte coniecit præstantissimus editor, annum editionis falso esse inscriptum. Eam enim αὐτόπληγς Cel. Mich. Maittaire in *Annal. Typogr.* T. II. p. 791. ad an. 1533. refert, additque: Parisiis hoc anno in 8. prodierit, huncque proferre titulum:

SYMPHOSII veteris Poëta Ænigmata, nunc primum inventa & excusa, cum sententiis septem Gracia sapientum emendatioribus & auctioribus: apud Ludov. Cyaneum sub duobus Gallis in via Jacobea.

In not.(b) subjecta maximam partem dedicat. Perionii excerptis, quam §. XXVIII. præf. integram ex *Ænigmatographia Reusneriana* sistit Heumannus. Fabricius in *Bibl. Lat.* Vol. III. in indice, sub lemma: *Symposius* eandem editionem ex Maitt. Ann. Typogr. adduxit.

ad §. XXVII. p. 40. sq.

Ex eo tempore in *Ge. Draudii Bibl. Class.* reperi traditum, primam *Ænigmatographia Reusneriana* editionem prodierit 1589. in 8.) Forsan divinare mihi licet fontem, ex quo *Draudius* hæc hausit. Notum est, cum maxima

xima ex parte ex Catalogis librorum suam Bibliothecam consarcinasse. Jam est penes me collectio, etsi manca, Catalogorum, qui singulis Nundinis Francof. olim prodiere, & olim paulo rarius conspiciuntur. In Catalogo autumnali Villeriano Francof. de A. 1588. inter libros poëticos, observo aliquem hoc titulo præscriptum: *Ænigmata Jo. Lauterbachii, poëta nobilis & lauro coronati, additis Symphosii veteris poëta ænigmatibus. Item & Jul. Caf. Scalig. H. Eob. Hessi. Joach. Camer. Hadr. Junii & quorundam aliorum; omnia simul edita studio Nic. Reusneri, JC. & P.C. Argentorati apud Ant. Bertramum, 8. an. 1588.* In Catalogo verno Anni 1589. iterum occurrit liber hic: *Jo. Lauterbachii Ænigmata, additis Symphosii veteris poëta ænigmatibus &c. Argent. ap. Ant. Bertramum.* Eundem librum p. m. 1115. (Cl. Heumannus habet p. 1505.) edit. 1611. Draudianæ Bibl. reperire licet, qui tamen ad an. 1589. hic refertur. Difficile est dubitare de hac editione 1588. vel 1589. (id enim parum refert) procusa, quæ A. 1599. 12. Francof. iteram impressa, & *Ænigmatographia* titulo ornata videtur, An. 1602. ibid. in 12. tertium excusa.

Ibid. *Primam Ænigmatographiæ editionem prodiſſe Francof. 1599. in 12.*) In Catal. Francof. verno de A. 1599. hoc titulo hæc editio producitur : *Ænigmatographia , b. e. Sylloge enigmatum convivialium , Nic. Reufneri, J Cti, in 12. Francof. ap. Draut.* Fuit quoque in Bibliotheca locupletiffima *Adami Chriſtoph. Jacobi* , J Cti , cujus Catalogus 1693. Lipſiæ 8. editus, & à M. *Guttierio* , ſed ex judicio viri cujuſdam in his literis ſummi , nunc cœlo recepti , minus accurate, conſcriptus, eam P. II. p. 240. n. 2788. refert. Huic editioni præmiſſa forte epiſt. *Nic. Reufneri* dedicatoria ſubſcriptum quidem & ipſa habere videtur annum poſt mil-leſimum undecexcentefimum, quem ſequen-tem editionem de A. 1602. referre teſtatur ſ. 28. p. 41. præf. ſuæ *Heumannus*. Sed hoc non obſtat, quo minus antiquior Argento-ratenſis extare poſſit; fortassis enim *Reufne-rus* libro ſuo 1599. reuſo præter novum titulum , novam quoque epiſtolam nuncu-patoriam adjecit, id quod fieri quotidie vi-demus. *Sympoſium* autem in edit. Argent. cum aliis aliorum ænigmatibus, itidem ex exemplo Perioniano expreſſum eſſe, dubium prorsus eſt nullum; quia & tituli priora verba eadem ſunt, in Catal. Francof. & ap. *Maittaire*; & in *Ænigmatographia* edit. Fran-
Tom. II. Hh cof.

cof. illa ænigmata ex edit. *Perionii* exhibentur; quam 1602. recusam, ipse possideo, neque vero jam ad manum habere, doleo.

ad §. XXVIII. p. 42.

Ut integram Perionii præfationem exhibeam) Tantum non integram quoque eam transcriptam legi in Ann. Typogr. *Maittaire*, paulo supra ad §. 26. annotavimus, ubi sequentem quoque præfert inscriptionem:

Joach. Perionius Benedictinus Joanni Ganerio Præfulis Macloviensis (c) Secretario S. P. D.

P. 44. *In quo semper mea hæc fuit sententia, ut contenderem, si sibi quisque cœnobiorum omnium omnes Bibliothecas terendas esse ac evolvendas quasi suscepta religione putaret, omnium scripta erui e tenebris aliquando posse.)* Quod hic doctissimus suo tempore Benedictinus (*Perionius*) ante ducentos prope annos recte optavit, id hodie vel ab ipsis potissimum

(c) Est in manibus meis liber, cui tit. *Aristotelis Ethicorum, sive de moribus ad Nicomachum filium libri decem*, a *Joach. Perionio* primum conversi, ac *Nic. Groucbii* opera denuo editi. His præfixa est *Perionii* Dedicatio Lutetiæ prid. non. Maj. M. D. XL. scripta ad D. *Franciscum Bonerum* Episcopum *Macloviensem*, cujus multa in se beneficia prædicat. Hujus dedicationis excerpta dat *Gesnerus in Biblioth.* vid. *Joach. Perionius*, fol. 376. a. cui tamen iste Episcopus *Franc. Boherus* audit.

mum sui ordinis viris strenue perfici, ut ipse coram spectaret, optandum ei esset, qui tam bene de *Lactantiano Symposio* olim meritus est. Nostra certe Germania impense sibi gratulator celeberrimis Fratribus *Pezziis*, *Hieronimo* & *Bernardo*, quem in hac ipsa, cui lucem quandam alicubi affundere nunc cupimus, præfatione §. XXXIX. p. 56. *Benedictinorum sodalium in Germania doctissimum* ipse jure appellavit *Cl. Heumannus*. Utrumque, post bene multos rerum ab ipsis in orbe literario præclare gestarum præcones, ex merito postquam laudasset, & votis eruditi orbis pro longævitate ipsorum ad perficiendos bono publico egregios conatus, suum quoque addidisset celeb. in *Aldorfinâ* *Academiâ* *Histor. & Polit. Professor* & *Univ. Bibliothecarius*, *Jo. Dav. Kælerus*, in præfat. luci iterum reddito à se & aucto *Directorio Freheriano* præmissa: tandem addit: *Debemus sane illustri ac vetusta D. Benedicti familia, uti bene jam olim observavit Aub. Miraus, scriptionem a multis retro seculis, itemque conservationem melioris doctrinæ in historia, felicemque eam prædicamus, quod etiam hac nostra tempestate in ea non desint felices veterum monumentorum indices & vindices, quorum curam & laborem in iis conservandis & publicandis merito omnes magni faciunt*

ciunt & predicant, qui flagrant cupiditate excolendi perficiendique historiam Germanicam. Hactenus Cl. Kœlerus. (d)

P. 45. *Tibi vero optime Ganeri, sub cujus nomine &c.)* Memini in *Reusneri Ænigmatographia* (ex qua accuratissime Perionii dedicationem exprimendam curavit Cl. editor) hic quidem loci legi: *optime Garneri*; sed typosetarum incuriam hic arguendam esse, inspectio Ann. Typogr. Cl. *Maittaire* suadet, ubi nomen ejus *Secretarii* exscriptum quoque legitur, *Ganerius*.

ad §. XXXI. p. 47. (qui numerus ita corrigi debet)

Anno 1545. tres libros enigmatum Francofurti in octavo — edidit Jo. Loricbius Hadamarius) Prima hujus libri editio lucem vidit Marpurgi A. 1540. 8. foliis constans 76. Dedicationem scripsit Martisburgi (i. e. Marpurgi) eodem anno, Kal. Sept. In titulo libri extat: *per Joh. Loricbium Hadamarium, Marpurgi bonis literis incumbentem.* (e) In fine fol. 73. sqq. exhibetur carmen, quod

(d) Ad eos vero hujus ordinis viros hæc non extendi volumus, quos notant *Acta Philos.* T. II. p. 8.

(e) Pater ejus *Gerhardus Loricbius Hadamarius*, & *Reinbardus Loricbius Hadamarius*, (qui nostrum ex fratre suo Nepotem vocat) carmina gratulatoria præfixerunt.

quod inſcribitur: *Prognosticon veriffimum in annum XLI. per M. Oedipum ex Vtopia.* ibid. credere cogor, a Loricbio ea (ænigmata) exſcripta hinc (ex Camerarii Elementis Rhetoricæ) fuiſſe, etſi id ipſe Loricbius præterit ſilentio.) Id quidem & ipſi facile credimus; neque enim in prima dicti libri editione, quam modo deſcripſimus, eorum quicquam habetur, prodiit quippe iſte eodem anno 1540. quo *Camerarii Elementa Rhetoricæ* primum lucem adſpexiſſe ſ. 30. not. (n) traduntur ab *Heumanno*, adeoque eo quidem tempore nondum in manus *Loricbii* pervenere. Unde in alteram demum editionem hinc ea tranſtuliſſe videtur, quando in prima, fol. 70. b. aliud jam *Camerarii* ænigma reperitur, inter ea, quæ ex monumentis virorum doctiſſimorum deſumpſiſſe ſe, profeſſus eſt. (*)

ad ſ. XXXII. p. 48.

Secunda Sympoſii editionis laus tribuenda utique eſt Petro Pithæo.) Dubito, an hæc

Hh 3

ver-

(*) Inferenda hic eſt, cujus notitia debetur *Cel. Fabricio* (vid. *Bibl. Lat. Vol. III. p. 274. ſqq. coll. Heumanni Poecil. Tom. I. Lib. II. Ep. X. p. 258.*) editio *Sympoſii à Franciſco Baſvelo, Baſileæ 1563. 8. curata*, quæ ænigmatibus tantum XLVII. conſtat, quamque l. c. deſcribit, excerptis ſcripturis diſcrepantibus, *Fabricius.*

verba destinato consilio, à Cl. editore exarata sint: videntur enim ἀμάρτυρα sapere μνημονικόν. *Jos. Castalion* ista potius laus relinquenda est, cujus editionem, mox a nobis breviter recensendam, ipse §. XXXIII. adducit, quæ A. 1581. Romæ, adeoque novem annis ante Pithœœanam, 1590. in lucem prolatam, ex codice MS. adornata ab eo est.

ad §. XXXIII. p. 48.

Tertius igitur Symposii nostri editor fuit Josephus Castalio) Secundum potius appellandum, & jure, esse, paulo ante ostendimus. (f)

Ibid. p. 49. Nec vero non solum Symposium e codice quodam MS. edidit Castalio A. 1581. sed

cuius. Obiter observo, in *Jac. Cujacii Observationum Juris* Lib. XXI. cap. V. p. 994. (edit. Colon. Agripp. 1651. 8.) produci sequens *Symposii de milite podagrico ænigma*:

Bellipotens olim saevis metuendus in armis

Quinque pedes habui, quos nunquam nemo negavit:

Nunc mihi vix duo sunt, inopem me copia fecit.

Quod cum non respondeat Perionianæ lectioni; ceteræ verò editiones mutilæ (nam *Castalionis* tum nondum nata erat, cum hæc *Cujacius* scriberet) illud non habere videantur; suspicor, *Cujacium* forsan usum esse isto codice MSC. quem ex *Dufresnii* testimonio, extare in Bibliotheca Gallicana S. Germani, observat Cl. *Heumannus* §. LVI. p. 81. doctissimæ suæ præfationis.

(f) Imo primum se esse editorem, ipse sibi persuasum habuit *Castalio* in *Dedicat.* à nobis excerpta.

sed postea quoque adjunxit scholia &c.) At vero eadem fere, quæ secundæ editioni adjecit scholia, in prima quoque comparere mox demonstrabitur. Cumque neutram *Castalionis* editionem Romæ impressam, oculis se usurpasse, fateatur Cl. *Heumannus*, gratum ei, forte & aliis, me præstiturum spero officium, si, quam mihi, beneficio Illustris alicujus viri, multorumque in Rempublicam literariam meritorum, (cujus nomen gratissimis mihi semper laudibus celebrandum, nunc quidem præter voluntatem meam silere cogor) perlustrare licuit, editionem illius *Symposii* Romanam primam, splendide excusam, paucis descripsero, ipsiusque inclutæ famæ & eruditionis summæ Possessoris judicio, eam maximæ esse raritatis, confirmavero. Ea vero hanc in fronte gerit inscriptionem:

Ænigmata Symposii Poëta cum scholiis Josephi Castalionis Anconitani. Roma apud Franciscum Zannettum. M. D. LXXXI. 4. maj. chartis sex.

Ex dedicatione ad Illustriss. D. D. *Thomam Avalum*, Marchionis Piscariæ filium, hæc verba, ex parte jam ab *Heumanno* excerpta, transcribo: *Siquidem*, inquit, *erat apud me in postremo Venantii Fortunati codice MS. Symposii veteris poëta carmen ejus generis an-*

tiquum, lepidum, eruditum, venustum, quod
Es ipse, Es, quam ego sum, in his literis ho-
mines magis exercitati nunquam excusum scie-
*bant. (**)* Itaque illud statim venit in men-
tem mihi, praeclare me operam positurum, si te
ad festivum sane Symposii convivium invita-
rem, quo subamara literarum rudimenta ea
dulcedine quasi condires, &c. Commendat
 deinde hoc munus inter alia ab auctoris
 antiquitate. Scripsit hæc prid. Idus Octob.
 1581. In hac editione exhibentur XCIX.
 ænigmata, quorum *ancora* titulo est inscri-
 ptum. Centesimum edit. Heum. *Olla* in-
 signitum hic non extat, neque, cum liber
 mihi non amplius ad manus sit, dicere
 habeo, an forte alibi inter antecedentia oc-
 currat. Ænigma XLII. sic ibi legitur:

BETA.

Beta vocor grace, sed non sum tota latina;
Pauperibus semper proponor namque tabernis,
† Ante tamen mediam cauponis scripta taber-
nam,

In terris nascor, lymphæ labor, unguor olivo.
 Hujus variationis fons fortè in statim subse-
 quente *Castalionis* annotatione, se prodet.
 Liceat nunc mihi quodammodo scholia
 quæ-

(**) Facile credimus, nec *Perionii* Gallicam, nec
 ceteras mancas editiones, *Castalioni*, cæterisque quo-
 rum testimonio nititur, viris doctis, innotuisse.

quædam, huic editioni adjecta cum iis conferre, quæ Cel. *Heumannus* p. 168. sqq. exhibet, ut animadverti possit, quid post vi-
sam sibi *Pitbæi* editionem in his scholiis mu-
taverit *Castalio*, quidque omiserit vel addi-
derit.

p. 170. edit. Heum. ad n. 2. post verba:
Actu, mente, gradu &c. Castalionis editio
prior hæc adjecta adhuc habet p. 24. *Quod*
Fortunati opus bis jam impressum, nos emen-
datum atque auctum quatuor prope libris pro-
pediem emittemus ex fide libri MSCti, quo
utor jam diu permittente ornatissimo viro An-
tonio Maria Gratiano, Secretario Cardinalis
Commendoni, ob singularem virtutem, sapien-
tiam & pietatem omnium sermonibus conlau-
dandi, itaque Symposium imprimi volebam,
sed typographus plerasque castigationes, quas
ipse in ora libri annotaveram, operi sublati-
suspectis inseruit, ne quid marginem occuparet.

ibid. n. 3. Et *Macrobius Lib. 1. Saturnal.*)
hæc verba omissa sunt in Edit. 1581.

p. 173. n. 17. *Quid non capit ebria Musa?*)
Sic legimus cum interrogationis nota, ut
Horat. Quid non ebrietas designat? Cetera
desunt in prima Edit. Cast.

p. 177. ad *Ænigma VI. 2. Hic versus spu-*
rius est) Hæc & in meo exemplo extant; re-
liqua ex Edit. *Pitbæi* postea demum adiecit.

p. 179. Hic passim in recentiori *Castal.* edit. aucta animadvertas scholia.

p. 183. XXXI. 3. *Sic solos manes*) *Mares* habet vetus exemplar, nos *Cineres* legi oportere arbitramur. *Claudianus* quoque &c. usque: laborat.

NB. *Castalio* in textu ipso ænig. 31. sic legit: *Sic solos † mares ipsos mihi dico parentes.*

p. 184. XXXIII. 2. *Victusque cruentas* }
3. *Multaque cum rabie* } di-
screpat hic editio Rom. 1581. in nonnullis.

p. 190. LVII. *Spectanturque - Roma*) hæc verba Scholii postrema in recentiori demum edit. addidit.

p. 197. LXXXII. 4. *Hoc volo &c.*) Et hic versus addititius est; ita vetus editio.

p. 198. LXXXVI. *Titulus bujus ænigmati desideratur.*) Cetera quæ hic sequuntur desunt in edit. 1581.

ibid. XCII. *Luscus*) nihil quicquam hic notavit *Castalio* in exemplo, quod nos recensemus, totaque hæc nota posteriori demum editioni accessit.

p. 202. XCIX. *mordeo terras.*) Sic fibula mordere dicitur apud *Virgilium*. Plura non habet Edit. prima, cum cetera annotandi occasionem Pithœana postmodum excusa ipsi præbuerit.

Sed satis est horum! Scholia enim reliqua consentiunt fere cum iis, quæ *Heumanus* exhibet. Additus est quoque index ænigmatum secundum alphabeti ordinem. Id unum adhuc monere liceat, post Dedicacionem duo reperiri *Jos. Castalionis* carmina elegiaca, quorum posterius quidem perbreve est; primum pertinet ad Illustriss. & Excell. D. D. *Alfonsum Felicem Avalum Vastii Marchionem* (fratrem *Thomæ*, ut in præfat. vel dedicat. potius *Castalio* dicit,) alterum ad admodum illustrem D. D. *Alfonsum Avalum* equitem Hierosolymitanum, cujus initium est:

*Tu quoque Crux, Alfonse minor, cui candida
sume*

Ludicra Symposii scripta reperta mihi.

ad eund. §. XXXIII. p. 50. *Illud vero facile est colligere, quod Castalio primæ suæ editioni nulla adjunxerit Scholia &c.)* Imo vero eam instructam esse iisdem fere Scholiis, quæ recentior habet editio, quæ occasione codicis Pithœani deinceps nonnihil modo aucta, modo immutata sunt, satis opinor, probatum dedimus. Judicio Cl. *Heumanni* de his Scholiis, quod §. XLII. fert, toti subscribentes. (***)

ad

(***) *Jacobus Pontannus* Soc. Jes. Voluminis tertii *Progymnasmatum Latinitatis* parte prioræ, quæ prodit

ad §. XXXV. p. 52. sq.

ad notam (u) *Eadem extare comperi in Causiniani operis edit. Colonienſi 1623. in 8.)* Colonia Agripp. quoque triennio ante, 1620. nimirum, prodiete *Itinerarii Italia Germanique libri IIII. per Franc. Schottum,* qui

dit Ingolſtadii 1592. in 8. (ſcripta quoque eſt Dedic. Pontani eodem anno, Kal. Sextil.) p. 779. ſqq. unum habet, quod inſcripſit *Ænigmata*, obſervoque ibi aliquot *Sympoſi* noſtri *Laſtantiiani* exhiberi, tacito tamen & auctoris eorum nomine, & fonte unde illa hauſerit; nominatim p. 783. *de Clave*, *de Tinea*, p. 784. *de Fumo*, p. 785. *de Somno*, *de Mure*, *de Papavere*, p. 786. aliquod ſine titulo, itemque aliud p. 787. absque lemma profert, in annotationibus tamen ad hoc progymnaſma p. 790. clavem horum etiam duorum ſupeditat, docetque per prius *Rotam*, per poſterius *Nebulam* intelligi. Non ſatis conſpicere poſſum, ex qua editione illa mutuatus ſit; neque etiam mihi præſto eſt amplius *Caſtalionis* Romanum de Anno 1581. exemplum, quo mihi uſus videtur; (nam altera Roma 1597. procuſa *Caſtal.* editio tum nondum extitit.) Qui enim verba Pontani, quæ ſubtilioris plagii notam vix effugient, quæque p. 785. ænigmati *de Mure*, ſubjecit, contulerit cum illo Scholio, quod *Caſtali* illi ænigmati addidit (p. 181. Edit. Heum.) is haud a ſe impetrare poterit, ut dubitet, Pontano iſta ſcribenti ob oculos verſatam eſſe dictam editionem. Age! excerpemus ejus verba: *Quod ait ſuum nomen fuiſſe conſuli Romano, id verum eſt. Nam Mus, Decia gentis cognomen fuit, ut teſtantur Faſti Capitolini, in quibus eſt: P. DECIVS. Q. F. MVS. & P. DECIVS. Q. F. Q. N. MVS.* Ineſt ergo in hoc ænigmati antiquitatis peritia. Hæc ille; cujus fuiſſet in annotationibus fontem ſuum indicare.

qui liber alius est ab illo, quem idem sub tit. *Itinerarii Italia* A. 1600. edidit. Ibi p. 338. sqq. inserta leges Ænigmata quædam & Griphos, (ut ipse scribit,) ex *Symposio* & *Atbelmo*. Ex illo quidem proferuntur duodecim, de *Clave*, *Vulpe*, *Fumo*, *Testudine*, *Grue*, *Ericio*, *Mula*, *Beta*, *Talpa*, *Farina*, *Pila* & *Spongia*; ex hoc quatuor, de *Nube*, de *Salamandra*, de *Myrmicolo*, & de *Gallo gallinaceo*. p. 366. scribit: *Plura Symposius & Atbelmus versibus collegere ænigmata*. Si fides habenda est *Cat. Bibl. Thuan.* de *Duacensi Symposii* edit. 1604. 8. (vid. *Heum.* præfat. §. XXXV. in-eunte) suspicari liceret, *Schottum* ex hac sua ænigmata deprompsisse, quam conjecturam, levem quidem illam, verba hæc *Schotti* p. 362. legenda: (*Plura de numeris, itemque Exempli Centuria 3. & 4. Exemplorum FRANC. SCHOTTI Duaci edit: anno Dom. M.DC.VII.*) mihi suppeditarunt: nam idem forte bibliopola *Duacensis*, qui sumtus huic *Schotti* libro edendo tulit, triennio ante *Symposii* editionem procurasse mihi videtur.

ad §. LII. p. 74.

Ceterum utrumque codicem in istam bibliothecam delatum fuisse e bibliotheca Isaaci Vossii, ideo non dubito &c.) Cum ex *Colomesii* operibus p. 883. edit. Hamb. pateat, in illo
volu-

volumine MSC. quo *Symphosii anigmata* continentur, XXIX. varii generis opuscula confutata esse, (†) inter quæ & *anigmata Adelmi* sunt, facile ex collatione discere liceret, utrum iste codex MSC. *Symphosii*, imo & alter, quibus Lugdunensis Academia Bibliotheca gaudet, olim fuerit *Isaaci Vossii*, nec ne? Imo ex §. LIV. præf. hujus liquet, Lugdunensibus Codicibus *Adelmi anigmata* adjecta esse.

ad §. LV. p. 77. sqq.

Dum hic quinque alia alius auctoris ænigmata producit ornatissimus editor, memini in *Job. Textoris Feriarum Hageranarum libro*, Herbornæ Nassov. 1616. 8. impresso, cap. XLV. p. 217. primum quidem proferri, (ut suspicor, ex *Ænigmatographia Nic. Reusneri*) ænigma, quod num. XCII. in edit. Heum. extat, in *Textoris* opusculo autem: *Luscus alios vendens*, inscribitur, cujusque scriptura Perionianæ respondet, auctor in margine fontem suum manifestavit his verbis: *Symphos. anigm.* Sed hoc quidem haud dubie

(†) Obiter hic dicere liceat, abhinc aliquo tempore ex instructissimæ cujusdam Bibliothecæ libris MSS. volumen aliquod & me perlustrasse, in quo plus centum tractatus MSS. græci variorum autorum, simul compacti erant, quorum scriptura quoque varia est.

dubie genuinum est. Quando vero p. 218. aliud in *Cæcum natum* exhibet, & in ora libri *Symphosii* nomen iterum apponit, mihi quidem causa videtur esse de eo dubitandi. En illud, sex hexametris constans:

Cæcus natus.

*Jam referam verbis tibi, quod vix credere possis,
Cum constet verum, fallant nec frivola mentem.
Nam dudum dederam soboli munuscula grata,
Tradere quæ nunquam poterat mihi quislibet alter,
Dum Deus ex alto fraudaret lumine claro,
In quo cunctorum gaudent præcordia dono.*

Ad hunc ipsum locum observo, me, dum *Reusneri Ænigmat.* (quam nunc non præsto esse, mihi dolet,) aliquando perlustrarem, adscripsisse, hoc ænigma ibidem p. 238. edit. Francos. 1602. ex B. *Aldbelmi*, ita legitur ibi, ænigmatum libro translatum, reperiri; unde nescio, quomodo *Textor*, Reusneri opusculo sine dubio usus, id *Symphosio* attribuerit, nisi forte instructus fuit editione quadam, forte *Perionii* ipsius, quæ illud ad *Symphosium* refert. Quid? in mea Reusneriani libri editione in margine signum a quopiam (††) ad id ipsum ænigma additum esse, a me annotatum video; quasi ad *Symphosii* ænigmata referendum esset. Ceterum num illi versus, quos doctissimus *Vrsinus* in sua *Phadri* editione

(††) Docto certe possessore, id quod ex multis MS. ipsius vestigiis observo.

tionem Ratisbonæ 1657. luci exposita, p. 86. sub titulo: *Cœli Firmiani Symposii* affert, & ipsi genuini sint, aliis relinquo dijudicandum; confer tamen quæ p. 6. annotavit *Heumannus* ad *Symposii* prologum.

ad §. LVI. p. 81.

Extare & in Bibliotheca Gallicana S. Germani MS. codicem Symposii anigmatum.) Hic codice forsan usum esse olim *Jac. Cuiacium*, frustra suspicatus sum in nota (x) ad §. XXXI.

Tantum ad præfationem Cl. *Heumanni*. Nunc paucissima liceat adhuc annotare ad nonnulla loca ipsius *animadversionum in Symposium*.

ad p. 4. *Symposiacas exhibere quaestiunculas*) Conf. quæ §. IV. sq. suæ præf. notavit Cl. editor; neque poenitebit legisse eruditam *Andr. Christ. Eschenbachii*, Profess. & verbi divini Ministri Noriberg. qui abhinc paucis annis rebus humanis interesse desiit, *Diff. de Symposiis Sapientum*, quæ sexta est in volum. diff. ipsius Norib. 1705. 8. junctim editarum. Hanc ipsam Syllogen esse, credo, quæ Roterodami 1710. sub tit. *Fasciculi Diff. Philol. Eschenbach.* quoque prodiit, & infra p. 132. in notis à Cl. *Heumanno* adducitur.

ad p. 20. Exhibentur hic *figura ſtyli ſcripto-
rii.* Juvat illis adjicere descriptionem,
quam vir doctiſſ. *Georg Longus* quondam
Mediolan. Bibliothecæ Cuſtos primarius in
ſuo de *annulis ſignatoriis antiquorum* tra-
ctatu, Cap. IX. p. 63. (editionis, à M. C. F.
Rubeo, Franc. & Lipſ. 1709, 8. adornatæ)
tradit: *Erat*, inquit, *ſtylus*, quo in certis
tabellis literas faciebant, vel pangebant po-
tius; cujus adeo ſtyli cuſpis (id, quod a *Tur-
nebo* eruditiffimo viro obſervatum eſt) qua
æquior illud cereum inarabatur, acumen clue-
bat, unde *S. M. Tullius*, omnia ſub acu-
men ſtyli ſubeant, neceſſe eſt: altera pars re-
tuſa erat, qua veluti tranſverſo calamo indu-
cebant, eradebantque obliterantes, ſi qua (ſi
qua latinè ſcribendum erat) minus ex ſen-
tentia videbantur, ipſamque ceram denuo
complanabant, ſartam (uti prius) æquabilem-
que concinnantes ad novam ſcripturam ſuppo-
nendam, quaſi ſuccidaneam, veteri, ac fugi-
tiva illa expuncta. His adde, quæ *Vir à* recon-
ditâ doctrinâ & elegantiffimis moribus com-
mendandus *Job. Mattheias Geſnerus*, Gymn.
Vinar. Con-Rector, nuper annotavit in *Cbre-
ſtomatbia Pliniana* ad Sect. XV. n. 20. p. 154.
adducto hoc epigrammate ex *Symposio* noſtro.

ad p. 92. Ænigma hoc LVII. ordine
Tom. II. lii ver.

versuum tamen immutato, profert *Gesnerus*, libro modò allegato, n. XX. 20. p. 209. ubi vide, quæ ipse docte annotavit.

ad p. 150. *per digitos supputandi ratio*.) In Catalogo MSS. Codicum, qui olim in Bibliotheca *Isaaci Vossii* fuerunt, a *Colomesio* concinnato, & hujus operibus in Edit. Hamb. adjecto, inter libros latinos n. 310. p. 884. aliquis occurrit, cui tit. *Ars computatoria per digitos incerti auctoris*.

Plura addere spatii forte angustia prohibet. Fruatur interim his lector benevolus, & si qua occurrent, minus forsan rectè dicta, ea æquo ut emandare animo haud gravetur, ad extremum ab ipso contendo.



IV.

Epistolæ aliquot ineditæ. (†)

A.

*Medica facultatis peritissimo viro doctori
Wolfgango Rychardo Ulmensi Domino
& amico suo integerrimo Joannes
Bobemus. (a)*

S. D. Legi his diebus, suavissime doctor,
schedam sub nomine tuo emissam de
horrendis quibusdam inundationibus, (b)
terræ motibus & peste narrantem, de qua non
Ii 2 satis

(†) Has itidem descripsi ex Volumine manu exarato, quod Virum Plur. Vener. Christianum Ehrhartum olim Præceptorem, nunc Fautorem meum honoratissimum benevole mecum communicasse P. I. p. 296. gratus sum professus.

(a) Joannes Boëmus Aubanus, natione Teutonicus, cujus habemus Libros tres de omnium gentium moribus, legibus & ritibus, sæpenumero recusos. vid. Conr. Gesneri Bibliothecam f. 391. edit. Tigur. A. 1545. Minus gratum esse potuit opus hoc, alias non prorsus ineptum, nobilibus & clericis Germanis, de quibus satis libere judicat autor L. III. C. XII. p. 255. & 257. editionis Francisci Perrini A. 1570. in 12.

(b) Videtur digitum intendere in imaginarium istud diluvium, quo orbi perniciem A. 1524. impendere Astrologi quidam, interque hos præcipue Joann. Stöflerus

fatis admirari potui : quo autore motus nugis his nugacissimis atque apertissimis subscripsisti. Accessisti forsan Joanni Hasfurdiano (quem mihi nunciasti diem obiisse extremum) qui in judiciis suis hoc super anno fatis horrenda, fatis temere & mendaciter prædicat : insigniterque reluctatur aliis astronomicæ artis peritissimis, quibus nequàquam ipse calceamenta solveret. Lege consilium quod doctissimus Niphus (c) Carolo Cæsari superioribus diebus de diluvio hoc significavit : & quod ego Joanni Heybler apothecario in linguam nostram vulgarem traduxi :

lerus, Mathematicus famigeratissimus ex conventu omnium planetarum in piscibus nunciaverant, & universæ Europæ eum injecerant terrorem, ut ipsi etiam Reges & Principes tremebundi haud exiguis sumtibus de mediis jam sollicitè prospicerent, quibus generali isti inundationi resisti posset. Eruditorum tum ea in re studia in partes scissa erant. Lectu dignissima sunt, quæ hoc de argumento divite manu exhibet Vir Summus, Petrus Bailius in Diction. Artic. Stöfler, not. (B) sq. Boëmus igitur noster haud fuit ex meticuloforum numero.

(c) Augustinus Niphus Philotheus Sueffanus, celeberrimus sui temporis Philosophus, ut orbem a gravi timore liberaret, A. 1520. in 4. Augustæ Vindelicorum Libros tres de falsa diluvii prognosticatione edidit & Carolo V. dicavit, vid. de hoc Viro ejusque scriptis Conr. Gefneri Biblioth. f. 105. sqq. & Nau-dæum in Judicio, de eo vulgato.

traduxi : lege quæ Episcopus Italus (d) Sempronius (si bene memini) Romano pontifici ea de re practicavit. Nihil me omnino portentosa, inconsulta, sed efficta mendacia movent. Sed sperandum & fortiter credendum Dei Opt. Max. Oraculo : Non perdam ultra aquis diluvii omnem carnem. Est omnis caro humanum genus : ne conjectoris veritas probetur. Tuum igitur erit perspectis aliorum doctorum virorum veridicis testimoniis pusillanimes confortare, erigere : ne talia formident unquam, atque maximis illis expensis parcant in obstruenda inundatione : quæ neque sic (etiam si veniat) compesci poterit. Vale mi Vulcane (e) mulciber Neptuni adversator bellissime. Ex Ulma die Dorotheæ.

B.

*Docto & humano Viro & Domino Wolfgango
Rychardo Medicina Doctori amico suo
charissimo, Johannes Bohemus tuus
ille vetus amicus.*

S. D. Admiraris si ne dubio, charissime Doctor, quam ob causam tam diu ad te
I i 3 scripse-

(d) Forte Paulus de Middelburgo, Foro sempronienfis Episcopus. vid. Baile l. c.

(e) Sæpius per jocum in literis seipsum Vulcanum pro Wolfgango nominat Rychardus. Qua vero de causa hic ingeniose eo nomine illum apellet Bohemus, facile me non monente vides.

scripserim nihil, inimicitiam aut odium fortassis aliquod me perperam fovere, otiumve sectari æstimare potes: Sed neutrum est. Tabellariorum me Hercules inopia fecit. Dedi omnem operam, ut ad literas quas M. Martii dieculis ad me dedisti responderem, commodum nuntium semper habere nequivi: aut enim iis qui ab Ulma ad nos venire alio eundum fuit: aut si qui à nobis hinc mittebantur me inscio iverunt: sic spe mea semper frustratus rescripsi ad hunc diem plane nihil; verum ut de conditione statuque meo certior fias, incolumem me & integrum esse Dei beneficio scias: atque (quod mihi desit nihil) beatum totum: contentus sorte mea, nihil percipio extra. Accessere mihi ex vicino aliquot amici: sed quia pro more suo aut fastu tument, aut lucro inhiant, mihi non conveniunt. Privatus itaque agens earum amicitiarum potius spectator sum quam admirator. Scripsi diu nemini: ob id præsertim, quod tam contraria sint hominum studia. Lutheranus(f) ipse totus factus sacerdotulis aliis
fabula

(f) Eam ipsam ob rationem hanc epistolam inserui, ut ex in Bohemum tandem in Lutheri partes concessisse, victasque manus, ipsius forte Rychardi argumentis

fabula sum: admirari possum, quod olim rantopere renitebar; non mentior tamen: mihi multa Lutherana opuscula comparavi: quibus perdius & pernox incumbo, alias nihil agens, genio studeo: sumque ob id robustior vegetiorque quam olim eram. Scire abs te & tuam & omnium nostrorum amicorum conditionem cupio: rescribe. Vale & salve doctissime Doctor ex Capffenburg: fratres nostros Elchingenses Dierlinum atque Phileremum charissimos meo nomine salvere feliciter jubeas.

C.

*Clarissimo Medico Vulcano Rychardo amico
suo non postremo Philomusus (g)*

ΕΥΡΕΤΗΣΙΝ.

UTriusque Apollinis mysta: arte medica
famigerabilis: & pleætro non inamœ-
lus:

li 4

nus:

mentis persuasum, dedisse pateret. Ex aliis enim ejus epistolis & carminibus manuscriptis illum a Megalandri nostri dogmatibus animo prius fuisse alieno novi, vide epistolam Rychardi ad Hegendorffium, quam inferius exhibeo,

(g) Jacobus Locher Philomusus, Poëta & Professor Ingolstadiensis, pro ejus ævi genio non ineruditus, qui præter varia carmina, aliaque opuscula Fulgentii Mythologiam, commentario illustratam
luci

nus : cum meam importunam podagram, cœcam, rabiosulam malagmatis, turundis & pharmacis salutaribus levare nequeas : quem morbum noster Plinius in multis curatum ac expulsum scribit : me interim dulcissimis verbis oblectas : quibus & pondus & gravitas elegantiaquè comes adhæret. Frustra in tuam Classẽm excandesces, quam Barbaralexibus ulcerosam esse putas. Si verum admittitur in hac literaria censura, in hoc quoquẽ verborum æquilibrium, præstantiores, tersiores cultioresque ipsis Jureconsultis, theologastris, sophistis, & leguleis archiatri, dogmaticique medici, & numero siquidem plures extiterunt. Ut paucos tamen in præsentis scheda explicem, non inconveniẽs esse reor : dabis veniam temerario præconi : qui lapidi insistent, non potest non proclamare excellentis ingenii viros, quorum monumenta oculis (ut aiunt) milvinis emissitiisque sæpius inspexi. Stephanus Bononiensis medicus à Philippo Beroaldo præce-

luci exposuit. Alio tempore de ejus vita & scriptis differam, cum ejus memoria perquam obscura sit. Quædam hujus viri opuscula enarrantur in Contr. Gesneri Bibliotheca. f. 357. Plura illius epistolia & carmina in eo ipso volumine, ex quo has hausi literas, latent adhuc anecdota.

præceptore dulcissimo in sermonis puritate, in affectataque ellegantia, Ciceroni oratorum principi subinde comparatus: cujus libri in Bibliotheca divi Jacobi chalybiis nodis & annulis vincti cum blattis luctantur. Petrum Racobonellam, Hieronymum ac Alexandrum, Veronenses Medicos, ore Latino melleos, charactere Romano togatis patribus haud absimiles: quis non ad astra lucida vehit? Invidum justa lance judicares: si meos synchronios ex medica classe doctissimos, comissimos, facundissimosque tibi non recenserem: Audi quæso, quos in album recipiam. Thomasius, Mediolanensis totius Insubriæ lux: cum Professoribus Musæ elegantioris pro palma sæpius certavit. Auantius Hieronymus eruditissimis annotationibus medicam philosophiam castigavit. Bartholomæus Bolognius Felsinensium archiater non aphorismis tantum sed versibus, oratione soluta, extemporalique facundia saxa movet, feras allicit, & flumina sistit. Germanos non prætereo. Quosnam? Joannem Cantarem & Theodoricum Vlsenium Phrysiis, quorum alter in Galenum: alter in aphorismos Hippocratis non salebrofas, non barbaras, non denique chimerinas commentatus

est annotationes. Joannus Nellus & Joannes Vuindeckius tam prosa quam versa oratione candidi fuerunt. Forte dicis, ubi sunt ingenii monumenta? ibi latent, ubi regnat invidia: Barbaries Scythica hæc omnia obruit: & ne in lucem veniant, cruce, furca, gabalo, pistrinis, ergastulo, hostimento, carcere prohibentur. Sine dulcissime Vulcane, me in tuis medicis luxuriari. Patavii medicinæ initiatum matricula me continet, meo voto nonnullos rectores elegi, & candidatos fovi; tunc medicum audiui, colui, observavi, nomine Petrum Leonem: qui non bis quinque scholasticis, sed ducentis legebat: cujus salarium excedebat (b) quadringentos mille florenos, qui Græcam, Arabicam, Hebræam, Latinam adamussim callebat. Quem meus Hermolaus Barbarus omnibus philosophis, magis, gymnosophistis, medicis præferebat. Proh dolor illius incomparabilis librorum suppellex duobus millibus Philippeis æstimata in momento periit. Væ tibi Florentia, quæ tantum virum necasti! Ab æmulis (ut fama fert) in puteum

(b) Hoc omnem superat fidem. Forsan Philomusus scribere voluit quater mille, vel quadringentos & mille florenos.

teum noctu productus & dejectus misere interiit (i). Reliquum est quod reticere non possum: quod & doctissimi quidam ex Italīs monuerunt me: quod & quotidie fieri cernimus, tralatoribus nostris impossibile esse in libris Græcis transferendis eundem colorem, eandem syntaxin eandemque speciem præstare posse: dum ipsi quasi aliud agentes, verborum elegantiae student: sententiarum gravitatem, veritatem materiæ & sylvam rerum amittunt. Hoc Cicero ante multa lustra testatus: hoc in vitis Plutarchi experimur, hoc in Sophocle Philippi: hoc in Euripide Erasmi: nunquam obtinebis, ut lingua Græca in Latinam traducta, eundem quem prius saporem teneat, natiuamque germanitatem conseruet. E contrario factum est in Ouidiana meta-

(i) De hoc Petro Leone & infelici ejus fato vide, quæ ex Reusneri elogiis notavi in P. I. p. 43. e quibus etiam hic adjicere juvat Jani Vitalis in eum epigramma:

Dum timet astrologus, sua fata, Leonius undas,
Et fugit e ripis magne Timæve tuis:
Illa eadem frustra fugientem adversa sequuntur,
Qua rapitur tacita nobilis Arnus aqua.
Hic tu florentem medicis Florentia curis
Præruptum (o facinus) corripis in puteum.
Astra repræsentat sic, funera dum fugit ille:
Tutius hunc poterant quam latuisse poli!

metamorphosi, quam Chalcidensis quidam natione, Venetiis Græcas literas publice docens in Linguam transmarinam traduxit: docte nimirum, sed infeliciter. Græca enim Syntaxis Ovidianam ac togatam eloquentiam referre non potuit; quære idiomatis etymon: facile colliges: quid etiam candidissimi in hac commutatione assequi possunt. Balbus balbum intelligit: hinc tuis Doctoribus faue, qui in propria lingua nec solæcissant, nec barbarissant. Podagricus sum, & consequenter insanus: non sanos licet esse poëtas. Accipe proinde in bonam partem nugamenta mea, quæ in foro teruntii non veneunt.

Me vocat Auripolis retinet male sana
podagra:

Dulce malum vini, terra Süeva polus.

Me vocat Auripolis, linguam mea crura
pedesque,

Jucundos latices: Ulmea prata so-
lum &.

Me vocat Auripolis: seiungor corpore
tantum:

Mens addita Manet: Doctor amice
vale.

Dii bene vortant.

D. Wolf.

D.

Wolfgangus Rycharus artium & medicina Doctor, humano & sane docto Christophoro Hegendorfino (k) Lypsia bonis literis addicto amico suo speratissimo.

SD. P. utraque & Ebrietatis & sobrietatis Encomia ex tuis scriniis edita doctissime Hegendorfine, obuiis manibus apud Bibliopolas novitate illecti conciliavimus atque pellegimus: pellectaque talia offendimus, quæ felicis ingenii sane sunt locupletissima testimonia, fragrantibus flosculis decentissime cæsariata: & delicatis salibus laute condita. Itaque cum nuper apud humanissimum poetam Joannem Bohemum fratrum meum & amicum de classicis vatibus varias inter colloquendum mentiones faceremus, tu vel imprimis ex Bohemi bucca profiliebas. Protinus ego gaudio attonitus audito tuo nomine & cum Bohemo familiaritate: qui meam in te admirationem olfaciens: statim obtulit epistolia tua ad se data: quibus lectis adeo tuæ amicitiae nanciscundæ fervore æstuavi: mihi non potui, non hoc moro-

(k) De Christophori Hegendorfini, J. U. Doctoris, scriptis vid. C. Gesneri Biblioth. f. 165. sq.

morositatis indulgere, tibi quæ aliis amicis tua sorte dignissimis cumulatissime ornato novam meam observantiam confarcinare: quæ etsi nec honori, nec utilitati forsitan tibi futura est, ne tamen noxia & detrimentosa fiat pro viribus curabo. Porro ne Africanum me monstrum alere suspiceris: intelligas me Apollinem una cum Luthero cernuum suspicere & adorare. Postquam autem ex literis tuis liquido cognoveram phœbeas tuas diuitias: & pariter Lutheri partes ex corde te fovere: tantam mihi addidisti amandi tui flammam: quantam alias nunquam. Nocturnos tamen Bohemi oculos in hac re, frontemque obduratam suspiritus deploro, qui hætenus nobiscum Lutheri sententiæ subscribere noluit. Tu tamen mi charissime Hegendorfine velut Baryphonus Stentoreus quidam tuis literis clamose intona: & crebriter Bohemi aures obtunde. Si quid vinctius & delicatius de Luthero conquisiueris, ad nos ocysus transcribas: quo athleticè pugilicè tandem adamata Bohemi pectora remolliamus: & fratrem fratres lucrifaciamus. Ego enim hoc suffragio apud me Lutherum deuoveo: quod Christum spernere existimem, quisquis Lutherum spernat. Quare tuum illud
dystichon

dytichon totum bracteatum, totum ad palatum & stomachum mihi opipare condu-
cens, quo canis :

Hæresibus si dignus erit Lutherus in vllis
Et Christus dignus criminis hujus erit.

Ita enim nos reddidimus, quoniam sic per-
placuit, quod te non potuimus reddentem
operiri moræ impatientes: nam taliter ad
nos venerat.

Si cadit in doctum Lutherum forsan heresis
Et Christus dignus criminis hujus erit.

Hoc dytichon viciatim tanquam panegyri-
cum spectaculum & velut mare in concha
coram omnibus amicis circumferam: hoc
dytichon meum de Lutheranis scriptis ca-
ptum: & tuum Apollineum furorem primo
calculo dignissimum comprobabo. Præte-
rea si qua carmina vel ex aliorum vel ex
tua officina apud vos hospitemini, fac ad
nos perferantur: hæc una re, nec mihi,
nec aliis bonarum literarum mystis, qui hic
sunt, gratius præstare queas nihil. Tota
Suevia Lutherum Evangelii tympanotri-
bam: & syncera fontanalia celebrantem
admiratur & succollat: ejusque nomine
nihil apud nos spectatius emergit. Est au-
tem olidus hircuitasus quidam Luthero Zoi-
lus

lus pforam suam scalpens: susque in Palladem glaucomata oculis nostris objicit, nasumque nostrum ozenam & polypum occupare ratus: putida & nugalia quædam deblaterat, per theutonicos libellos mendacia purpurissata cerussataque divulgavit, nixus spurcissimis Lutherum maculis aspergere. Sed nauseam ad vomitum usque omnibus dextris commovit. Sunt tamen fontici & contagiosi libelli per cuticularem sententiam immatura plebeculæ ingenia illudentes: quapropter Lutheri discerniculo opus erit. Hosce libellos si Lutherus dignis carbonibus depinxerit: nos per literas certiores redde: quo exemplaria nobis ex Noriberga comparemus: & interea ægriores mentes consolemur. Tu vale & me commendatum habe.

Ad vos Lypficos illud meum Carmen subjeci in Lutheri partes vos adhortans, quo manus manum fricet: dans muscas, ut vestros olim Elephantes recipiam.

Eccè novum capiunt nostratia secula vultum,
Et novus in nostris claret Apollo scholis.
Nunc iterum rigidi scandunt ad rostra Cato-
nes

Justitiæ cultus cœpit habere locum

Exul

Exul erat pietas: terrasque Astrea reliquit:

Qui verum auderet dicere, nemo fuit.

Sed jam Lutherus, multa comitante caterua,

Felici nisu, vera docere jubet.

Et steriles sulcos Christi peraravit aratro:

Et Paulina sua semina sevit humo.

Lypsenses vates modo vos æquate cylindro

Horrea: quod vestri muneris esse reor.

Neu dum triticeæ veniant cum fœnore
messes,

Scrupus trituræ noxius esse queat.

Lætas Aonio segetes aspergite rore,

Et viridi totus gramine crescet ager.

Carduus & lolium vestro subversa ligone

Marcescant: mordax eruta lappa cadat.

Si quoque vel corui, vel turba nociua vo-
lucrum,

Vel malus anser adit, strymoniæve grues:

Aucupio pereant vestro; prætendite sepem,

Quo minus infestet sordidus ursus agros.

Rescribe per amanuensem: nam tui cha-

racteres sunt lectu adeo difficiles, &

quasi lituræ. Vale ex Ulma quinto

Calend. Februarias A. 1521.

Hisce epistolis *ἐπιμύσεια* loco subungere pla-

cet aliquot epigrammata non inelegantia,

forte adhuc inedita, ex eodem volumine

MSto, quod præterea plurima alia hujus generis continet.

I.

De Leone Papa.

Dum Leo conatur falso pessundare pacto
Lutherum, sancta religione virum:
Irrita fecerunt superi mala vota Leonis,
Et pro Luthero mortuus ipse Leo.

2.

Lutherus de se ipso.

Quæsitus toties, toties tibi, Roma, petitus
En ego per Christum vivo Lutherus adhuc.
Una mihi spes est, qua non fraudabor, Iesus:
Hunc mihi dum teneam, perfida Roma vale.

3.

De imagine Lutheri.

Explicat hæc facies Martinum picta Lutheri,
Qui veram Christi scit docuisse fidem.
Hactenus ingenium sua per monumenta Lu-
therus
Præbuit: ast faciem picta figura refert.


4.

Aliud.

Nosse satis fuerat sua per monumenta Lu-
therum,
Atque loco lucri picta figura venit.
Cernite formosam formoso in corpore men-
tem:

Degenerem mentem vix caro pulchra tegit.

V. Obser.



V.

Observatio.

*De Libro Henrici Cornelii Agrippæ
de Incertitudine & vanitate omnium
scientiarum & ar-
tium.*

ANimus est peculiari observatione frau-
des illas & latrocinia, (a) quæ in fa-
mosissi-
Kk 2

(a) Plura librorum maligne corruptorum exempla
suppeditant Dan. Francus in Disquisitione de Papista-
rum Indicibus Librorum Prohibitorum & Expur-
gand.

mosissimum *Henrici Cornelii Agrippæ librum de Incertitudine & Vanitate Scientiarum & artium ac excellentia verbi divini* editores Lugdunenses maligne commiserunt, detegere, atque adeo opus hoc suæ restituere integritati. Si quid judico, inter omnia Agrippæ scripta hoc præstantissimum est, & caput effert, exquisita eruditione & gravissimis contra illius ætatis errores atque vitia testimoniis refer-tum. Non serio ubique rem suam agere mihi videtur autor (b) sed animi saltim gratia scientias & artes, etiam nobilissimas, ipse πολυμαθὴς ἄλως, impugnare, pari fere ratione,

gand. C. Læscherus in Diss. de Latrociniiis, quæ in Scriptores publicos ab hæreticis solent committi, & J. C. Wendlerus in Tract. de Libris a Pontificiis aliisque hæreticis in præjudicium doctrinæ purioris suppressis & corruptis, quam demum adeptus sum cum Dissertatio mea de libris rarioribus sub prælo jam sudaret, alias ejus supra meminisssem.

(b) cf. Casauboniana p. 4. & Celeb. Wolffii notas, nec non Eruditissimi Gottlieb Stollii, e cujus lectionibus litterariis me olim in Academia Jenensi profecisse gratus profiteor, Historie der Gelahrheit Prolegom. §. LVI. Hunc vero Agrippæ librum erroribus non vacare lubens concedo.

tionem, qua nuper Petrus Burmannus in humanitatis literas, ipse iis instructissimus, investus est. Seculi vero sui mores ubique data occasione libere & acerbe satis carpens, non potuit non irritare crabrones, multorumque, cumprimis monachorum, in se odia convertere. Audiamus ipsum, ea de re sic conquerentem (c): *cum nuper edidissem declamationem illam de vanitate scientiarum atque excellentia verbi Dei, quam in hoc ipsum scripsi, partim ut segniora ingenia ad defendenda bonarum literarum studia excitarem, partim ut monachis istis concionatoribus arguendorum in omni exercitii genere vitiorum non frigida argumenta conferrem, illi hoc beneficium meum ingrato pensantes animo, pariter omnes communem hostilitatem mihi indixerunt, jamque passim a suggestis, a pulpitis, in publicis concionibus, apud promiscuam plebem magnis vociferationibus adversum me clamabant irascebanturque, atque nullam impietatem, nullam heresin, nullum contumeliae probum in me non transferebant, mirisque gesticationibus, puta illis digitis, jactatis manibus raptimque retractis, collisis dentibus, fremendo, conspuendo, vicissimque*

Kk 3

scal.

(c) Lib. VII. Epistol. XXXV. p. 379.

scalpendo caput & rodendo ungues, & calcitrando pedibus insanientes, nullum penitus amentia genus omittebant, quo Principis & populi odium iracundiamque in me excitarent. Nec miror ego, tantopere propterea multorum in Agrippam arsisse odia: hoc potius miror, ignem illum effugisse, eumque hac de causa felicem prædico. Prima hujus libri editio A. 1530. prodiit: eo enim anno mense Decembr. ex Mechlinia ita ad amicum scribit (d): *Quodsi rudem non dedigneris calamum, & vacat tibi legere, quod ego aliquando in variis disciplinis profecerim, in hac ipsa declamatione nostra, de vanitate scientiarum inscripta, quam ad te mittimus, conspicias, in qua tamen innumeros typographi errores excusabis. Parum abest, quin ejus lectionem & venditionem à censoribus vetitam mox fuisse credam. Sic enim amicus quidam A. 1531. nostrum in literis (e) compellat: Heri sub noctem amicus quidam meus, cui nonnihil apud dominum Hostratum fuerat negotii, mihi retulit, sese illic cognovisse ex ore, ni fallor, ipsius domini Hostrati, parari adversus tuos de vanitate*

(d) Lib. VI. Epist. VIII. p. 286.

(e) Lib. VI. Epist. XXX. p. 319.

tate scientiarum libros nescio quod mandatum
sive edictum prohibitorium, ne quis illos vel
vendere posthac vel legere audeat. Id quo-
niam tua referre, ut scias, existimavi, non
potui, quin statim tibi indicarem, quo posses,
re adhuc aliquo modo integra, vel mature oc-
currere commoda apud D. Dominum insinua-
tione, vel aliter tua existimationi, ut commo-
dissimum videbitur, prospicere. Unde vero
hac turba veniat, ab Lovaniensibusne, an
aliunde, deprehendere nondum certo potui.
Id interim liquet, in Indice prohibitorio
Concilii Tridentini Agrippam primæ classis
hæreticis accenseri, ejusque opera omnia
proscribi: quod in Elencho librorum pro-
hibitorum omnium per Franc. Magdale-
num digesto, & prima vice Romæ in typo-
graphia Cameræ Apostolicæ A. 1632. in 12.
excuso, nec non in Indice prohibitorio
Clementis XI. itidem Romæ A. 1711. in 8.
vulgato repetitum esse vidi. Nec forte in-
juria: si audias Hieronymi Hirnhaim judi-
cium, sed iniquum satis, in præfatione,
Typho generis humani præmissa, ita decla-
mantis: *Titulum de vanitate scientiarum præ-*
senti opusculo præfixurus eram, sed veritus
fui, ne si a fronte signum hoc præferret, ti-
morati lectoris animum statim a se averteret;

tanquam ea interius propinaret, quæ simili sub hedera exitiose propinat liber Cornelii Agrippæ, qui de vanitate scientiarum volumen pariter exaravit, dignum meo quoque arbitratu, in quod ingeniorum omnium scientiis excultorum acies & aculei stringantur, dignum tenebris, dignum infernali cum probrosis authoris sui manibus addici Vulcano &c. Hoc tamen non obstante, plus simplici vice liber iste, quem ego potius dignum esse censeo, qui in omnium literatorum versetur manibus, recusatus fuit, & A. 1713. in Germanicum quoque sermonem, sed inepte, translatus. Quin imo Lugduni per Beringos fratres A. 1600. non hic solum liber, sed & reliqua ejus opera omnia, Summorum Pontificum decretis susque deque habitis, in forma oſtipertita prelo iterum subjecta fuere. Qua vero fide (ea scilicet, quam Punicam & Græcam merito dixeris) illud factum sit, pluribus jam demonstratum dare, operæ pretium esse duco. Contuli enim aliquando ex amussi rarissimam libri de vanitate scientiarum editionem, A. 1532. in 8. absque loci indicio publicatam, cum ea, quam Lugdunenses dederunt, ac deprehendi, haud pauca in hac vastre & malitiose reſecta esse. Hunc labo-

laborem eo lubentius in me suscepi, quod in ipsa recentissima illius operis editione Francofurti & Lipsiæ, vel verius Stetini, A. 1714. sumtibus hæredum Plenerianorum in 12. vulgata, quæ omnium teritur manibus, cuncta ea quoque deesse animadverti, quæ in Lugdunensi desiderantur, ut adeo illa ad hanc expressa fuisse videatur. Hac occasione mirari subiit, Lugdunenses editores, in isto libro mutilando tam studiosos, non supersticiosissimum duntaxat librum quantum de occulta philosophia seu de ceremoniis magicis, Agrippæ perperam affictum, sed & alia opuscula insipida, æternisque tenebris digna, v. g. Petri de Abano Elementa magica, G. Pictorii Villingani de speciebus magiæ ceremonialis, quam Goëtiam vocant, epitomen &c. luci exponere publicæ veritos haud fuisse. Hoc tamen ingenue etiam profitendum est, non omnia veritatis testimonia, ab Agrippa prolata, atroces editorum manus esse passa, sed haud pauca, eaque gravissima, in ipsa illa manca editione extare adhuc integra & illæsa. Cæterum perspicacissimus Bailius post Th. Cremonium jam editionem Lugdunensem mutilatam esse annotavit. Ita enim ille (f)

Kk 5

Disons

(f) In Diction. artic. Agrippa. f. 110.

Difons auffi, que l'Edition de fes Oeuvres, faite a Lion, en deux volumes in 8. est mutilée dans un endroit, qui pouvoit déplaire aux gens d'Eglife. Idem in observationibus, textui subjectis, post alia hæc habet: Voilà un passage, qui ne paroît pas dans l'Edition de Lion. Mr. Crenius, qui a fait cette découverte, s'est bien plaint de cette supercherie. Voie ses paroles: Mala fide per Beringos fratres Lugduni A. MDC. in 8. edita sunt Henrici Corn. Agrippæ Opera; utpote in qua multa omiffa sunt editione, qua in prioribus erant. Atque ne hoc gratis dixiffe videar, capias exemplum e tractatu de Incertitudine & Vanitate Scientiarum atque artium, in cuius C. LXIV. p. m. 189. de Lenonia sequentia hæc, qua ex optima, recognita, plena & scholiis marginariis (retineo vocem in titulo libri positam) illustrata editione, sine loci adjectione, A. MDXXXVI. in 8. excusa, admodum rara, daturus sum, in Lugdunensi plane dempta sunt: Jam vero etiam lenociniis militant leges atque canones, cum in potentum favorem pro iniquis nuptiis pugnant, & iusta matrimonia dirimunt: sacerdotesque sublati honestis nuptiis turpiter scortari compellunt: malueruntque illi legeslatores sacerdotes suos cum infamia habere.

con-

concubinas, quam cum honesta fama uxores, forte quia ex concubinis illis proven-
tus est amplior. De quo legimus gloria-
tum in convivio quendam episcopum, ha-
bere se undecim millia sacerdotum concu-
binariorum, qui in singulos annos illi au-
reum pendant. *Hæc omnia, & alia forte
plura, neque enim integrum hætenus contuli,
pro more eraserunt adversarii, clarum relin-
quentes documentum, illorum quid editionibus
tribuendum* (g). Miror, ne hunc quidem
locum in novissima editione Stetinenſi
restitutum esse. Haud vero vanam fuisse
diligentissimi Crenii suspicionem, ex dicen-
dis mox patebit. Cum enim cætera loca,
quæ in recentioribus editionibus desideran-
tur, ab aliis, quod ego sciam, annotata
non sint, ea fideliter hic adscribam, ut
Agrippæ sic postliminio sua vindicentur. Vi-
delicet hæc deficiunt *Cap. LXII. de sectis mo-
nasticis* in edit. Lugdun. p. 114. lin. 32. in
editione vero Stetinenſi p. 273. lin. 14. post
verba *sed bodie* pauci inter eos boni, *ingens
autem. Cap. XCII. de Jure Canonico* edit.
Lugd. p. 208. l. 25. Stet. p. 500. l. 7. post v.
compilavit tyrannus ille Pontificum *Bonifa-
cius*

(g) Animadvers. Hist. Phil. Theol. P. II. p. 14. 44.

cus VIII. Cap. XCVI. de arte Inquisitorum ed. Lugd. p. 213. lin. 40. Stet. p. 513. l. 10. post v. *ignem evasere* : Possem hoc loco referre famosi illius Hoochstrati cæterorumque Colonienſium meorum ſubtile admodum & plusquam ſcotiſticum inventum de inquirendis Judæis, omnemque illam Capnionis tragoediam, & decennale bellum, in quo omnis Colonienſium magiſtrorum noſtrorum nomen & fama & doctrina irreparabile naufragium fecerunt, niſi hæc omnibus notiſſima eſſent, & Capnionis triumpho omnibus ſeculis clara hiſtoria. *Fuit mihi olim. Cap. XCVII. de Theologia Scholaſtica* ed. Lugd. p. 216. l. 14. Stet. p. 519. l. 5. post v. *atque hi tunc ſubtiles, angelici, ſeraphici & divini doctores vocantur.* eod. cap. ed. Lugd. p. ead. l. 42. Stet. p. 520. l. 18. post v. *attendentes.* Hinc nullus theologorum nunc vere doctus habetur, qui non in ſectam aliquam juraverit, illamque mordicus teneat pertinaciterque defendat, illiusque nomen & ſtigmata nuſquam non oſtentet, & in ore habeat, & ejus titulo ſe ſalutari & præferri glorietur, ut Thomiſtam, Albertiſtam, Scotiſtam, Occamiſtam. Nam purum Chriſtianum dici tantis magiſtris noſtris non eſt honeſtum, cum

cogno.

cognomentum illud quilibet lanii, coci, pistores, futores, tonsores, lixæ, sed & mulierculæ quæque indoctæque plebecula cum illis habere queant commune. *Atque bi sectatores.* eod. cap. edit. Lugd. p. 217. l. 15. Stet. p. 521. l. 17. post v. *idololatria.* Transeo cæteras eorum hæreses contentionesque de sacramentis, de purgatorio, de primatu pontificum, de præceptis & eorundem obligationibus, de indulgentiis, deque futuro Antichristo, & multis aliis, in quibus suam ostendunt insanam sapientiam, cujus præsumptione tumidi & inflati, velut qui fabulis referuntur gigantes, quæstiones quæstionibus, argumenta argumentis adgenerantes, extollunt sententias suas adversus Deum, super quorum impietatem ira Dei de coelis revelatur. *Ceteri vero.* eod. cap. edit. Lugd. p. 218. l. 11. Stet. p. 523. l. 23. post v. *sed* de istis satis: neque enim tutum est, eos liberiori loquendi ratione redarguere; solent siquidem, quoties exacerbantur, conspire, & redarguentes eos coram inquisitoribus suis in jus rapere, & ad palinodiam adigere, nonnunquam fasciculis tradere aut oblato toxico secrete e medio auferre. Habent enim & hoc inter arcana religionis symbola, si quis scandalum molietur religioni,

gioni, fas piūque esse, illum clam dato veneno tollere; ne diffametur ordo, si quis illorum publice puniretur, quare *dismissis istis. Cap. XCVIII. de Theologia interpretativa.* edit. Lugd. p. 220. l. 24. Stet. p. 529. l. 12. post v. *voluminibus*, sed non etiam sine multis erroribus *tractatam.* ibid. ed. Lugd. lin. ead. Stet. lin. 13. post v. *neque vero* vos seducat illorum sanctitas auctoritasque, ut *illis. Cap. XCIX. de Theologia prophetica.* ed. Lugd. p. 221. l. 12. Stet. p. 531. l. 6. post v. *quod verbum* non ad magistros nostros, *non ad contentiosos theosophistas*, non ad indulgentiarum cauponatores *dictum est. Cap. C. de Verbo Dei.* edit. Lugd. p. 227. l. 8. Stet. p. 545. l. 13. post v. *judicare*, nec ullorum quorumcumque doctissimorum aut sanctissimorum dogmatibus, glossis, commentis cæterisque dictis alligari, quicumque citra vel ultra divini verbi auctoritatem loquuntur. *Quodcunque.* ibid. edit. Lugd. l. 11. Stet. l. 17. post v. *Philosophorum* nulla theologorum Sorbona, *nec.* eod. cap. ed. Lugd. p. 229. l. 28. Stet. p. 551. l. 11. post v. *amatores*: atque utinam non etiam multi illorum sub prætextu theologiæ defenderent doctrinam Satanz, veritatem verbi Dei conculcantes atque damnantes.

res. *Nunc igitur.* cod. cap. edit. Lugd. p. 230. l. 7. Stet. p. 552. l. 18. post v. *tragædias*, Sorbonicas contentiones, cucullionum hypocrites, & *sanctorum.* cod. cap. ed. Lugd. p. 232. l. 6. Stet. p. 557. l. 9. post v. *pertineat*: quodve sic concreditum sit istis sesquipedalibus magistris nostris, ut id Christianum populum debeant possintve celare: *quin tota.* Cap. CI. *de Scientiarum magistris.* ed. Lugd. p. 233. l. 28. Stet. p. 560. l. 25. post v. *inquinati*, & in quorum corde tanquam in tabula rasa nihil adhuc depictum est humanarum traditionum: *qui sunt.* ibid. ed. Lugd. l. 31. Stet. p. 561. l. 3. post v. *justitiam* ab illis contentiosis sophistis, ac pro beanis & asinis ridentur, & traducuntur in scholis, prohibentur a pulpitis, ejiciuntur gymnasiis, nonnunquam calumniantur hæretici: etiam periculum capitale in eos statuitur, & diris suppliciis vita privantur. *Sic Athenis.* Præterea editio Lugdunensis p. 213. lin. 5. pro *rapacium luporum tribunal*, quod vetus editio habet, data, ni fallor, opéra, sed nullo sensu, *rapacium authorum tribunal* exhibet, quod sphalma etiam expressit Stetinensis editio p. 511. lin. 12. Plura forsan hujus generis supersunt, quæ meam effugerunt industriam.

Cæterum ea , quibus in calce vetustæ editionis ab illo , qui ejus curam gessit , compellantur Lectores , digna nobis visa sunt , quæ heic quoque adscriberemus , cum in recentioribus frustra quærantur. „Si verum est , quod Oratius ait : Omne tulit punctum , qui miscuit utile dulci , multis sane nominibus hic liber Agrippæ vobis gratissimus esse debet : nimirum in quo dubites , plusne sit frugis an jucunditatis. „Ita vera dicendo delectat , & delectando veritatem in Democriti puteo demersam velut postliminio in lucem revocat : dum omnes omnium scientias ad sacram illam scripturam , divinitus (ut inquit Apostolus) inspiratam , velut ad Lydium aliquem lapidem examinat , tam apposite sciteque rem ipsam citra circuitiōnem aliquam explicans , ut nullus Apelles penicillo melius exprimere potuisset : Verum si quibus forte tam tenellæ sunt aures , ut mordacem hanc veritatem ferre æquo animo nequeant , atque ob id lingua viperina obloqui cœperint , nimirum quod in suam professionem quippiam minus pro dignitate dictum putent , ii meminerint , se nihil adversus auctorem dicere , sed suam ipsorum sceleratam conscientiam prodere.

„Nihil

Nihil enim peculiariter in facultatem ali-
quam scriptum est, sed generatim in omnes.,
Qui vitia sua agnoverit, cuique conscien-
tia secretam in aurem obganniverit, ut,
Persius inquit, illum summa ope adniti de-
cet, ut sese corrigat : sin minus, nihil in-
se dictum putet. Contra si quis meliora,
candide ac citra invidentiam in medium,
adferre poterit, is non solum apud studio-
sos omnes, verum etiam apud ipsum au-
ctorem se summam gratiam initurum.,
nihil ambigat. Bene vale. Parisiis apud,
Sorbonam., Præmissum est huic editioni
privilegium Caroli V. Imp. Gallico idiomate
Mechlinii A. 1529. d. 12. Januar. datum,
quo Agrippæ libri de occulta philosophia,
de vanitate scientiarum, in artem brevem
Raymundi Lullii commentaria & Tabula
abbreviata, nec non quædam orationes &
epistolæ muniuntur, aque Georgio de
Themseke & Hermanno Sunderhuisen jussu
Cæsaris examinata hæc opera & approbata
dicuntur. Tandem uno verbo hoc etiam
monendum est, in margine veteris illius
editionis passim notulas quasdam compa-
rere.

Cæterum duo adhuc, ad hujus libri hi-
storiam pertinentia, quæ supra suo loco præ-

termisi, heic mihi adjicienda sunt. Primum, quod jam (Lib. IV. Epist. 44. p. 189.) An. 1526. d. 16. Sept. Capellanum Noster certiolem fecerit, se opus hoc elaborasse: *Scripsi his diebus volumen satis amplum, cui de incertitudine & vanitate Scientiarum, atque excellentia verbi DEI titulum feci. Tu, si aliquando videbis, credo, laudabis argumentum, admiraberis tractationem, & judicabis Regia Celsitudine non indignum: sed ego illud Regi dedicaturus non sum. Irvenit namque opus illud Patronum sui cupidissimum, & de me optime meritum.* Nulla tamen vestigia deprehendo e quibus librum hunc, tum quidem compositum, ante Annum 1530. in lucem prodiisse apparet. Alterum fata adversa, quæ opus hoc vix natum expertum est, ipsius Agrippæ calamo sic depingit: *Ego, quanto fuerim in periculo, jam primum rescivi. Tantum enim, dictum est mihi, prevaluerant cuculliones illi apud Dominam (Margaretam intelligit) sed muliebriter religiosam principem, ut, nisi illa mox periisset, jam ego, quod maximum crimen est, monachalis majestatis sacraque cuculla reus, tanquam in religionem Christianam impius, periturus fuisssem: sed & nunc audio, illos adversum me multo crudelius instare apud Cæsares; & librum nostrum*

strum de Vanitate magnis calumniis onustum tradidisse Ferdinando Casari primum, qui illum tradiderit Carolo Augusto, graviter indignato, suas literas suaque sigilla ipsi praeixa, mibique comminato nescio quas Cantharidum minas. Itaque jam non aliud expecto, nisi ut verificentur omnia illa, quorum ego in praefatione ad lectorem mihi vates fui. Hæc scripsit Mech-

liniæ An. 1531. d. 19. Januarii.

Vid. Lib. VI. Epist. 15.

p. 294.



VI.

ELIÆ EHINGERI

VIRI QUONDAM CELEBERRIMI

DE

FIDELITATE SERVANDA

In

AUTORIBUS CITANDIS

DISSERTATIO

nunc primum e Schedis Ejus edita (a).

*Iliacos intra muros peccatur & extra, vetus
& verus est versiculus, quo declaratur tam
Trojanorum, quam exterorum profligata
malitia. Injusti sunt Barbari, Testimonio
Salviani de Gubernatione DEI lib. 4. p. 137.*

& nos

(a) Debeo hanc dissertationem benevolentiae Viri Clarissimi, & eximia eruditione ornatissimi, Jacobi Brukeri, nunc Rectoris Scholæ Kaufbyrensis, & Rever. Ministerii Evangel. ibidem adjuncti, optime merentis, qui non hanc solum, sed & plures ejus generis ex beati viri Schedis autographis, quarum dignissimus possessor ipse factus est, liberaliter mecum communicavit. Quicquid ergo utilitatis ac voluptatis cum ex hac, tum ex aliis, in posterum a me vulgandis, capies, id omne Præstantissimi Brukeri humanitati acceptum feres. Hac ratione bene mereri perget de manibus B. Ehingeri, cujus vitam, elegantissima commentatione descriptam, non ita pridem luci dedit publicæ.

Et nos hoc sumus : avari sunt barbari, Et nos hoc sumus : cupidi sunt barbari, Et nos hoc sumus : impudici sunt barbari, Et nos hoc sumus : omnium denique improbitatum pleni sunt barbari, Et nos hoc sumus.

Jam de FIDELITATE servanda in citandis auctoribus agam, absque respectu personarum: vestrum erit, benignè legere, benignius judicare, benignissime a falsis citationibus abstinere.

Et primo quidem Scriptores Pontificios fidem historicam non semper servasse, adduco vobis GRATIANUM, qui Augustinum Tom. 9. Tract. 30. in Johannem scribentem p. 168. *Sursum est Dominus, sed etiam hic est veritas Domini, corpus enim Domini, in quo surrexit, IN UNO LOCO ESSE POTEST*, Augustinum, inquam, corripit, quod scripserit, *in uno loco esse potest*, Gratianus ait, *in uno loco esse OPORTET*.

De hoc Gratiano Possevinus Appar. tom. I. p. 560. inquit : *sciendum est, eum saepe errasse, tribuentem iis autoribus opera, quorum non essent : insuper monet, eum circumspicte legendum.*

GRETSERUS de Cruce l. I. c. 63. p. 225. *Nec est, quod moveatur autoritate Gratiani, quippe cui potius cura fuit veterum*

sententiam in unum colligere, quam accuratiore disquisitione, quamam genuina, & qua notba seu commentitia essent, indagare.

D. JACOB KELLER Tom. 2. Catholici papatus p. 650. Gratianus hat der Fablen mehr in seinen Codicem hinein geflickt, zwar gut gemeynt, aber nicht gut gemacht; Uns binden keine Canones, sie seyen dann ex responsis Pontificum oder Conciliis genommen, oder von solchen approbirt, gut geheissen in üblichem Gebrauch der Kirchen halben, andere gelten nicht mehr, als die, so es geredt haben.

Bellarminus Ambrosium corruptit, de Sacramento Eucharistiæ l. 4. c. 13. p. 274. Ambrosii verba sunt in libro de initiandis mysteriis, c. 9. *Ipse clamat Dominus Jesus, hoc est corpus meum: ante benedictionem verborum cælestium alia species nominatur, post consecrationem corpus Christi SIGNIFICATUR.* Bellarminus ita citat: *ante benedictionem verborum cælestium alia species nominatur; post consecrationem corpus Christi EST.*

Anne Bellarmine, omne quod significatur, EST? ita circumcisio EST Baptismus, ita agnus paschalis EST corpus Christi?

In Concilio Aphricano ex PETENTIBUS faciunt POTENTES. Episcopi præfentes

sentes re cognita & penitus explorata ad
Cœlestinum Episcopum tum Romanum hoc
modo rescripserunt. *Decreta Nicena sive
inferioris gradus Clericos sive Episcopos suis
Metropolitanis apertissime commiserunt: pru-
dentissime justissimeque providerunt, quacun-
que negotia in suis locis, ubi orta sunt, fini-
enda: nec unicuique provincie gratiam San-
cti Spiritus defuturam, quæ equitas a Christi
Sacerdotibus & prudenter videatur, & constan-
tissime teneatur; maxime, quia unicuique con-
cessum est, si iudicio offensus fuerit cognitorum
ad concilia suæ provincie, vel etiam universale
provocare, nisi forte quispiam est, qui credat
unicuique DEUM nostrum posse examinis inspi-
rare justitiam & innumeris congregatis in Con-
cilium Sacerdotibus denegare: aut quomodo
ipsum TRANSMARINUM JUDICIUM rationem
erit, ad quod testium necessaria persona vel
propter sexum, vel propter senectutis infirmita-
tem, vel multis aliis intercurrentibus impedi-
mentis adduci non poterunt? Nam ut aliqui
tanquam a tuæ Sanctitatis latere mittantur,
nulla invenimus Patrum Synodo constitutum:
quia illud, quod pridem per eundem Coepiscopum
nostrum Faustinum, tanquam ex parte Niceni
Concilii exinde transmisistis, in Conciliis verio-
ribus, quæ accipiuntur Nicea a S. Cyrillo Coepi-*

scopo nostro Ecclesie Alexandrina, & a Venerabili Attico Constantinopolitana antistite ex authentico missis: tale aliquid non potuimus reperire. Executores etiam Clericos vestros, quibusque PETENTIBUS, nolite mittere, ne fumosum typhum seculi in Ecclesiam Christi videamur inducere.

Huc usque Concilii verba.

Adhæc Pontificii Concilium Laodicenum corruerunt. Nam in hoc Concilio Canone 35. exerte cultus angelorum fuit prohibitus, quod non oporteat Christianos Ecclesiam DEI relinquere, & ire atque angelos nominare, & congregationes facere, quæ interdicta noscuntur, si quis igitur inventus fuerit huic Idololatriæ serviens, sit anathema, quia dereliquit Dominum nostrum Jesum Christum, filium DEI, & se Idololatriæ tradidit.

Hinc Origenes contra Celsum lib. I. Ubi nam invenis in Mose tradi cultum angelorum, σεβειν τοὺς ἀγγέλους. Et lib. 5. p. 237. Hos Spiritus angelos ex officio suo nominari docti invenimus, propter divinitatem quandam, interdum Deos vocari a Sacra Scriptura, sed non sic, ut jubeamur eos adorare, aut divinis honoribus colere, quamvis dona Dei afferant. Omnia enim vota, omnes interpellationes, deprecationes, & gratiarum actiones destinanda sunt

sunt ad DEUM rerum omnium Dominum per majorem omnibus angelis summum Pontificem, vivum Verbum & DEUM. Gratias agemus etiam ipsi verbo, interpellabimus, vota & preces ei offeremus, modo intelligamus, quomodo hac accipiantur vel abusive vel proprie. Angelos enim invocare absque illorum cognitione, cujus homo capax non est, non videtur rationi consentaneum. Atque ut demus ab homine comprehendendi, miram quandam & arcanam eorum notitiam officiorumque, quibus funguntur singuli, hoc ipsum cohibetur, ne quis audeat preces offerre, nisi soli Domino DEO, qui unus omnibus abunde sufficit, per servatorem Dominum nostrum, DEI filium, Verbum, sapientiam, veritatem, & quicquid de hoc prophetarum Apostolorumque Jesu litera predicant. Idem Origenes l. 5. contra Celsum p. 241. αὐτὰ καὶ τοὺς ἐν τῷ οὐρανῷ ἀγγέλους οὐδεὶς τῶν δουλευόντων τῷ Μωυσέως νόμῳ προσκυνεῖ. Quia & cœlestes angelos nemo adorat, qui se legi Moysi subdidit.

Bartholomæus Carranza in summa Conciliorum pag. 97. ex imperitia Græcæ linguæ (b)

Ll 5

legit:

(b) Græcæ linguæ imperitiam, quam Ehingerus hic Carranzæ objicit, probare etiam posset hæc inscriptio Canonis XVI. Concilii VI. Constantinop.

P. 240.

legit : QUI ANGULOS COLUNT. Ex angelis facit ANGULOS.

Invocatio Angelorum à S. Johanne repudiata , à Concilio Laodiceno condemnata , ab Origene explosa est. Ergo neque nobis admittenda.

In antiquitatibus Britannicis p. 85. rex Eadgarus : AD NOS SPECTAT EXAMEN DE MORIBUS CLERICORUM. Pontificii corrumpentes textum invertunt , quasi Rex Eadgarus dixerit : *de quorum omnium moribus AD VOS spectat examen. Quoniam magnificavit misericordiam suam Dominus facere nobiscum, dignum est, o Pater reverendissime, ut innumeris illius beneficiis dignis respondeamus operibus. Neque enim in gladio nostro possidemus terram, & brachium nostrum non servavit nos, sed dextra ejus, & brachium sanctum ejus, quoniam complacuit illi in nobis. Justum proinde est, ut qui omnia subjecit sub pedibus nostris, subjiciamus illi & nos & animas nostras, ut hi, quos nobis subdidit, ejus subdantur legibus, non*
segni-

p. 240. edit. Antverp. 1564. in 8. De quibus DIACONIBUS loquatur liber Act. Apostolorum. Sed facile concedo, esse heic mendum typographicum. Nam ex ipso hoc Canone & aliunde perspicimus, Carranzam recte voce *Diaconus* in secunda declinatione usum esse.

segniter elaboremus. ET MEA QUIDEM INTEREST laicos cum equitate jure tractare, inter virum & proximum suum justum judicium facere, punire sacrilegos, rebelles comprimere, eripere de manu inopem fortiorum ejus, egenum & pauperem à diripientibus eum, sed ET MEÆ SOLLICITUDINIS EST Ecclesiarum ministris, gregibus monachorum, choris virginum & necessaria eorum procurare, ac saluti & quieti vel paci consulere. DE QUORUM OMNIUM MORIBUS AD NOS SPECTAT EXAMEN, si vixerint continenter, si honeste se habeant ad eos, qui foris sunt, si divinis officiis solliciti, si ad docendum populum assidui, si victu sobrii, si habitu moderati, si in judiciis sint discreti (pace vestra loquor, reverendi Patres) si ista solerti scrutinio curassetis, non tam horrenda & abominanda ad aures vestras de clericis pervenissent. Taceo quod non est illis corona patens, nec tonsura conveniens. Ac ne in vestra lascivia, insolentia in gestu, in verbis, turpitudine interni hominis produnt insaniam. Præterea in divinis officiis, quanta sit negligentia, cum sacris vigiliis vix interesse dignentur, cum ad sacra Missarum solennia ad ludendum, subridendum magis quam ad psallendum congregati, videantur. Dicam quod
boni

boni lugent, mali vident, dicam dolens (si tamen dici potest) quomodo diffuant in comestationibus, ut jam domus Clericorum putentur PROSTIBULA MERETRICUM, Conciliabulum histrionum, ibi alea, ibi saltus, & cantus, ibi usque ad medium noctis spatium protracta in clamore & horrore vigilia. Sic patrimonia regum, eleemosyna pauperum, imo, (quod magis est) illius pretiosi sanguinis pretium profligatur. Ad hoc ergo exhauserunt Patres nostri thesauros suos? Ad hoc Fiscus Regius, detractis redditibus, multis elargitus est? Ad hoc Ecclesiæ Christi agros & pastiones regalis munificentia contulit, ut deliciis Clericorum meretrices ornentur, luxuriosa convivæ præparent carnes & aves, & talia judicia comparentur? Hoc milites clamant, plebs submurmurat, mimi cantant & saltant, & vos negligitis, vos parcitis, vos dissimulatis? &c.

Vidimus hætenus Pontificios autores, Gratianum, Bellarminum, tempore Concilii Aphricani Legatos Pontificis Romani, Carranzam, Cardinalem Perronium contra Isaacum Casaubonum in Epistola Regis Britanniae Eadgari, mala fide citasse. Haec intra muros peccatur & extra Ecclesiam Pontificiam quandoque fides labascit, veritatem hanc verbis GEORGII CASSAN-

DRI effero, qui in Consultatione sua gloriosissimis Imperatoribus Romanis, Ferdinando I. patri & Maximiliano II. filio exhibita, p. 145. ita scribit: *nolo, inquit, commemorare, quam mala fide nonnulli in hac sanctorum interpellatione convellenda versati sint. Nam cum sciant, religiosis animis reverentiam veneranda illius vetustatis insitam esse, & ipsi, in animis quoque suis fulgore auctoritatis illorum percellantur, ipsa patrum testimonia contra manifestam ipsorum Patrum sententiam obtorto collo trabunt, & ut fucum imperitiis faciant, ipsas non modo sententias falsò torquent, sed verba etiam ipsa mutant, ut in celebri quodam Volumine Germanico (A), quo recusata Synodi & defectionis Romane Ecclesie causa redduntur, haud ita pridem edito, & multis utraque lingua veterum & recentiorum testimoniis referto, esse constat. Nam quod Ambrosius in Epistolam ad Romanos adversus gentilium deos scripsit:*
Misera

(A) Tübingen A. 1583. p. 104. in 8. *Causa recusatae synodi. Abfertigung und wahrhaffte gründliche Widerlegung 2. Jesuitischer Schmach-Schriften, Bellarmini und Petri Hausoni, durch die Württembergische Theologen, Tübingen A. 1587. p. 188. PER ISTOS, im Teutschen, daß man durch diese (heilige Menschen) könne zu Gott kommen.*

Misera uti solent excusatione PER ISTOS (intellige minoris ordinis Deos) IRI AD DEUM, sicut per comites itur ad Regem; Autores hujus præclari voluminis vocem ISTOS in JUSTOS commutarunt; idq; in Germanica quoque versione secuti sunt, durch die Heiligen, convertentes, ut videlicet imperitis, & minus in veterum lectione versatis, ab Ambrosio sanctorum & justorum spirituum interpellationes damnari, persuadeant. Non minor impostura committitur

ADDENDO

aliquid textui, præter mentem auctoris. Ita corruptus est S. Cyprianus à Stapletono, cum in Cypriano de simplicitate Prælatorum Princ. doct. l. 6. c. 7. fol. 113. hæc verba diserta sint: *Hoc erant utique & ceteri Apostoli, quod fuit Petrus, pari consortio præditi & honoris & potestatis, sed exordium ab unitate profiscitur. Romanus Cyprianus infarcit: ET PRIMATUS PETRO DATUR. Cum Cyprianus dicat, unitatis ejusdem originem, ab uno incipientem, Christus sua auctoritate disposuit. Romanus Cyprianus invexit, unam cathedram constituit. Et rursus, cum Cyprianus, ut una Christi Ecclesia monstretur, inserit Romanus ET CATHEDRA UNA.*

Quemadmodum Pontificius Stapletonus
Cypria-

Cyprianum ADDENDO corruptit: ita etiam Gregorium Magnum, qui lib. 4. epistolarum ad Johannem Episcopum Constantinopolitanum ita scribit. p. 146. *Certe Petrus Apostolus primum membrum sanctæ & universalis Ecclesiæ est; Paulus, Andreas, Johannes, quid aliud quam singularium plebium sunt capita, & tamen sub uno capite omnes membra sunt Ecclesiæ.*

Gregorius ait; *sub uno capite omnes membra sunt Ecclesiæ*: Stapletonus citat *sub uno CAPITATE PETRO, omnes membra Ecclesiæ.*

Quam fidelitatem Pontificii in BERTRAMO ediderint, libet Marcum Antonium de Dominis audire, de Repub. Ecclesiastica ita scribente lib. 5. §. 165. p. 177. *Initio igitur materia hac fuit disputabilis & in utramque partem habet suos patronos. Bertramus vero Patres secutus, & continuatam usque ad illa tempora Ecclesiæ universalis doctrinam retinens, scripsit adversus novos tum realistas. Libellus ipsius fuit in Ecclesiæ admissus, & plurimum laudatus. Tritemius ad an. 830. eum in catalogo scriptorum Ecclesiasticorum recenset, illumque in divinis scripturis valde peritum & in literis secularium disciplinarum egregie doctum, ingenioque subtilem & clarum eloquio, nec minus vitam, quam doctrinam*

na insignem fuisse testatur, atque hoc ipsum ejus opusculum commendabile, post alterum de Prædestinatione prædicat. Quis ergo stomachetur sive Genebrardi de scriptoribus noni sæculi lib. 4. chronol. censuram, dum Bertramum & Fredevardum Equitem inter hæreticos scriptores numerat, sive Margarinum in præfat. sua Bibliotheca, dum opusculum Bertrami hoc ex sua Bibliotheca extrudendum ut hæreticum censet. Bellarmini quoque de Eucharistia l. 1. c. 1. qui similiter inter hæreticos Bertramum reponit, non sine lapsu in Chronologia: eum enim sub Carolo Crasso ponit ad annum 886. reliqui cum Trithemio Carolum, ad quem scripsit Bertramus, agnoscunt Carolum Calvum, Lotbarii fratrem, dum esset Rex Francie, post pacem initam inter fratres Ludovici pii filios. Ea verò secuta est anno Domini 842. vel 843. Pejor verò est Bellarmini lapsus, quod in suo tractatu de scriptoribus Ecclesiasticis Paschasium Ratbertum, Abbatem Corbeiensem ponit sub Ludovico pio, ad annum 820. & illum scribit Bertramum confutasse. Scripserat ergo Bertramus, si vera est Bellarmini chronologia, ante annum 820. & tamen priori loco asserit, eum sub Carolo Crasso scripsisse, circa annum 886. In hoc ergo dormitavit Illustrissimus Bellarminus in suis

suis Chronologiis parum felix. Ecce itaque per octingentos pene annos pius & Catholicus autor, pro tali perpetuo habitus, a privatis hominibus, ut hareticus, damnatus, & opusculum ejus Catholicum, quia ipse vanis judicibus non nisi a Clemente VIII. insertus, ita in suo Apparatu testatur Possevinus, tanquam hareticum supprimitur, & tamen neque autorem neque librum severi librorum Expurgatores Belgæ Theologi cum suo Duce ALBANO, & Hispaniarum Rege Catholico totaque Inquisitione ausi sunt reprobare, sed artificium aperiunt, quo dicta catholicorum veterum jam soleant illi eludere, ne novis ipsorum commentis obsint. Expurgatores audiamus ex ipsamet prima Antverpiensi, & a me visa editione, cui ea apposita est cautela: Ducis ALBÆ jussu ac decreto cavetur, ne qui præter prototypographum Regium hunc indicem imprimat, neve ille aut quis alius publice vel private vendat, aut citra Ordinariorum facultatem aut permissionem habeat. Cavetur etiam, ne quis hunc Indicem parte aliqua augeat, vel minuat, neque ex impressis manuscriptum exprimat, citra Gubernatoris & Consilii auctoritatem. In hoc igitur Indice Belg. in B. hæc habentur:

Quamquam librum istum (Bertrami) magni non aestimemus, itaque non magnopere la-

boraturi simus, vel nusquam sit vel intercidat: tamen cum jam saepe recusatus sit & electus a plurimis & per interdictum nomen omnibus innotuerit, hæreticis constet de ejus prohibitione per varios catalogos, fuerit catholicus presbyter, & Monachus Corbeiensis Cœnobii, Carolo non tam magno, quam Calvo charus & venerabilis, juvet historiam ætatis illius in Catholicis veteribus aliis, plurimos feramus errores, & extenuemus, excusemus, excogitato commento persapè negemus, & commodum iis sensum asfingamus, dum opponuntur in disputationibus, aut in conscriptionibus cum adversariis non videmus, cur non eandem aequitatem & diligentem recognitionem mereatur Bertramus, ne hæretici ogganniant, nos antiquitatem pro ipsis facientem exurere & prohibere. Itaque mirum non esse, pauca pro ipsis videri facere nobis catholicis, tam irreverenter antiquitatem vel in speciem a nobis dissentientem exsivulantibus ac perdentibus, quin & illud metuiamus, ne liber iste non solum ab hæreticis, verum immorigeris quoque Catholicis, ob interdictum avidius legatur, odiosus allegetur, & plus vetitus quam permissus noceat. Hæc illi.

At certe hoc non est candidè, neque bonæ fide agere. Veterum scriptorum catholicorum nulli possunt esse errores præsertim in fide, quos
prio-

priores atates non agnoverint & reprehenderint. Nunc vero post multa secula, ubi nos novam doctrinam, veteri contrariam excogitamus & evulgamus, velle veterem ipsam doctrinam nostris novitatibus & erroribus adversam, errores condemnare, & libros in Ecclesia per plura secula approbatos, nunc tandem prohibere: proscribere, est intolerabile, intolerabilius adhuc velle mala fide, dolo malo, astu diabolico, dedita opera & ex astuto consilio contra scientiam extenuare, excusare, excogitato commento negare, commodos sensus affingere. Hi vero nostri scilicet patres, nostri Doctores, nostri magistri, artificia sua aperiunt, fidis suis, alumniis, eosdem iisque armant, & instruunt, ut melius sit in novis commentis futilibus se per dolos etiam stabilire, quam a veteribus discere, & nudam arripere ab eis veritatem. Tantum M. Antonius de Dominis.

JOHANNES BUSÆUS Soc. Jes. edidit Moguntiae anno 1602. HINC MARI Rhemensis Archiepiscopi in Galliis Epistolas, ex Bibliotheca Ecclesiae Spirensis, in Praefatione ad Episcopum Spirensensem ita scribit: Eadem causa a septima epistola, quia mutila est & manca, ac potius appendix superioris epistola videtur, NONNULLA RESECVI. Ita Busæus fuit Hincmari RESE-

CTOR. Hunc Hincmarum, teste Possentino, tom. 2. Appar. fol. 52. Nicolaus I. Papa divinitus valde doctum fuisse testatur in Cap. Excellentissimus. Apud Anastasium Bibliothecarium in Nicolao I. p. 322. Papa agit contra Hincmarum Rhemensem Archiepiscopum, Rhotardus ab Hincmaro depositus, restituitur.

DE JONA AVRELIANENSI Episcopo ita scribit Bellarminus de Scriptoribus Ecclesiasticis. *Hic autor (Jonas) caute legendus est, quoniam laborat eodem errore, quo Agobardus & reliqui ejus ætatis Galli, qui negabant sacris imaginibus deberi cultum religiosum.*

Hinc illæ lachrymæ, & quivis odorari potest, cur Busæus RESECTOR fuerit epistolarum Hincmari Galli, cum Archiepiscopi rite depositos Episcopos a Romanis Pontificibus restitui recusarint, & Ecclesia Gallicana cultum patriæ imaginibus penitus denegarit.

Apud Clarissimum Doctorem GERARDUM articulo sexto Phosphori de Purgatorio, disputatione septima, Jenæ 1629. littera P. 3. Respondente M. Johanne Gabriele Mullero, Alfeldo-Norico, ita legitur. *Ad hanc expositionem digitum Chrysostomus bomil.*

41. Cap. 12. Matthæi intendit, sic scribens: *Diversorum hominum alii & hic & ibi supplicia dabunt ut Sodomita: alii in presenti solummodo vita, ut fornicator Corinthius: alii in futura vita, ut Propheta & Apostoli.*

Manifestam autem factam fuisse injuriam S. Chrysostomo, falsa citatione, ex ipso fonte liquet, quem Commelinus ostendit in Cap. 12. Matthæi, homil. 42. p. 391. editionis Commelinianæ Græco. Latinæ an. 1603. *Universorum hominum alii & hic & ibi supplicia dabunt: alii in presenti solummodo vita, alii in futura tantum: alii nec in presenti nec in futura. Hic quidem & ille, ut illi ipsi, de quibus nunc agitur. Nam & hic ipsos ultus est, quoniam intolerabilia passi sunt, urbe ipsorum vi a Romanis expugnata: ubi autem acerbissima eos expectant tormenta, ut Gomorrha ac Sodomorum cives, aliique complures. Ibi vero solummodo, ut dives ille, qui in flamma cruciatus, nec gutta unius aquæ dominus est. Hic autem tantum, ut qui apud Corinthios fornicabatur. Neque hic vero, neque ibi, sicut Apostoli & Propheta. Sic beatus ille Job, caterique hujusmodi οὗτε δὲ ἐνταῦθα, οὗτε ἐκεῖ, ὡς οἱ ἀπόστολοι, ὡς οἱ προφῆται, ὡς ὁ μακάριος Ἰωβ.*

Si de fidelitate D. THVMMII in citatione Concilii Chalcedonensis scriberem:

Dicere conarer, quot fulgeat ignibus
æther,

Et quota in Oceani bellua mole nateret.

Ita autem sonat Canon Concilii 16. *Si qua Virgo se dedicaverit DEO, similiter Monachus, non licet eis nuptiis jungi. Si vero inventi fuerint hoc facientes, maneat excommunicati. Ostendenda autem in eos humanitatis auctoritatem habere statuimus Episcopum ejus loci.*

D. THUMMIUS in Matth. p. 77. sic sensum Concilii explicat. *Concilium Chalcedonense can. 16. statuit, conjugium inter Monachos & Monialem FIRMUM esse, & SI EXCOMMUNICATI FUERINT, VULT STATIM ABSOLVI.*

M. Antonius de Dominis l. 2. c. 11. p. 222. mentem concilii ita interpretatur. *Hoc est confitentibus se peccasse, tollat ab eis excommunicationem & patiatur eos, sine illa suo frui matrimonio. Non enim ponit conditionem ullam separationis, & aperte vocat nuptias: fornicaria vero conjunctio non potest in publico generali Concilio nuptiarum nomine bonestari.*

Augu-

Augustinus de peccatorum meritis l. 3. c. 7. p. 725. *Ante paucos Annos Roma quidam extitit, Jovianus nomine, qui Sanctimonialibus etiam atate provectioribus, nuptias persuasisse dicitur, non illiciendo, quo caram aliquam ducere vellet uxorem, sed disputando, nihil amplius fidelibus conjugatis apud Deum habere meritorum.*

D. GEORGIUS ZEÆMANNUS Cam-
pidono 28. Julii 1625. ita scribit ad me:
Novo me beneficio afficis, Cl. vir, amice dilectissime, quod nullis parcis laboribus, ut eorum allegatorum fidem eruas, ubi libri me deficiunt, quos plerosque ipse antehac Lavinga legi, ubi instructissima Bibliotheca Palatina tum Gymnasi, tum Synedrii mihi ad manus erat. De Aranea (c) à Francisco hausta adhuc anxie laboro.

Mm 4

Mi.

(c) Liceat huc quædam transferre ex Celeb. Wenderi Diss. de Libris a Pontificiis aliisque hæreticis suppressis & corruptis p. 43. sq. *Notus est eruditus liber Conformitatum S. Francisci cum vita Jesu Christi. Mentio hic quoque injicitur aranea, quam inter celebrationem missæ in calice Franciscus imbibisse dicitur, & quæ postmodum post pruritum cruris ad sculpturam ejusdem e crure illaso prodisse traditur. Lis seculo superiori de hoc ficto miraculo inter Theologum Lutheranum & Pontificium in Suevia exorta fuit: ille in publico aliquo scripto contineri hoc de aranea miraculum in conformitatibus Francisci asserebat, hic negabat. Strenue, criminis falsi nostrum non sine tripudio accusans. Deolveba-*

Mirum, quo infelici fidere ejus meminerim. Nam cetera de Francisco miracula omnia ex ipso libro conformitatum, qui Lavinga mihi ad manus erat, bona fide descripsi, vel potius ex Carnificina mea Esauitica Witeberga edita repetii. Unum hoc de ARANEA nunc addidi, quia illud ipsum a DD. Gerardo Tom. 5. Locorum pag. 1265. Johanne Wolfio tom. 1. Lectionum memorabilium p. 622. (ubi fol. 72. ex lib. Conformitat. citatur) D. Lottero & aliis allegatum vidi & legi. SED NUNC ME DECEPTUM DEPREHENDO A TANTIS VIRIS; quamvis adhuc sperem de Fr. Andrea, Francisci individuo Comite, miraculum ipsum de Aranea inveniri posse, cum M. Rauscherus Cent. III. P. III. diserte alleget (Giessen an. 1614.) quem ego in legendis fabularum Papisticarum sutoribus diligentem fuisse arbitror. Tantum Zeæmannus.

In

vebatur lis ad Ephorum Ulmensem, Conradum Dietericum. Conformitatum liber, quem Bibliotheca Ulmenfis asservabat, sedulo evolvebatur, tale quid de aranea in eodem non inveniebatur. — Querebantur undique vetusta exemplaria conatu tamen frustraneo; tandem Augustanus quidam Theologus Christmannus antiquissimum aliquod exemplar asserendum Mediolano curavit, in quo locus integer repertus fuit. — Observat Ehingerus in Hist. Eccles. Sec. XV. in exemplari Mediolanensi An. MDX. (sic enim legendum videtur) d. 18. Sept. impresso fol. 72. pag. 1. col. 1. integrum locum legi.

In vita S. Nortberti , Antwerpiæ anno
1630. hæc leguntur : *Araneam grandem,
in calicem consecratum illapsam, fide sua solita
& magna, miraculose illesus exhaurit.*

Sanguine vivifico lathalem exhaurit

Arachnen,

Sed nare excutitur virus inane mali.

*Quid sibi non voluit pietas divina li-
cere?*

Fecerunt vita pocula virus iners.

AUREA LEGENDA.

Im Wintertheil von S. Conrad.

p. 117. b.

Einsmahls an einem Ostertag , da hett
S. Conrad Mess, und da er unsers Herrn
Fronleichnam empfangen hett, und das Hei-
lig Sacrament von dem Kelch empfangen
wolt , und als er in aufdecket, da sahe er
eine Spinne was darein gefallen , davon der
außer Mensch stirbet : aber der inner
Mensch tröstet sich des untödtlichen kran-
cken, und hett ein festen Glauben, und ge-
trauet Gott, es wär nichts tödtlich oder
schädlich da, und verzehret das Sacrament
begierlich mit dem Gifft, und gedacht
daran, das die Gifft der alten Schlangen

Mm 5

über-

überwunden hett, mit der Gab des Leidens unsers Herren Jesu Christi, da nun seine Diener sahen, das er also davon erblichen was, da forchten sie, er starb davon, und waren sehr betrübt, und nach der Mefs, da gieng S. Conrad zu Tisch, und saß ein weil, und aß nichts, da fraget man Ihn heimlichen, was er ton wolt? da sprach er: ich wart eines Gasts! der komt bald, und neiget sich mit dem Haupt auf dem Tisch, und tet seinen Mund auf, da gieng ihm die Spinne wider heraus, wann sie mocht ihm keinen Schaden ton.

Das Wunder sahen seine Diener,
und wurden dessen zumal
fro.



VII.

ANALECTA

de

*Vita, fatiſ, moribus & ſcriptiſ Henrici
Cornelii Agrippæ ab Nettesbeym.*

PRolixam ſatiſ & copioſam de Henrici
Cornelii Agrippæ vita & meritiſ publici
juris facere commentationem conſtitutum
mihi erat. Eum igitur in finem jam omnia
ejuſ opera, præſertim vero epiſtolaſ, cum
cura perlegeram, ac plurimiſ inde conge-
ſtiſ memorabilibuſ aliunde etiam, quicquid
illiuſ viri hiſtoriam illuſtrare poterat, ſedulo
conquiſiveram. Mereri enim noſtrum hoc
ſtudium videbatur vaſta Agrippæ eruditio,
& fama, tot licet inuſtiſ maculiſ conſperſa.
Naſtuſ autem deinde Diſtionarium Bailia-
num, quod theſaurum potiuſ quam librum
jure vocaveriſ, pleraque jam ab eo occupata
eſſe comperi. Ne igitur poſt Homerum
Iliada ſcriberem, iſto conſilio abjeſto, poſt
opimam meſſem ſpicilegium ſaltim tenue
inſtituere decrevi, ea, quæ a Bailio vel pro-
fuſ omiſſa, vel ſummiſ tantum digitiſ tacta
fuerunt, memoraturuſ.

I.

Agrippæ Patria.

AGrippam An. 1486. d. 14. Sept. Coloniae Agrippinæ prima vitæ suæ incunabula coepisse, recte id ex ipsis ejus epistolis evincente Bailio, uti extra omnem dubitationis aleam penes me positum est : ita non possum, quin moneam, quendam illius amicum Belgicam ipsi in iisdem epistolis assignare patriam. His enim verbis nostrum is (a) compellat : *Illud imprimis mihi fuit gratissimum, quod te intelligam baud quaquam abhorrere a nostra Antverpia, quod si advenis, crede mihi, longe gratissimus advenies.*

— *Nec video causam, cur mavelis manere in Gallia Lugdunensi, quam tua Belgica, qua te produxit. Consentaneum enim est, ut patriam illustres, & spartam, quam nactus es, ornes. Imo ipse Agrippa id in responsoriis (b) fateri videtur, scribens : Ingratissimus ego sum omnium, qui vivunt, hominum, si tuum in me amorem, si tua in me studia, si tua optima monita atque consilia non obviis*
manis.

(a) Lib. V. Epist. 15. p. 231.

(b) Ibid. Epist. 18. p. 234. & Ep. 21. p. 236.

Agrippæ πολυμαθία & ingenium cap. 555

manibus acceptem, si non agnoscam, si non etiam sequar — qui ad meam me felicitatem vocas, & ad patriæ gloriam hortaris. Exin Agrippam equidem Colonia natales debuisse suos, sed parentes majoresque ejus Belgicam agnovisse patriam colligo. Pater, matre tum adhuc superstite, A. 1518. ad plures abiit (c).

2.

Agrippæ πολυμαθία & ingenium capacissimum.

AD omnia indolis bonitas Nostrum armaverat. Hinc fertile ejus & amplum ingenium unius aut alterius scientiæ angustis carceribus includi noluit, sed omne literarum genus familiare sibi reddere gestiit, abditis etiam & abstrusissimis scrutandis capax: ut adeo in Agrippam conveniat, quod Franciscus Irenicus (d) de magno Erasmo Roterodamo pronunciavit: *Tot uni illi viro disciplinarum divitiæ, & singulari huic tot scientiarum species exuperant, quot diversæ hominibus diversis concessæ fuerunt, ut plures*
bomi-

(c) L. II. Ep. 19. p. 60.

(d) In Exegeti Germaniæ L. II. C. XXXVIII. f. 42. edit. Hagen. 1518.

homines unus Agrippa ob pluralitatem curarum subiisse videatur. Et quod longe pulcherrimum est, nullius discipline praestantia ob felicitatem alterius in illo inclinatur, nec quod uni impenditur, alteri derogatur: verum pari semper trutina libratum, per se unum quodque, ac si homini singulari contigisset, valet ac meretur. Suapte exemplo comprobavit consilium, quod aliquando amico (e) suggestit, a nobis heic adscribendum: Hoc unum te admoneo, ut consideres, neminem posse veraciter doctum evadere, qui in unius duntaxat facultatis rudimenta iuraverit: de quo vere dictum est: Bos lassus fortiter figit pedem. Neque vero magnum est, in uno solo artificio doctum esse, vel quantumcunque etiam excellere, quum illud fere quilibet lanii, fartores, coci commune habeant; sed tanto quisque doctior erit, quanto nescierit pauciora. Hortorque quo te divinitas ingenio donavit & amplo & sublimi, id ipsum tibi non paucis, nec humilibus, sed omnibus & altissimis quibusque disciplinis viriliter esse occupandum. Nec te retrahat ab hoc proposito quorumcunque contradicentium nugax garrulitas, quibus semper in ore est: Vita brevis, ars longa, experimentum fallax,

(e) Lib. II. Epist. 12. p. 53.

fallax, inquisitio difficilis, temporis angusti negotiosa inopia, Et quod vix ad unius bonarum artium facultatem, nedum ad multarum notitiam consequendam suppetat, Et qua his similia blaterant, naturam inculpantes Et de ingenio suo diffidentes, sat esse ratiocinantur in una aliqua facultate egregiam sibi palmam vindicare: non coalescere ingenia, qua huc Et illuc in diversis studiis precipitanter vagantur, sed multitudine scibilium confundi, corrumpi Et (veluti vicino splendore occacantur oculi) caliginosa fieri, ut contingat illis, dum plura scire cupiant, singula ignorare. Ha sunt rationes illorum, quibus multa praeclara ingenia deterrent. Illis igitur respondemus, naturam eos injuria accusare, quam nullis in rebus producendis errasse, nihilque plus aut minus, quam satis esset, effecisse constat. Satis superque nobis vitae superesse ad omnium quantumcunque magnarum difficiliumque rerum notitiam consequendam, si non ad supervacuas Et vanas actiones illam per otium Et ignaviam consumpserimus: nullam temporis indigentiam sive inopiam fore, si illius nulla nobis jactura exeat: ingenium autem nostrum sic natura condidit, quod, quo magis applicatur ad diversa, quo pluribus oneratur, eo magis excitatur, acuitur, augefcit, illustratur: neque vero quem-

quemadmodum solis radius fulgore nimio corrumpit oculos caliginososque reddit, sic ipsius intelligentia radius. Illustrat enim, & eo magis ingenii lumen exauget, quo quis capere magis potest intelligibilis splendoris influxum. Non ergo circa unam facultatem tibi arbitraberis esse morandum, sed variis studiorum & linguarum generibus, & iis semper melioribus te exerce, etiam abstrusissima quaque, & quæ adhuc in tenebris delitescunt, pro viribus explorare stude. Quin confide ingenio, & aggredere omnia, sic namque omnia apprehendes, si non diffidas de te ipso. Hæc, de quibus iudicium cuilibet relinquo liberum, licet prolixiora, appingere haud piguit, quod, quæ eruditorum de studiorum ratione mens fuerit & sententia, nosse nec inutile nec injucundum sit. Immensam Agrippæ lectionem testantur ejus scripta, libri præsertim de occulta philosophia, reconditis veterum sapientiæ dicam an superstitionis mysteriis referti, & de vanitate ac incertitudine omnium scientiarum & artium. Hujus igitur loci esse arbitror, ejus de legendis libris iudicium producere. Ita autem is ad amicum (f): Nullus autor, nul-

(f) Lib. III. Ep. 1. p. 127.

nullus liber lectu dignus erit negligendus. Quodsi hoc non placeat consilium, vel quia difficile sit omnes pretio redimere, vel quia vix hominis atas sufficiat omnes percurrere, Et juxta Seneca sententiam: non tibi cura sit, quam plures autores legas, sed quam bonos: en duos tibi potissime legendos dabo, unum Latinum, Plinium, alterum Græcum, Plutarchum. Hi duo (crede mihi) præ cæteris sufficiunt ad reddendum hominem in omni scientiarum genere utraque lingua doctissimum: nisi quod sacras literas tibi consulo omnibus anteponendas, sine quibus omne reliquum studium tuum vanum erit, Et forte etiam noxium. Omne enim, quod ex fide non est, peccatum est, Et quod cum Christo non est, contra illum est. Cæterum hoc præcipue in Agrippa maxima me percellit admiratione, tantum ei fuisse otii, tantum ingenii, tantum industriæ, ut, cruenta Martis signa & castra per aliquod tempus secutus, variis adversantis fortunæ circumactus discriminibus, per omnem fere Europam itinere vagatus, tot inimicorum odiis & persecutionibus pressus, defultorio semper vitæ genere usus, nullibi diu pedem figens, gravissimis, se invicem excipientibus, functus muneribus, utpote Mediomatricum Reip. Syndicus & Orator,

matris Francisci I. Galliarum Regis Archia-
ter, Caroli V. Imp. Consiliarius & Histo-
riographus, docens etiam aliquando in Aca-
demiis, pauper plerumque & æris inops,
eos in quovis literarum genere progressus
facere, tot linguarum usum sibi parare, fre-
quenti epistolarum commercio incumbere,
& libris, lucernam olentibus, vacare scri-
bendis potuerit: idque non adeo longævus,
cum non prorsus decem integra lustra vi-
vendo peregerit. Præterea excellens & sin-
gulare ejus ingenium ignota antehac pro-
ferre, resque in bello ac pace utiles saga-
citer excogitare valuit. Ita, si fidem ipsi
adhibeas, novas invenit machinas bellicas.
Sic enim A. 1526. d. 16. Sept. Lugduno ad
Capellanium (g): *Scribo nunc Pyromachiam,
& non tam scribo, quam ipsa experientia
ostendo, jamque habeo apud me non modicis
sumtibus paratos architecturae & bellicarum
machinarum meae inventionis modulos admo-
dum utiles simul & perniciosos, & quales ha-
ctenus, quod sciam, nostra non viderit ætas. Hæc
fortasse Regi ipsi & cognitione gratiora, & usu ad-
versus hostes multo utiliora futura essent: sed
adhuc hæreo animo, ambiguus, quid facturum
sim,*

(g) Lib. IV. Ep. 44. p. 189.

sim, planeque academicon illud accidit, ut nihil adhuc statuere queam, multis adhuc ingratitudinis exemplis, simul ac Periclis mercede Phalaridisque premiis deterritus. Sed nondum nosti omnia, mi Capellane, quæ Et quanta lateant sub Agrippæ tui pallio. Quodsi aliquando Silanum meum explicare liceret, tunc visurus esses, quantum poterit Agrippa tuus prestare principi atque regi. Eodem anno d. 19. Nov. ad alium amicum hæc perscribit (b): Inveni tandem projiciendorum igneorum globorum machinam, cui in velocitate, in facilitate Et in compendio non est par: quin Et alia his similia plura. Anno autem 1527. Lugduno d. 4. Decembr. ita ad quendam familiarem (i): Mittimus tibi cum residuis machinis pontem nostrum, opus quidem rude Et abortivum ac proportionem carens, ingenio tamen Et industria facilitateque baud contemnendum. Sed ubi Antwerpiam venerimus, ego hanc machinam novam omnibus numeris denuo absolvam. Hæc Marti propria. Nunc ipsis Nostri verbis artem nobilissimam, ab eo, si ipsi credas, inventam, pacisque etiam tempore maxime proficuum ejus itidem

Nn 2

ver.

(b) Lib. IV. Ep. 68. p. 214.

(i) Lib. V. Ep. 20. p. 236.

verbis memorabimus. *Habeo*, scribit A.

1527. d. 10. Oct. (k) *jam nuper per me excogitados modos aliquos, quibus possum regio arario quotannis non modica pecuniarum talenta applicare, etiam absque populi gravamine, sed & magno cum Reip. commodo plebisque congratulatione: sed non sum illa dicturus, nisi ipse ego primum de hujus inventionis mee praefectura certus sim.* Forte tamen jactantius hæc ab eo scripta sunt. Illo enim tempore has exaravit literas, quo in angustias adductus, aulicum aliquod munus sibi deferri, ac vel propter eas inventiones Galliarum Regi a patrono de meliori nota commendari voluit.

3.

Agrippa Alchemista.

Alchemisticam etiam artem Noster exercuit, & præparando lapidi philosophico operam dedit. Imo singulare propterea fovit sodalitium (l), cujus focii per varias regias dispersi erant: quod ex his verbis epistolæ, ex Avenione A. 1508. d. 13. Kal. Jan.

(k) L. IV. E. 53. p. 199.

(l) Addendum igitur hoc sodalitium collegiis secretis, quæ Morhofius enumerat Polyhist. Tom. I. Lib. I. C. XIII. p. 133.

Jan. ad Landulphum datæ (m), auguror :
Non aliud superest, nisi ut post tot errores in-
quisitioni commilitonum insistamus, nostræque
conjuratōis renovemus sacramenta, ut nostri
sodalitii restauretur integritas. Est hic mecum
longinqua peregrinationis mea comes senex qui-
dam, multa experientia, qui olim Zizimo Tur-
ca (n) in Galliis captivo interpres extitit; qui
etsi careat literis & philosophia, tamen sene-
ctutis prolixa longæque peregrinationis bene-
ficio multarum rerum notitia eruditus est, ho-
mo præterea fidelis & taciturnus, & conver-
satione nostra dignus, quem ego jam compro-
batum instructumque in nostri sodalitii sacra-
mentum adscivi. Caterum ego (o) Bonittum
& Clarocampensem in Aquitaniis admonebo
nostræ apud Avenionem & Lugdunum præsen-
tia. Brixianum, cui cum Adamo Burgundia
delegata fuerat, tu admoneto. Poteris etiam
facile commonere Falcium & Wigandum, qui
apud Parisios sunt. Alibi quoque (p) ejus
sacramenti, quo sodalitati suæ se obstrin-

Nn 3

xerat,

(m) Lib. I. Epist. VIII. p. 7.

(n) Fratri Bajazethi, Turcarum Imperatoris, in
 cujus gratiam, pecunia corruptus, Alexander VI. Pont.
 max. veneno eum sustulit. vid. Jo. Burchardi Anecdota
 de Vita Alex. VI. P. 14. sqq.

(o) En collegii secreti socios !

(p) Lib. de Vanit. Scient. c. 90. p. 201.

xerat, his meminit: *Permulta adhuc de hac arte, (Alchimistica scil.) mihi non admodum inimica, dicere possem, nisi juratum esset (quod facere solent qui mysteriis initiantur) de silentio, eoque praterea a veteribus philosophis atque scriptoribus tam constantissime religioseque observato, ut nullus uspiam probata auctoritatis philosophus ac fidus scriptor comperiat, qui hujus artis alicubi vel solo verbo meminisset, quæ res plerosque induxit, ut crederent, omnes ejus artis libros recentiori ævo jampridem confictos &c.* Ibidem tamen (q) paulo post de artis hujus mysteriis disserit, sed circumlocutione eaque obscuriore, ut nimirum nonnisi artis filii & initiati intelligerent. Ita enim unicum illud solum, prater quod non est aliud, ubique tamen reperibile (ipsa ejus verba legis) benedictum sacratissimi philosophorum lapidis subjectum describit: *Res est, quæ substantiam habet nec igneam nimis, nec prorsus terream, nec simpliciter aqueam, nec acutissimam, nec obtusissimam qualitatem, sed mediocrem & tactu levem, & quodammodo mollem vel saltem non duram, non asperam, quin & gustu quodammodo dulcem, olfactu suavem, visu gratam, auditu blandam atque jucun-*

jucundam, cogitatu latam: plura dicere non conceditur, atque sunt tamen iis majora. Bina adhuc loca proferam in medium, in quibus de arte hac sermonem instituit. Nempe L.I. de Occulta Philos. Cap. XIV. p. 23. ita fatur: Alchemista nituntur eum spiritum ex auro secernere, quem rite segregatum & extractum, si postea illum cuius ejusdem generis materia, hoc est, cuius metallorum adbibuerint, aurum statim argentumve conficiant. Et nos illud facere novimus, & aliquando vidimus, sed non plus auri fabricare potuimus, nisi quantum erat illud auri pondus, de quo spiritum extraximus. Nam cum sit ille spiritus forma extensa, & non intensa, non potest ultra suam mensuram imperfectum corpus in perfectum permutare: quod tamen fieri posse alio artificio non inficior. Anno autem 1526. d. 21. Octobr. hæc ad Joannem Capellannum, Francisci I. Physicum (r) perscribit: Valeant principes, valeant reges, valeant Nini, valeant Semiramides, valeat omnis robusta improbitas. Benedictus Dominus! Divites facti sumus, modo vera sit fabula. Vir quidam gentilicius, mihi a multis annis amicus, auri semina ad nos detulit, eaque in ob-

Nn 4 longi

*longi colli cucurbitula in forniculam nostram ceparum in agris instar, plantavit, igniculoque, ceu phœbeo calore, atque, ut gallina solent ova incubantes, die noctuque fovemus expectamusque propediem nascituros ingentes fœtus aureos, quasi rite excludantur, Midam ipsum vel auro superabimus vel saltem auriculis, illisque giganteis Ninis ac Semiramidibus (s) longum valere dicemus. Et tu nunc ditissime felicissimeque vale. Ex Lugduno, abs tuo auratissimo vel AVRICVLATISSIMO futuro Agrippa. Nec certe hoc postremum omen fefellit nostrum: corvum enim hiantem delusum esse hinc concludo, quod per omnem vitam de pauperie conqueri necessum habuerit: & hæ querelæ in ejus epistolis utramque faciunt paginam, ac ubique regnant. Hoc forsân sensu AVRATVS dici posset Agrippa, quod inter aurei velleris equites fuerit receptus. Sed & eo tempore non nisi splendidam in ipso deprehendo miseriam. Ære enim tandem alieno oppressus, & a creditoribus male habitus, ipse de se argute (t) A. 1531. Bruxellis 12. Kalend. Aug. scribit: *Cardinalis Campegius unicus**

(s) In Franciscum I. ejusque matrem digitum intendere videtur.

(t) L. VI. Ep. 20. p. 301.

*unicus meus Mæcenæ : sine quo ego sub isto in-
animi pecore (aureo vellere dicere volui) ra-
pacissimorum luporum (creditores indigitare
eum arbitror, a quibus postmodum in car-
cerem fuit conjectus) praeda factus fuisssem.*
Vere de Agrippa F. G. Menapius (u) : *An
ihm ist das Sprichwort wahr worden : Neun
Handwerk, zeiben unglük. Er war ein Sol-
dat, Ritter, graduirter Doctor in Jure, Me-
dicina und Philosophia, und liefs sich einen
Theologum Trismegistum tituliren, aber er ver-
mochte sich dabey des Bettels zum öffternmal
nicht zu erwebren. Suo igitur exemplo do-
cuit, haud prorsus vanum esse Joannis XXII.
Pont. max. in Jure Canonico effatum : Spon-
dent, quas non exhibent, divitias pauperes
alchemiste. Quod ipse demum, sero sapiens,
agnovit (x).*

4.

Agrippæ Fata.

NON facile fuit inter eruditos, qui anci-
pites fortunæ vices variamque ejus lu-
bricitatem per omnem vitam sæpius sen-
ferit,

Nn 5

(u) In Epistola ad Fratres Rosæ Crucis, quæ an-
nexa est Thesauro Fidei. p. 33.

(x) In Libr. de Vanit. Scient. C. XC.

ferit , quam noster Agrippa , ex aliis in alia fata vocatus , quæ licet diligentissime , uti solet , persecutus sit Bailius , unum tamen , memoratu meo quidem iudicio haud indignum , pene intactum prætermisit. Cum vero singularia eruditorum fata penitus nosse magnam habeat delectationem , & ipsi Agrippæ in epistola ad Landulphum (y) omnem eam rem luculenter curatissimeque exponere visum fuerit , illam integram in gratiam eorum , qui omnia ejus opera , haud ubivis obvia , non possident , huc transferre juvat , adjectis etiam binis scholiis , quæ in Lugdunensis editionis ora comparent. Eam , etsi satis verbosam , pelle gisse , nemini fore tædio , persuasissimum mihi est.

Agrippa Landulpho.

Veniremus (†) ad te Lugdunum , fidissime Landulphe , sed pecunias omnes , quoniam tam longæ & molestæ terra mari-
que

(y) Lib. I. Epist. X. p. 8.

(†) Hoc loco fateri videtur apertissime , Chrysopœam se exercuisse cum sociis fœdere sibi adjunctis : ob quem sæpius apud Principes libertatis jacturam ferme fecisse , captivumque fuisse hanc ob rem detentum in Valle rotunda , ex præcedentibus liquet.

que peregrinationis attenuarunt impensæ ,
sumptuum tenuitate coacti Avenione nos,
instructa solita nostra chrysotoci officina,
tantisper manere , & in opere perseverare
oportebit , quoad usque longioris itineris
nova fomenta excubemus. Interea quam
tantopere cognoscere cupis nostræ fortunæ
tragico-comœdiam , nunc accipe. Scis
etenim initio quum post expugnatam nostris
artibus Arcem-nigram , tandem dimissi
ad præsidia Vallis-rotundæ , ibi cum Janoto
versaremur , quanta rerum nostrarum ja-
ctura vitæque periculo , totum id temporis
inter perfidissimos populos perdiderimus.
Sed cum serò tandem cœpissimus sapere ,
tu (quò rebus nostris consuleremus , quem-
admodum inter nos convenerat) profectus
per Peniacum , exinde retrouersus Gero-
nam, nuntiasti te Barcinonem petiturum ,
quo nuntio illectus Janotus , etiam ipse
Barcinonem iter instituit , ob causas tibi
mihique satis constantes. Itaque relicto
me super præsidiis , arripit iter quinto Idus
Junias rediturus , ut falso opinabatur , ad
festum divi Joannis Baptistæ , convivium eo
die exhibiturus , ad quod priorem cœnobii
sancti Georgii, & Franciscum presbyterum ,
illum affinem suum , cum plerisque aliis ,
jam

jam nuper invitaverat. Verùm si te apud Barcinonem convenerit, si quid tecum egerit, aut statuerit; hætenussemper ignoravi: sed eras tu, hercle, beatus, qui remotior à periculo: sed ego spe sola felix, & futuri mali ignorantia tutus, agebam inter medios hostes, incuriosus periculi mei, Janoti reditum propinquum expectans: jamque proximè aderat dies destinatus convivio, sol occidens ultimam terræ metam deflexerat, cùm illius expectatione frustratus quid Janotum remoraretur, anxius suspiciosusque, quid potissimum agerem incertus, imminentisque mali præfagio turbatus animo & contiguæ noctis metu formidolosus, varias in corde meo voluebam sententias: tandem vespertinæ me trado quieti. Nondum provecta nocte somnus oppresserat oculos, ubi venit ad arcem nostram Oeconomus abbatis, qui, dato signo excubiis, mox, demisso ponticulo, intromissus, convocatis me atque Perotto, cum reliquis duobus Janoti affinibus, triste nobis horrendumque exposuit malum, omnia videlicet atrocissimo rusticorum furore misceri, Janotum in reditu interceptum vincitumque servari in montibus, duos ex suis trucidatos, reliquos secum teneri captivos: nobis
vero,

verò, videtisne, inquit, quantum vos manet periculum eminus, nisi fortiter & repente præcaveritis? mox cominus congregietur. Nunc ergo festinate, & rebus vestris unà cum vita sapienter consulite. Attoniti eramus omnes, & expectatione deterrimæ formidinis trepidi: obstupuit animus, lababant genua, tremebant membra steteruntque comæ & vox faucibus hæsit, quid facturi, quo consilio usuri, penitus nescii præ repentina ista perturbatione: cum videremus nos, aut sæva morte, aut gravissimo periculo involvendos, consternati, & ob angustiam temporis cogitandi deliberandique spatio privati, omni eramus consilio vacui. Sed & ego ille egregius tantorum facinorum consiliator, qui paulo ante tantas res turbavi, qui tantas commovi machinas, tunc ipse mihi consilio meo defeci. Itaque adorabamus Oeconomum illum, ut qui admonuisset periculi, simul afferret etiam aliquid consilii. Ait ille, aut exquisito aliquo eruptionis genere utendum fore, aut arcem ipsam munire oportere, fortiterque seditiosis rusticis resistere, fore enim, ut intra paucos dies, aut nullo fulciti imperio, a se discessuri sint, aut brevi manu regis cohibeantur. Verum ut
crum-

erumpere per armatorum rusticorum custodias impossibile erat, ita illos intra dirutam arcem oppugnatores opperiri & contrapugnare, plenum periculi, & certa mors erat, cum non possemus multitudinem pauci superare, nec invalidæ munitiōis arcem adversus innumeros hostes paucorum præsidio tueri. Verum erat ad tria millia passuum propinqua turris quædam vetusta, & semidiruta: pariter etiam inculta & deserta, nescio, si aliquando advertens animum videris: sita enim est in lacunosa cavaque convalle, non procul ab Arcona, ubi montes abrupti in amplum quendam sinum aquis stagnantibus irriguum aperiuntur, saxis asperrimis, & propterea inaccessis, cinctum: ad cujus fauces turris hæc in eminentiore tumulo sita, hinc quidem stagnantibus paludibus & lacunis piscariis, inde vero asperrimis saxis & altissimis rupibus clausa, præter unicum inter lacunas arcto admodum aggere, glebarum acervo, cespitum compagine coacto: aditum non admittebat alium, nec aliud, nisi forti hyeme, cum gelu omnia constrinxisset, progressuris iter patet, nam reliqua omnis superficies, vestigii impatiens, in luteas voragines, paludosamque colluviem collabitur, qui situs
per

per æstatem , inexpugnabilem illi loco tutelam parat. Hanc turrim incolebat pauper quidam abbatis villicus , qui piscinarum custodiæ præerat : illam nos occupare jubet Oeconomus & munire. Placuit omnibus consilium , totisque pedibus in eam sententiam profilientes , discussa omni pigritia , confestim collectis sarcinis , & quanto potuimus commeatu , cum quæ victui & munitioni commoda essent , tum quicquid preciosum erat & valde necessarium , equorum nostrorum dorso impositum provehentes , nos armati pulveribus & sclopetis onusti , præsidio tenebrarum freti , cum servis nostris duce Oeconomo illo , clandestino itinere per devia quædam diverticula , perque opacæ noctis silentiosa secreta , turrim illam ingredimur , ubi impedimentis omnibus exoneratos equos nostros Oeconomo permisimus salvandos , quod ille quidem solerter præstitit. O quæ fortunarum nostrarum repentina mutatio ? quæ rerum nostrarum mutata facies ? Ex strenuis militibus lucifugæ vespertiliones effecti eramus , jamque operosa & pervigili nocte transacta , dies festus aderat , dies destinatus convivio. Nondum croceos pulcher Apollo extulerat vultus , cum relictam a nobis Janoti arcem cingunt

cingunt armati rustici, & alii scalis per antiquorum mœnium ruinas conscendentes, alii validis securibus valuas aggressi, domum Janoti irruunt: ibi omnia everſa, ſublata, direpta, vaſtata: omnia ruſticorum erant. Hem, quale convivium: quærebant undiquaque Janoti ſatellites, ſed nuſquam erant, abierant enim fugerantque: & quæ reliqua dormiens, & noſtræ fugæ neſcia, reliſta erat iners mulierum & puerorum familia, pavore ſubito attonita, non habebat, quod indicare poſſet: verum unum præ omnibus quærebant Alemannum, me ſcilicet: (erat enim fama publica, & omnium conſpiratus undique rumor, me tam atrocis conſilii, tam pernicioſi magiſterii, tam crudelis facinoris extitiſſe autorem, meisque artibus inexpugnabilem humanis viribus Arcem - nigram ſuperatam, plebiſque præſidia tam miſerabiliter truciſata, & libertatem eorum everſam) jamque ingens hominum turba confluebat ex montibus, quorum numeroſa frequentia tota vallis complebatur: undique ruſticorum ſtrepitus, plebs infeſta, hoſtes innumeri, & publicus clamor hominum in noſtrum exitium conſpirantium, omnia mortem minitabantur. Nec mora: ubi fueramus

mus nos latentes, innotuit: accurritur mox ad turrim, & oppugnamur undique: sed nos inexpugnabilis loci (quem natura undique impenetrabilibus paludibus, & inuiis saxis circumsepsit) præsidio freti, illum insuper viribus armorum tuebamur, contractisque, quas inibi reperiēbamus, quadrigis, injecta terra, aggerem, per quem unicum aditus iter patebat, vallo occlusimus: retro quem cum sclopetis nostris in statione eramus, vel solo bumbo omnibus rusticis formidabiles, qui omne roboris sui exercitium in arcu & balistis repositum habebant. Hoc itaque exigui valli propugnaculo omnis rusticorum spes potiundæ turris subruta est, acceptaque aliquot suorum clade, dimissa oppugnatione, ad obsidionem animum obstinate inducunt, quo nos vel fame compulsos in deditionem acciperent. Hinc itinerum omnium severa custodia interclusi eramus hostiles inter turbas, plebemque cruentam: circumcirca mors imminebat, periculum undique, auxilium nusquam, nullibi aufugium, nulla evadendi via, & erat nobis una spes miseris, nullam sperare salutem. Nam quamvis loci præsidio inexpugnabiliter muniti, & impenetrabili paludum & saxorum tutamento ab oppugna-

tione securi effemus, etiam vigiliis & stationibus, cæterisque pro defensione nostra necessariis, salubri consilio dispositis, nullos formidaremus insultus: tamen fames brevi urgere potuit nos ultro hostium gladio jugulum submittere. In hoc itaque erubescendo simul & miserando rerum statu erant adhuc nonnulli ex populo, qui, seditionis fortè expertes, se consueta erga regem subjectione obedientes persistere profitebantur. His adjutoribus abbas ipse, cujus magna semper fuit in plebe veneratio, intra has publicæ seditionis procellas concionem legit apud Arconem, plebique, quam fragili conatu, quam irrito proposito hanc discessionem moliretur, exponens, ne regi rebellarent persuadere cœpit: tum etiam de Janoti restitutione, simulatque nostra libertate multa locutus, in vanum laboravit. Nam plebs rustica seditionis fluctibus concitata atque armata, regiarum partium præconibus dicendi potestate vix permissa, respondit se non adversus regem, sed in Janoti & suorum tyrannidem exacerbatos, à quibus inusitatæ dominationis sævitia, & intolerabili onerum servitute vexatus fuisset, quique sub regis protectionis titulis hæreditariam patriæ eripuissent libertatem:

tatem : tum ereptam sibi Arcem-nigram magnis ultionum minis objiciebant : ipsum Janotum atque me præ cæteris seditioso accusationis genere persecuti : hunc patriæ proditorem, me vero illum, cujus detestandis artibus inexpugnabilem arcem una cum libertate amisissent, nostroque impulsu regem in hunc crudelitatis impetum adductum, atque tam atrociter victoria sua usum, ut eorum sanguine & cædibus vix satiari potuerit, asserendo. Nunc ergo recuperatam publicis armis libertatem pro fallacium verborum blandimentis sese nolle dimittere, quippe velle se Regem dominum agnoscere illis conditionibus, quibus a majoribus suis imperatum sit : ad ulteriorem servitutem se cogi non debere, nec pati posse. De nostra autem atque Janoti liberatione omnes in unam sententiam clamabant, tollendos potius hostes in suam potestatem datos, quam dimissos iterum ultores experiri : nec debere se nostram salutem suæ anteferre. tum & superbius æquo vociferabant, sese plus metus habere nostra in salute, quam in regis offensa : plusque opis in nostra cæde, quam in regiis promissis reponere. Sed & illi, quorum cognati in expugnatione Arcis-nigræ occiderunt,

non parum nutrimenti publici furoris incendio addiderunt. Itaque cunctis accusationis iracundiam in Janotum distringentibus, & solvendæ obsidionis nostræ sententiam detrectantibus, ad profundam vesperam Abbas, furibundæ plebis dimissa concione, secessit. Dum hæc ita in ancipiti aliquot dies penderent, & nos graviores famis & inediæ, quam obsidionis pugnam formidaremus, Perottus callidum, & quod ex usu foret omnium, speculationis consilium amplexus, omnem interclusum rupibus sinum pervagatus, scrupulosa diligentia singula circumspiciens, devias solitudines, & avia montium considerans, si quam forte fugæ & evasionis viam invenire posset, sagaci indagine explorabat. Is tandem insueta itinera & difficilia aditu saxa, ingentesque rupes per varios anfractus emensus, quodam die in summitatem montis evasit, unde prospectus erat in lacum, qui montem ab altera parte alluebat, quem cognovit esse Lacum nigrum, qui inde ad quatuor millia passuum protensus, non longe ab Abbatia, quæ supra egredientem rivum sita est, desinebat. Itaque difficilem montis descensum eo versus prosecutus, forte offendit semitam, quam solutæ nives, variis

riis anfractibus per prona in lacum decurrentes, cavatis saxis, præcipite clivo effecerant: hujus per obliqua devexa propere se demittens, pratis se immisit subpatentibus, & ad lacum usque descendit, sed interclusus scopulis & aquis, nullus ulterior, nisi navigio, patebat progressus. Itaque remensus difficillimum iter, sub occasum solis ad nos rediit, ac coeuntibus nobis in consilium, quæ comperisset, narravit. Tunc, pensitatis singulis, visum est, ut scriberemus abbati, quo naviculam mitteret ad signatum scopulum. Verum erat hoc consilium haud parum difficile & periculosum, & prope impossibile ob tam severas diurnas nocturnasque itinerum custodias, quæ nec egredi vallem, nec ingredi quenquam inexploratum patiebantur. Proinde aliunde quam per arctum illum aggerem, qui ab altera parte præcisus, non indiligentiore custodia, sed & viribus & multitudine majore custodiebatur, ab hostibus profultum nostrum arcentibus, quam a nobis illorum ad turrin prohiberetur insultus, nullus nostris patebat egressus. Visum itaque est in consilium nostrum accersere villicum, illumque precibus, donis & pollicitationibus adorimur, adjuramusque. Is tandem

passus se per ignoti vadi compendium paludem posse superare: sed vallem nisi per medium hostilis turbæ agmen egredi non posse, nec quovis modo ad abbatiam, quæ extra vallem sita sit, pervenire. In hac plena desperationis consultatione, nescio quo furore tam callidum mihi consilium ministrante, hoc stratagemate usus sum. Puer erat villico, qui pascebat armenta; hunc ego tithymallis, aliarumque herbarum succis infectum; foedata facie manibusque, turpi macula squalifacta cute, & horridula coma deformatum, tum mendico habitu & informi baculo, cui excavato literas indidimus, ac leproforum clapello adornatum instruximus: quem villicus ipse bovi impositum, sub obscuram noctem per notum sibi vadum transmissa palude, ante auroram solo exposuit. Qui profectus, balbutiente sermone eleemosynas petens per medias infestorum rusticorum acies jam clara luce vallis fauces tuto egressus est; nam ut postea nobis narravit, etiam ipsis custodibus non modico terrori fuit, ut qui non modo alloquium, sed & conspectum ejus fugerent, tanquam ex serpentum illorum genere fuisset, qui solo aspectu noxii dicuntur, stipemque illi procul projiciebant in terram.

Sic

Sic puer ille periculosum gnaviter nuntium absolvit, & literas abbati reddidit: acceptoque responso, eodem astu postera die circa primam ferme noctis vigiliam ad nos rediit, clapello præsentiam suam denuntians: quem expectabundus villicus, conscenso bove, vadum trajiciens, rursum recepit atque reduxit. Gavisi omnes de tam salubri responso, totam noctem disponendis rebus nostris duximus insomnem, cumque appropinquaret diei crepusculum, emissis more solito aliquot sclopetarum tonitruis, cæterisque vigiliæ signis, adhuc quiescente & ignorante villico, nos cum nostris impedimentis omnibus, prementes obnixum silentium, præeuntem Perottum taciti insequimur, assiduisque lapsibus, & crebris offendiculis per lubrica, per aspera, perque infensos scrupos, contusis cruribus, non exiguo labore montem conscendimus, vixque tandem ad summum verticem fessi pervenimus, in cujus cacumine constituti, incumbentes saxi tantisper quievimus, quoad Perottus alteram montis partem per prona delapsus, signum affigit, scopulo: id erat linteum candidum extensum, quo, retro quam descenderat viam, ad nos remenso, expositis, quos nobiscum attulimus, cibariis, in istis summis saxi epu-

labamur, ultro citroque prospicientes, donec circa quartam diei horam prospeximus venientes duos lembos piscarios, sublevato rubeo pileo insignitos; id enim signum nobis abbas rescripserat. Iis conspectis, sclopetas omnes in lætitiæ signum e summo montis cacumine emittimus: quo & villico nostram salutarem fugam, & nautis nostram præsentiam indicaremus. Tum, præeunte Perotto, transmissio clivo, per invia & humani vestigii expertia saxa delabimur in subjacens pratum, vix stabili vestigio excepti, ingressique lembos, hac ignoti itineris fortuna & piscatorio remigio freti, salvi cum omnibus nostris in abbatiam ipsam pervenimus sub vesperam, quam dies insequetur iduum Augusti. Hæc itaque nostra evasio, ut postea accepi, seditiosos illos rusticos (quibus illa non tam admirationi, quam miraculo fuit) diversas traxit in sollicitudines. Jam enim anxie metuere sibi cœperunt, ne eisdem nostris artibus & opera exquisitis, ignotorum itinerum transitu rex illis inopinatum intromitteret militem, qui flammis & ferro omnem vallem crudeli animadversione vastaret. Jamque nec dies, nec noctes securum dormientes, plures discedebant ad partes regias, qui ante manifestum

festum defectionis titulum sequebantur. Verum qui seditionis caput extiterant, qui Janoti bona diripuerant, qui vinctum ceperant atque servabant, suæ sententiæ obstinati inhærebant, salutem suam non nisi in Janoti exitio repositam arbitantes. Metuebant enim non modo bonorum suorum proscriptionem, exiliumque a patria, sed & vitæ suæ suorumque postmodum diffidendum censebant, si unquam Janotus restitueretur. De quo quid postea actum sit, nondum accepi. Sed ad me redeo. Jam omnia mihi tuta erant, omnia secura, omnia salva; nisi quod de tua fortuna, ubi esses, quo divertisses, ubi lateres; nulla indagatione percipere potui. Instabat abbas consilio suo, ut reverterer in aulam, non defuturam mihi instaurandæ melioris fortunæ facultatem apud eum regem, cujus venerationem & munificentiam jam semel expertus essem. Verum quod suasit utilitas, vetabant pericula, neque enim ignorabam, si ad regem rediissem, me ad novum aliquod, & plenum periculo facinus destinandum fore. Sed plus me retrahebat tua absentia: metuebam enim caput meum inexplorata fidei hominibus committere. Itaque plusculos dies in abbazia illa commo-

ratus, anceps animo quid facturum essem, venit ad me Antonius Xanthus, qui adhuc apud me est, ille videlicet senex, de quo scripsi tibi nuper (††). Is suis consiliis animum meum erexit, in totum namque propositum erat mihi invisas aggredi terras, ignotosque accedere populos, omnia experiri & me totum fortunæ flatibus exponere. Jubet ille moderari animum, ac Hispaniæ oras scrutari suadet, tuamque Italiam, si de te aliquam famam nancisci possemus: polliceturque se itineris comitem: nec fides promissis abfuit, quin summum peregrinationis meæ præberet solatium, jamque dies septimus erat Kalendarum Septembris, quando cum sene illo atque meo Stephano ex abbazia discedentes, Bercinonem peteremus, de tua salute & peregrinatione quid esset, exploraturi. Ibi triduum commorati, cum de te nihil intelligere possemus, ad magnam illam Valentiam proficiscimur, ubi apud Comparatum Saracenum, philosophum astrologumque exercitatissimum, olim Zacuti discipulum, de te percunctati, nihil

(††) Ecce quam sunt periculis artium arduarum indagatores obnoxii, ut semper de salute vel quiete desperabundi pervagari cogantur.

nihil etiam scire potuimus. Itaque divenditis equis nostris, post paucos dies ex Valentia transfretantes per Baleares insulas, supra Sardiniam navigantes, Neapolim defleximus. Sed ibi consiliis nostris parum ex sententia cedentibus, minorem spe nostra fortunam experti, reditum in Gallias instituimus. Itaque exinde navigantes Ligurnum Thuscæ portum appulimus: deinde Ligusticum littus pererrantes, Provinciam ingressi, usque famigerabilem hanc, liberamque Rhodani urbem pervenimus, manemusque usque adhuc omnibus salvis. En habes nostræ fortunæ historiæ ab illo tempore, quo tu feliciore sydere actus, ex Valle - rotunda à me discessisti: quam, ut brevissime potui, tibi hoc calamo exaravi. Ampliora de interea a me gestis & cognitis, coram audies, quam primum nos Lugdunum venire concedetur, nisi tu nos interea (quod cuperem) Avenione convenire velis. Habeo siquidem tibi aperire aliquid secreti consilii, quod invitus pectore clausum gero. Vale. Ex Avenione, nono Kalendas Februarii, anno 1509.

5.

Agrippæ cum monachis bella.

PAUCA sunt, quæ hic adjiciamus, cum otium nobis fecerit solertissimus Bailius. Ea fuit illius temporis ratio, ut monachi, tum plerique rudes ac idiotæ, invidia omnes bonarum literarum amatores prosequerentur, fatente id ingenue Claudio Deodato (2), ipso monacho Cælestiniano. Præterea nec in causa religionis cum iis prorsus conveniebat Agrippæ: quamvis enim eum Luthero palam haud accessisse recte evicerit Bailius, in multis tamen ab Ecclesiæ Romanæ decretis fuisse alienum, si non alia in ejus scriptis extarent documenta, vel hæc verba (a) epistolæ, ad Capellanium A. 1526. d. 16. Sept. exaratæ, testatum facerent: *Quod admones, transferendum aliquid de Christianismo ad Christianissimum Regem, res hac non modicam considerationem requirit, maturaque deliberatione perfitanda est; utrum conveniat magis, vel aliena traducere, vel propria meditata proferre?*

At

(2). Lib. II. Ep. 24. p. 67.

(a) Lib. IV. Ep. 44. p. 189.

At tutius forte sub alieno clypeo delitescere; tutissimum autem, tacere. Nam hodie, ut vides, Christiana veritas nullo securiori modo colitur, quam stupore & silentio, ne forte corripiamur e Prædicatorum hæreticorum inquisitoribus, ac Sorbonicis illis in lege, non quidem Mosaica, nec itidem Christiana, sed Aristotelica, doctissimis scribis & Phariseis: qui nos fasciculorum metu cogant ad palinodias. Cum vero Agrippa Monachos semper expertus fuerit inimicissimos, ipse vicissim hostem se iis præbuit infensissimum: imo A. 1533. bellum iis haud unquam expiabile denunciavit (b): Quia cognovi, illos immortales & extinguibiles inimicitias gerere, illasque alterum alteri concinnandas per manus tradere, nostraque patientia atque silentio insolentiores evadere, deliberavi cum his, qui mihi tam communem hostilitatem indixissent, quique in ingenium nostrum ingrati, beneficium pro injuria reputant, apertas gerendas esse inimicitias, voloque mihi cum universa hac improborum sophisticationum & cucullionum colluvione æternum bellum esse susceptum, & quicquid hætenus cum his — mihi negotii fuerit, postliminio resuscitare, illosque suis coloribus depictos sub dio palam

palam omnium oculis exponere, ut videant populi, intelligant nationes, cognoscat mundus, per quos homines tot seculis seducti & decepti fuerint.

6.

Quædam de magicis Agrippæ præstigiis narratiuncule.

Hinc facile hariolaberis, quidnam magiæ ipsi infamiam attraxerit, quam ab eo haud infeliciter post Naudæum absterfisse Baillium censeo. Variæ de eo circumferuntur fabellæ, putidæ satis & monstrosæ, quas ex Paulo Jovio, Theveto, & Martino Delrione idem vir laudatissimus exhibuit, & argute confutavit. Nos addimus quædam ab eo omissa. Natalis Comes hæc refert (c): *Inde existimo, artificium Cornelii Agrippæ originem cepisse, qui in occulta philosophia videtur rationem quandam attingere, ut qui maxime a nobis distant, possint qua volumus in Luna descripta perlegere. Id eo tempore contigisse mihi narratum est, quo Franciscus præstantissimus Gallorum Rex bellam gere-*

(c) Mytholog. Lib. III. C. XVII. p. 257. edit. Hanovienf. 1605. in 8.

gerebat pro Mediolanensium principatu adversus Carolum V. Rom Imp. ubi rediit Mediolanum. — Nam non semel quæ per diem agerentur Mediolani, per noctem significata fuisse dicuntur Parisiis. Hanc artem si Agrippa cognitam habuit, tam operoso literarum commercio potuisset supersedere, nec toties ipsi esuriendum fuisset. Aliud adjicio ex literis, nuperrime ab amica manu ad me datis: Si verum est, quod de Agrippa referunt, plus vice simplici hora nona ad decimam usque Friburgi, & statim hora insequenti decima Mussiponti lectiones, quas vocant, publicas habuisse, magnopere profecto desudandum tibi erit, si Magia maculam ab eo abstersum iveris. Unde hæc hausta sint, ignoro: interim miror, Agrippam insigni hoc artificio non usum eo tempore fuisse, quo a furibundis illis rusticis turri inclusus, atque ad incitas fere redactus erat. Nec opus ipsi fuisset, de itinere minus tuto conqueri, & tam anxie emendicare viaticum, cum Lutetia Parisiorum se familiamque suam transferre Antverpiam cuperet. Hanc Scyllam nunc prætergressus in Charybdim lapsus sum: deficit enim me viaticum, nec inveni adhuc, qui mihi succurrat, aut mutuum det Antverpiæ restituendum, malitiâ temporis bellorumque hosti-

hostilitate obstante. En vides, qualem ludum mihi parit virtuti semper inimica fortuna, & jam mihi cum uxore & parvulis eundem ad vos est per nudos enses, per infestos limites, per hostilia agmina: nec ista me retinent, modo adsit viaticum (d). Mirum etiam, quod Bruxellis carceri mancipatus, non ruptis repagulis tantus artifex evolaverit, ac celeri se pede proripuerit.

7.

Agrippæ Mores.

QUANTUM quidem ego Agrippam ex scriptis novi, homo mihi videtur fuisse varius ac mutabilis semper, diu eodem in loco morari nescius, iracundia sæpe vehementius effervescens, vindictæ supra modum cupidus (e), animo elatus & fastu turgidus,

(d) Lib. V. Ep. 29. p. 245.

(e) En ejus verba e Lib. V. Epist. 3. p. 224. *Ingenius animus, semel juste iratus, nunquam mitigatus in gratiam revertitur. Nihil itaque aliud nunc animo meditor, quam vindictam, hoc est, egregium aulicarum injuriarum contemptum* (scilicet deficientibus ulciscendi viribus). Forte tamen hic excusari posset Agrippa, cum eo tempore nimis inique a Francisci I. matre habi-

us, immodicus sui præco (f), ipse plerumque nimia linguæ libertate adver-

Tom. II.

Pp

sz

habitus fuerit. A. 1528. his ira commotus in amicum, a quo desertum esse conqueritur, insurgit: *Ex testibus hac mea manu & annulo renuncio amicitia tua, detestor consuetudinem tuam, contemno, quæcunque ex te sperare potuero, ac deinceps te mihi pro perniciosissimo adulate ac crudelissimo hoste habiturum decerno, idque eo animo ac ea memoria, quæ nunquam mitigata in oblivionem revertatur, optoque tibi, ut sicut me toto animo in te confisum turpissima inhumanitateque ingratitudeque deseris ac destituis, sic te deserat Christus, sic te destituant hæc paschalia sacramenta. Denique meminisse debueras, potuisse me tibi nonnunquam plurimum prodesse. Quodsi nocendi cupido esset, nec premerem altum alto corde dolorem, nosti me habere scientiam & potestatem in te, quibus si voluntas quoque aliquando accessura sit, quid superest, nisi quod est in proverbio: Arborem queras ad suspendium? L. V. Epist. 32. p. 247. Immo ad ipsos iudices, coram quibus ob æs alienum accusatus fuit, A. 1531. (L. VI. Ep. 25.) præter alia scribere haud veritus est: Quodsi cedere cogor violentiæ, & potentioribus par esse non potero, infirmitati fortuna mea imputabitur: verum bonoris mei vindictam & injuriarum ultionem si data aliquando opportunitate neglexero, hoc certe ignavia, pusillanimitatis & excordiae vitium esset: quod ab ingenuis animis tam semper alienum fuit, ut multi quam bonoris sui vindictam iudicum sententia non obtinuerunt, alii vi, alii dolo, alii scariatu & veneficiis prosequi non dubitarint. Taceo alia hujuscemodi ferocientis animi documenta.*

(f) En insigne jaſtantiaſ specimen, idque ex literis supplicibus ad intimum Imperatoris consilium (Lib. VI. Epist.

ſæ (g) ſuæ fortunæ faber. Vere in eum
convenire iudico Senecæ effatum : *Nullum
magnum ingenium ſine miſtura dementiæ, &
quod*

Epist. 22. p. 305.) An meignoratis, o oculatiſſimi vi-
rorum? ipſa opera meæ me vobis prodere potuerunt,
aut haſtenus de me periculum facere potuiſſetis. An
me contemnitis, deſpicitis, refugitis?

Non daris genuit me cautibus horrens

Caucasus, Hircanæque admorunt ubera tygres.

Sum enim non ſolum ingenuus, ſed & ſpectabilis ge-
nere, nec tantum clarus imaginibus avitis, ſed & pro-
priis titulis militia doctrinaque partis, nec modo ſcho-
laſticis tiaris, ſed etiam militaribus inſignibus decora-
tus, qui ſub diverſorum Regum Imperatoribus militiæ
præfectus, nitido coruſcans ære ſtrenua edidi facino-
ra: ſunt mihi horum aliorumque bene geſtorum mu-
uerum ſummarum Pontificum, Cæſarum, Regumque
& potentatum clara teſtimonia. — Sunt adhuc
mihi & plus quam olim optimæ literæ ingenuæque ar-
tes, inveniendarum rerum novarum pervicax inge-
nium, ſanum peſtus, vivax conſilium, rerum gerenda-
rum induſtria, in adeundis periculis audacia, in ſuſti-
nendis laboribus vires atque ad patranda accepta
Regibus facinora infractus animus: ſunt & variorum
populorum linguæ & mores. Quodſi Silenum illum
invertere oporteat, eſſent etiam aſtus, calliditas, uter-
que dolus & malorum quorumvis ſcientia atque
potestas, ingeniumque nocendi doctum, etiam poten-
tioribus. Hæc ex ipſius ore effuſa vel idcirco legi
heic merentur, quod nobis Agrippam egregie & vivis
coloribus depingant.

(g) Hinc ab ipſis amicis monitus fuit, ne ulterio-
res ſibi calamitates ſatyrica illa loquendi libertate pa-
tiat. vid. Lib. VI. Epist. 7. p. 329.

quod Plato pronunciavit, vix reperiri hominem ingenii insigniter excellentis, qui non admittum habeat aliquid maniaë (b).

8.

*Agrippæ Scripta promissa &
inedita (i).*

PRÆter ea, quorum Bailius jam meminit, aliorum etiam spes ab ipso facta: videlicet *annotationum uberiorum in Mercurii Trismegisti Pœmandrum* (k), *Commentariorum in libros de occulta philosophia* (l) & *Pyromachia*, de qua (m) A. 1526. d. 10. Oct. his ad amicum verbis utitur: *Liber hic in volumen satis amplum excrevit, & Architecturæ illæ poliorceticarum organopoeticarumque machinarum moduli ceteraque pyromachia instrumenta hæctenus per me magnis laboribus &*
Pp 2 *sum-*

(b) Vid. Huarti Scrutinium Ingen. p. 30.

(i) Edita præter Bailium enarrarunt Viri eruditi, qui rariores & præstantiores Bibliothecæ Illustris Chr. Thomassii libros recensere cœperunt. Part. I.

(k) Lib. I. Epist. LI. p. 41. Inter Orationes Agrippæ secunda habita est Papiæ A. 1515. in prælectione Trismegisti. vid. Tom. II. Opp. p. 401.

(l) Lib. II. Epist. 14. p. 57.

(m) Epist. L. IV. num. 54. p. 201. cf. Epist. 73. p. 218.

sumptibus perfecta. Et in Dedicatione Libri de Vanitate scientiarum : *Ego nunc e cane in crocodilum aut draconem aliumve ignivomum serpentem migrabo , & Pyrographiam (opus quale hætenus non viderit atas, sed nonnisi famoso cuidam orbis vastatori profuturum) protinus absolvam.* Joannes vero Rogerius Brennonius in literis ad Nostrum A. 1526. scriptis mentionem facit Steganographiæ, ab ipso concinnatæ (n).

9.

Agrippæ Elogia.

CUM a multis tot diris fuerit oneratus Noster convitiis ut elogia quoque, quibus alii eum ornarunt, huc transcriberem, æquum justumque esse censui. Verum e multis pauca duntaxat dabo, initium faciens a notissima illa, nec inficeta, inscriptione :

Inter Divos nullos non carpit Momus :

Inter Heroas monstra quoque insectatur Hercules :

*Inter demones Rex Herebi Pluto transcurrit
omnibus umbris :*

Inter

Inter Philosophos ridet omnia Democritus:

Contra deflet cuncta Heraclitus:

Nescit quaque Pyrrhias:

Et scire se putat omnia Aristoteles:

Contemnit cuncta Diogenes.

NULLIS HIC PARCIT AGRIPPA.

*Contemnit, scit, nescit, flet, ridet, irascitur,
insectatur, carpit omnia,*

Ipse Philosophus, demon, heros, Deus & omnia.

Hanc inscriptionem jam vetustæ illi Editioni Libri de Vanitate & Incertitudine O. S. & A. quæ A. 1532. prodiit præmissam esse observo, indeque in laudem Agrippæ, non opprobrium, uti nonnulli opinantur, factam colligo, cum ea editio vel ab illo ipso, vel a quodam ejus amico curata fuerit. In epistolis (o) ab amicis salutatur *bonarum literarum Aristarchus, Vir omnium eruditissimus, scientia vere cyclicus, omnium, quos suo orbe sphericus orbis complectitur, doctissimus, inter mortales philosophantes Deus, philosophia, medica artis & totius nature secretarius, imo omniscius, & quæ aliæ sunt ampullosæ laudes, inibi ipsi tributæ. Claudius Blancheroseus ita de eo (p) cecinit.*

Pp 3

Ut

(o) Lib. II. Epist. 58. p. 103 L. III. Ep. 36. p. 130. Ep. 55. p. 141. &c.

(p) Lib. III. Ep. 36. p. 130.

Ut superat Titan radiantia lumina cœli.

Ut quoque vis pelago major inest fluviis :

Sic facile cunctos doctrina & moribus aqvis,

Corneli, vincis, Phœbus ut astra sua.


Alia exhibet Naudæus (*q*), Th. Pope Blount (*r*) & Nic. Reusnerus (*s*).

(*q*) Apologie pour les grands hommes &c. p. 290.

(*r*) In Censura Authorum p. 549.

(*s*) In Iconibus Virorum literis illustrium (edit. Argent. 1590.) p. 78. fqq.





CONTENTA

Tomi Secundi.

- I. *D*issertatio de libris rarioribus, & variis raritatis eorum causis. p. 321
- II. *Επιταφιος* Joanni Borcholdo J.C. Cimo perscriptus ab Joanne Casselio. p. 437
- III. *Irenæi Bibliophili* Observatio, quæ præfationem, quam V. Cl. Christ. Aug. Heumannus Symposio Lactantii a se edito, præmisit, in nonnullis locis illustrat, in admodum paucis emendat. p. 469
- IV. *Epistolæ aliquot ineditæ.* p. 497
- V. *Observatio de libro Henrici Cornelii Agrippæ de Incertitudine & vanitate omnium scientiarum & artium.* p. 513
- VI. *Eliæ Ehingeri de Fidelitate servanda in Autoribus citandis* Dissertatio. p. 530
- VII. *Analecta de vita, fatis, moribus & scriptis Henrici Cornelii Agrippæ ab Nettesbeym.*



INDEX RERUM.

A.

Admonitio adversus Reginam Elisabetham, liber ab ipso autore suppressus.

385

Adversariorum suorum scripta nonnulli calide suppresserunt.

381. sq.

de Æquivocationum arte liber suppr.

364

Agrippæ (Henr. Corn.) Libri de Vanitate

Scientiarum brevis historia. 513. sqq.

loca, quæ ex eo fuere expuncta, restituta.

520. sqq.

de ejus vita Analecta.

553. sqq.

ejus patria. 554. πολυμαθεια & ingenium capacissimum.

555.

inventæ ab eo machinæ bellicæ. 560. Agrippa Alchemista.

562. sqq. ejus sodalitium. 562. fata.

567. sqq. cum monachis bella. 586. de magicis ejus præstigiis narratiunculæ.

588. sq. mores. 590. sqq. scripta promissa & inedita. 593. elogia. 594.

Alcorani editio Italica rara. 356. prima editio Arabica combusta.

358

Alcyo-

Index Rerum.

Alcyonius (Petrus) scriptum aliquod a Sepulveda sibi oppositum suppressit. 381

Ambrosii locus corrupte citatus in tractatu de causis recusatæ Synodi Tridentinæ. 539

Anastasio Bibliothecarii editio & codices aliquot mutilati. 154. sqq. 178. interpolati.

200. locus de Joanna Papissa. 200. sqq. contra Angelorum cultum Origenis testimonia. 534

de Anima & Spiritu mundi Ficini sententia. 125

Apellii a Gailligen arma & vestigia Noribergæ monstrantur. 221

Apocalypticus numerus 666. 148

Aranea a Francisco in S. calice citra periculum hausta. 549. sqq. nec non ab aliis.

551. sqq. Artium inventarum rudia initia. 13

Astrologiæ judiciariæ nimium statuit pretium Ficus. 124. sqq.

de Astrologia iudicium Ficini. 135

Athiæ (Josephi) prodigiosum figmentum. 392

Auberii Historia Augustodunensis rarissima. 399

Aventinus primus fuit, qui historiam de Joanna Papissa falsitatis accusavit. 158

Augustini (Antonii) libri rari. 410. sq. B. Ba-

Index Rerum.

B.

- B**aptistæ Mantuani operum editio Antverpiensis rara. 396
- Barbaro - Græca opera olim excusa rara. 422
- Barbarus (Hermolaus) Ficini amicus. 70
- Basilea sacra, lib. rar. 388
- Bellarminus Ambrosium corruptit. 532
- Bergomatis (Jac. Phil.) Supplementum Chronicorum. 316
- in Bertramum commissæ fraudes. 541. sqq.
- Besoldi (Christoph.) Documenta Monasteriorum in Ducatu Wirtemb. &c. suppressa. 341. sq.
- Bessarion Ficini patronus. 59
- Biblia Hebraica Sec. XV. vel circa initium XVI. excusa, rariora. 419
- Biblia Hungarica a Jesuitis suppressa. 361
- Biblia Latina a Jo. Fusto 1462. impressa quanti vendita. 330
- Biblia Polyglotta Antverpiensia correctissima. 340. rara. 398
- Bibliorum Suecicorum editio rara. 397
- Bibliorum versiones Germanicæ ante Lutherum editæ raræ. 415
- Bibliorum versionis, a Luthero factæ, editiones primæ rariores. 415
- Biblio.

Index Rerum.

- Bibliorum quædam editiones Germanicæ interruptæ. 361. sq.
Biblia vulgata Sixti V. suppressa. 358. sq.
Italica ejusdem. 359.
Bibliophili (Irenæi) Observatio, qua præfatio ab Heumanno Lactantii Symposio præmissa illustratur. 469. sqq.
Bibliothecæ Barberinæ Index. 388
Bocacii (Joan.) Opera quædam neglecta. 418.
Bohemns (Joan.) 497. sqq.
Boissardi (Jani Jac.) Icones virorum Illustrium. 109
Borcholdi (Joan.) Vita a Caselio descripta. 437. sqq. Opera. 461
Boschi (Matthæi) Opera Bononiæ. 1493. impressa. 334
Broweri (Christoph.) Antiquitatum Trevirensium prima editio suppressa. 346
Brukerus (Jac.) 530
Bruschii (Casp.) Epistola. 287. sqq.
Bruti (Jo. Mich.) Historia Florentina suppressa. 346
Buzæus (Joan.) Hincmari resector. 545

C.

- le Cabinet du Roy de France liber suppressus. 342
Came-

Index Rerum.

- Cameracense bellum.** 141
Canones poenitentiales per Episcopum Civitatensem compositi. 369
Cardanus (Hieron.) post mortem ab hoste Scaligero miris laudibus ornatus. 273 sqq
Caroli Ludovici Elect. Palat. & Degenfeldiæ epistolæ amatoriaræ. 262. sqq.
Carranzæ (Bartholom.) imperitia Græcæ linguæ. 536
Cartesius Pereiræ Antonianam Margaritam suppressisse dicitur. 383
Casauboni (Is.) Liber de Ecclesiast. libertate suppressus. 362
Castalionis (Joh.) editio Symposii recensita. 484. sqq.
Castelli (Edm.) Lexicon Heptaglotton. 396
Chalcocondylæ (Laonici) locus de Joanna Papissa & sella stercoraria. 160
Chronica civitatum , vernaculo sermone scripta, plerumque rarescunt. 434
Chronologia Pontificum incerta. 179
Ciceronis de officiis libri a IJo. Fusto excusi. 4
Concilii Africani decretum corruptum. 532. sqq.
Concilii Laodicensis decretum corruperunt Pontificii. 534
Concordia rationis & fidei, liber suppr. 347
Con-

Index Rerum.

Conformitatum Francisci cum Christo liber.	549
Conjuratio contra Medicam domum a Franc. Salviato aliisque inita.	76
Conventus Ordinum Imperii Memmingæ institutus.	141
Correctores eruditi.	<u>332</u>
Cosmus Medices incomparabilem Bibliothecam instruxit.	27
Cosmi Medicis beneficia in Ficinum.	30. sq. 39
Critoni (Jac.) Orationes raræ.	404
Croatici libri.	401. sq.
Cujacii (Jac.) laus.	<u>445</u>
Cullon (Cont.) hostis Evangelicæ veritatis.	308

D.

D Egenfeldiæ (Louisæ) Epistola amatoria unde hausta sit.	262. sqq.
Diluvium imaginarium.	<u>497. sq.</u>
Disputatio Apologetica pro potestate Pontificis suppressa.	<u>345</u>
Dodsworth & Dugdale Monasticum Anglicanum.	<u>344</u>
Donatus, primus liber impressus.	<u>327</u>
Donii (Latini) Opuscula.	405
Druthmari (Christiani) Commentarius in Evangelium Matthæi.	429
E. Eadga-	

E.

EAdgari Regis verba corrupte citavit Per-
ronius: 536. sqq.

Editiones primæ & rarissimæ autorum vete-
rum. 330. sq. de iis iudicium Heuman-
ni. 333

Editiones Sec. XV. quædam elegantissimæ.
333. sq.

de Editionum Sec. XV. nimio pretio iudi-
cium Maittaire. 335

Egmondanus (Nicol.) Erasmi hostis. 236
ejus furor aculeata epistola castigatur.
248. sqq.

Ehingeri (El.) Catalogus Biblioth. August.
rarus. 390. Dissert. de fidelitate servan-
da in citandis autoribus. 530. sqq.

Epistolæ Ficini quales? 100. sqq.

Epistolæ Caroli Ludov. Palatini & Degenfel-
diæ. 262. sqq.

Epistola Lauredani (Leonardi) ad Mem-
mingenses. 137. sqq.

Epistola de Magistris nostris Lovaniensibus.
248. sqq.

Epistolæ Jul. Cæs. Scaligeri. 269

Erasmi Roterod. secunda Novi Testam. edi-
tio recensetur. 222. sqq. ejus editionis
historia. 228. sqq. adversarii. 237. elogia.
238.

Index Rerum.

238. sqq. Annotationes in N. T. laudatæ.	242. sqq.
Erasmus deprecatur odia Phil. Melanchthonis.	306
Evangeliorum quatuor argumenta memoria mandandi compendiosa ratio.	8

F.

F abri (Jac.) Stapulensis editiones N. T. suppressæ.	<u>360</u>
Fabula pro narratione publica.	164
Ferguson (Rob.) libelli suppressi.	345
de Ficini vita commentatio.	18. sqq.
Ficini (Marfilii) parentes, & de iis singulæ.	20. sqq.
Patroni Medices.	30. 39.
Præceptores.	32.
Studia.	33.
diligentia.	35.
ingenium præcox & scripta juvenilia.	36.
continentia animi.	43.
munera.	47.
familiares & auditores.	51. sqq.
docendi ratio.	52.
magnum inter Germanos nomen	55.
Ficinus principibus & Viris illustribus charus.	57.
ejus secessus literarius.	60.
statura & corpus imbecillum.	65.
temperamentum.	69.
virtutes.	70.
vitia.	75.
obscurum dicendi genus.	81.
immodicus in Platonem amor.	83.
absona quædam dicta & stulte.	84. sqq.
Scripta.	89. sqq.
Libri promissi & inediti.	107. sqq.
mors.	109.
epitaphium.	110.
Ficinus	

Index Rerum.

- Ficinus an Pandectarum Florentin. inventioni interfuerit. 88
Ficini omnium operum conspectus. 103. sqq.
apparitio post mortem. 111. Libri de vita. 120
Ficini elogia. 114. sqq. superstitio. 133
pro Ficino Apologia. 119. sqq.
Fides historica. 148. sqq. 175. sq.
la Foy reduite a ses justes bornes, lib. suppr. 354
Eceminæ incapaces sacrorum ordinum. 144
Forcatuli (Steph.) de Joanna Papissa ridicula opinio. 192
Francus (Sebast.) 289
Fratres in Platone. 87
Fulmen de coelo delapsum &c. liber suppressus. 353

G.

- Garnierii Systema Bibliothecæ Jesuitarum Collegii Ludoviciani. 388
Gerhardus (Joan.) minus fideliter citavit Chrysostomum. 546
Germani inventores typographiæ. 6. 25. sq.
Gratianus Augustinum mala fide citavit. 531. de cojudicia. ibid. sq.
de Guarient & Rall. (Ignat. Christoph.) Diarium itineris in Moscoviam suppressam. 343
Guic-

Index Rerum.

- Guicciardini Historiæ editio incorrupta. 432
Guntheri (Petri) carmen in typographiæ
inventores. 16
de Gustavi Adolphi morte maxime discre-
pant scriptores.

H.

- H**aloandri editio Pandectarum castigatissi-
ma. 427. sq.
von der Hardt (Herm.) Ænigmata prisca
orbis suppressa. 358
Harlemenses quanta sollicitudine adseruent
speculum humanæ salvationis. 3
Hearne (Thom.) plerumque librorum, quos
edit, exemplaria ad exiguum numerum
restringit. 392
Hevelii (Joan.) libri igne absumpti. 394. sq.
Hieronymi editio Frobeniana pessime a mo-
nachis habita & truncata. 432
Homeri editio. 1488. Florent. 334
Horologium Mariæ sub typographiæ primor-
diis excusum. 2. 328
Hosius (Stanisl.) Lutheri librorum combu-
stor. 377
Hugonis Cardin. ineptæ exegeses. 245
Hutteni (Ulrici) laus. 261

Index Rerum.

J.

- J** Amblichum de mysteriis transtulit Ficinus. 98. sq.
societatis Jesu Constitutiones. 374. sqq.
Imagines astrologicae. 128. sqq.
Indices librorum prohibitorum & expurgandorum. 371. sqq.
Inventores artis typographicae rudes. 12
in Inventores typogr. carmen. 16
de Joanna Papissa Dissertationes. 142. sqq.
195. sqq.
Joannis (Erasmi) opus aliquod suppressum. 355
de Jona Aurelianensi judicium Bellarmini. 546
Irenici (Franc.) Exegesis Germaniae. 287. sq.
Jungii (Joach.) Geometria Empirica. 405
Justinus Imper. analphabetus. 14

K.

- K** Nutsen (Matthiae) scripta suppressa. 348

L.

- de **L** Actantii editione vetusta. 312. sqq.
Lactantii per Antonium Raudensem collecti. 316
Laure-

Index Rerum.

Lauredani (Leon.) literæ ad Memmingenses. 137

Laurentius Medices literarum patronus & librorum avidissimus helluo. 28. **Ficini** patronus. 40. anathemate a Pontifice percussus. 76

Lei (Eduardi) liber adversus Erasmus quod fatum habuerit? 238

Leoni X. cum adhuc puer esset, Ficinus summi pontificatus honores præfagiit. 79. in eum Epigramma. 512

Leonius (Pettus) 43. 504. sq.

Letis (Gregorii) Theatri Britann. editio. Anglic. suppr. 344

Liber sub typographiæ primordiis excusus recensitus. 1. sqq.

de Libris rarioribus Dissertatio. 321. sqq.

Libri rari sæpe minus utiles. 325

Libris rarioribus accensendi sunt libri sub typographiæ initiis excusi. 2. 326. sq. paulo post typographiam inventam impressi. 329 a celebrioribus Sec. XVI. typographis exscripti. 336. sqq. publica autoritate suppressi. 341. sqq. a privatis suppressi. 363. sqq. ab ipsis vel autoribus vel editoribus suppressi. 384. sqq. quorum pauca exempla sunt excusa. 387. sqq. quos adversa fata suppresserunt. 393. sqq. quorum plu-

Qq 2 rima

Index Rerum.

- rima exempla in exteras regiones ave-
huntur. [399.fqq.](#) libri minutiores. [403.](#)
fqq. apud exteros excusi. 409. neglecti.
413. qui propriis autorum sumtibus pro-
deunt. 433. præstantiores & incorruptæ
librorum editiones. 427.fqq.
Libri eristici tandem rarefcunt. 424. nec
non inepti & futiles. [424.fq.](#)
Libri rariores ex recentiffima Bæliani Lexi-
ci editione notati. [436](#)
Librorum cupiditas inexplebilis. 321.fq.
Librorum Lutheranorum combuftio reme-
dium adverfus malignos morbos. 377.
medium Bibliopolis emptores plurimos
alliciendi. 379.fq.
Librorum prohibet. & expurgand. Indices.
371
de Lovanienfibus magiftris noftris epiftola.
248
Lutheri opera quinam damnaverint? 248.fqq.
in Lutherum epigrammata. [307.509.510.](#)

M.

- M**Agenbuchius (Joan.) 291
de Magiftris noftris Lovan. fatyrica epi-
ftola. 248
Magiæ falfo poftulatus fuit Ficinus. 119.fqq.
Marefii (Sam.) Papiffa reftituta. 171
Mariani Scoti locus de Joanna Pap. exami-
natus. 209. Marti-

Index Rerum.

Martini Poloni locus de Joanna Papissã. 151.
214. sqq.

Manutii (Aldi) laus. 337

Manutianæ editiones quædam minus cor-
rectæ. 339

• Marschalki (Nicol.) opera rara. 434

Matthæus Chronographus. 402

in Maurocordatum Satyra. 385

Medicæa domus literas ac literatos fovit. 27

Medices Ficini Patroni. 42

Medici quidam circa initium Sec. XVI. ce-
lebres. 502. sqq.

Meditationes philosoph. de Deo, mundo
& homine, suppressæ. 348

Melanchthonis Hypotyposes theologicæ. 418
laus. 441

Meletii Epistolæ ad Græcorum Ecclesias.
409

Mellinus (Domin.) Ficini vitam descripsit.
18

Memminga Maximiliano Imp. in deliciis.
141

Memmingæ Ordines Imperii A. 1508. con-
venerunt. 141

ad Memmingenses Lauredani Venet. Ducis
Epistola. 137

Memmingensis Bibliotheca publica multos
possidet libros ante A. 1500. excusos. 333

Index Rerum.

Memoria felicissima præditus fuit Ficinus.

114

Mexiæ (Petri) variarum lectionum sylva castrata.

142

Mezeræi (Franc.) Historia Galliæ.

433

Morsius (Joach.)

269

N.

NAudæi (Gabr.) liber quidam rarissimus.

344. Considerations sur les Coups d'Estat.

389

Nestler (Petr.) purioris religionis adversarius Ulmæ.

308

Nobletus (Joan.)

473. sqq.

O.

OCcam (Wilh.) Opera rarius obvia.

414

de Officio Christiani in controversiis religionis, liber suppressus.

355

de Ordine S. Spiritus libri rari.

422. sqq.

P.

PAndectarum Florentinarum inventioni an interfuerit Ficinus.

88

Pactum apparitionis post mortem.

113

Papissa Joanna.

142. sqq.

Peregrinationum literariarum utilitas.

443. sq.

Perionius (Joach.)

480

Petrar-

Index Rerum.

- Petrarcha summus librorum amator. [322](#)
Peziorum fratrum (Hieron. & Bern.) laus. [481](#)
Philomusi (Jac. Locher) Epistola. 501. sqq.
Philosophorum ante Christi adventum salutem propugnavit Ficinus. 83
Picus (Jo. Mirandul.) 90
Pierii (Joan.) locus de Joanna papissa. 163
Platonis docendi ratio. 52
Platonis philosophiam in templis docendam esse voluit Ficinus. 86
Platonis simulacrum in cubiculo Ficini. 87
Platonis versio a Ficino facta. 89. sqq.
in Platonem immodicus Ficini amor. 83
Plotini Versio Ficino concinnata. 96. sq.
Plutarchi quædam a Manutio minus correcte edita. 339
Politianus Angelus Ficini discipulus & amicus. 51. 64
Pontificii sæpe libros, quos ipsi probant, celant. 366
Psalterii Danici editio rara. [389](#)
Psalterii Germanici ex versione Lutheri editio rarissima. 416

Q.

Quintiliani Institutiones per Nic. Jenson
Venetiis. [1471](#). excusa. [334](#)
Quin-

Qq 4

Index Rerum.

Quintini (Jo. Comitis Jörger &c.) *Commentarii historici suppressi*, 341

R.

de **R**aritatis librorum causis dissertatio. 321. sqq.
Rarissimus liber, cujus tamen innumera excusa esse dicuntur exempla. 392
Raudensis (Anton.) 316
Regii (Desid.) Epigramma in Joannam Papiam. 143
Reusneri *Ænigmatographiæ* editiones. 477
sqq.
Rychardus (Wolfg.) 291
ejus epistolæ. 290. sqq. 507

S.

Salviatus (Franc.) Cardin. Ficini patronus. 59. ob conjurationem contra Medicæos ignominiose suspensus. 77
Sanderi *Chronographia Sacra Brabantæ*. 396
Sauberti (Jo.) editio *Bibliorum German.* interrupta. 361
Savonarola (Hieron.) 73
Scaligeri (Jul. Cæs.) *Epistolæ*. 296
Schazgerus (Casp.) 294
Scali-

Index Rerum.

Scaliger (Jof.) Patris Scripta contra Erasmus supprimit.	382
Schœffero (Petr.) typorum mobilium & sejunctorum inventio debetur.	5
Scriptura abusus est Ficinus.	78
Secessus literarius.	61. 65.
Seculi XV. felicitas.	23. sqq.
Segnii (Bern.) Historia Florentina.	346
Sella perforata.	169
Sepulvedæ scriptum aliquod suppressit Al- cyonius.	381
Serveti Scripta damnata.	348. sqq.
Sigberti Gemblacensis Codices dubiæ fidei.	211
locus de Joanna Pap. examinatus.	212
Sixti V. Biblia Vulgata. 358. Italica.	359
Socratem Christi typum constituit Ficinus.	84
Speculum humanæ salvationis, liber ra- riff.	3
Stokfleti Virga pastoralis &c.	397
Stapletonus Cyprianum & Gregorium Ma- gnum corrumpit.	540. sq.
Stræler (Jo.)	55. sq.
Staudicius ridicule debacchatur in Erasmi Novum Testam.	233
Stunica Erasmi adversarius.	237
Styli scriptorii descriptio.	495
Qq 5	Suc-

Index Rerum.

Successio continua papalis, quam jactant Pontificii, vana.	146
Suiffieri (Rich.) Scripta rara.	414
Superstitio Ficini.	133
ex Sylvii (Æneæ) libro de Euryali & Lucretiæ amoribus haustæ sunt Caroli Ludov. Palat. & Degenfeldiæ epistolæ amœbææ. 264. sqq. ejus amores.	267

T.

TAlmudis editio Veneta primitiva. 431 castrata.	<u>432</u>
Taurelli editio Pandectarum castigatissima.	<u>427. sq.</u>
Taxa poenitentiaria Cancellariæ Apostolicæ.	367. sqq.
de Temporis jactura querelæ Ficini.	35
Testamenti Novi Gall. editio suppressa.	<u>360</u>
Theurdank : editio rarissima hujus libri.	<u>430. sq.</u>
Thummus mentem Concilii Chalcedonensis minus fideliter explicat.	<u>548</u>
Tolandi Pantheisticum.	<u>390</u>
Trachyr.	307
Trapezuntius (Georg.) Platonis obtrektor.	71
	Typo-

Index Rerum.

Typographia a Germanis inventa.	6
Typographi primi cur plerumque libros ineptos excuderint?	12
Typographiæ præludia.	14
in Typographiæ inventores carmen.	16

V.

V Anderbech (Mich. Schendi) Empirica illustris. 387. ejus elogium.	387
Varchii (Bened.) Historia Florent.	346
Vergerii (Pet. Paul.) Opuscula rariora.	407
Ugonii (Pompeji) Orationes.	406
Uranius (Mart.) Ficini amicus.	55

W.

W Agenseilii Diss. de Joanna Papissa.	142. sqq.
Weneri (Leonh.) Poëmata.	426
Wilmotus (Jo.) pactum adparitionis post mortem cum alio iniit.	113
Widmanstadii Novum Testam. Syriacum.	399
Wolfii (Jo.) Lectiones Memorabiles.	433

Index Rerum.

X.

Ximenii (Franc.) nimius contra Mahu-
metanos libros Zelus. 357

Z.

Zæmannus (Georg.) 549
ad Zwinglium epistola. 248. sqq.



